

2750

A. DU  
PAVILLON  
—  
LES  
CONTRÉDICTS

V  
695<sup>8</sup>

RÉSERVE







0

8


VE






















V 80 6958

LES *mw* 2750

# Contredits du

SEIGNEVR DV PAVILLON,  
lez Lorriz, en Gastinois, aux faulses & ab-  
busifues propheties de Nostradamus,  
& autres astrologues.

Adiousté quelques œuvres de Michel Marot, fils de feu Cle-  
ment Marot, prince des poetes Francois.

*En f<sup>te</sup>*

*Genouefa 1734*



Aucc priuilege du Roy, & de la Court  
de Parlement.

A PARIS,

Pour Charles l'Angelier, libraire iuré de l'Vniuersité de  
Paris, tenant sa boutique au perron de la salle des merciers,  
ioignant la porte de la grand' salle du Palais.

1560.

❧ Extraict des registres de  
Parlement.



A Court, apres auoir veu la requeste à elle presentee par Anthoine Couillard Seigneur du Pauillon pres LorriX : Et la certification de deux docteurs en theologie en l'vniuersite de Paris, a permis & permet audict suppliant faire imprimer par tel imprimeur & libraire que bon luy semblera, Quatre liures composez par ledict suppliant, intitulez Les Contredictz du Seigneur du Pauillon, contre les faulses propheties de Nostradamus: Apres aussi auoir veu le consentement du procureur general du Roy : Et ce pour le temps & terme de cinq ans, à compter du iour & datte de la presente permission, avec defenses à tous autres imprimeurs ou libraires d'exposer en vente lesdicts liures sans le congé dudict suppliant, sur peine de confiscation d'icculx.

Faict en Parlement, le treiziesme iour de Decembre, l'an mil cinq cens cinquante neuf.

Collation est faicte.

Ainsi signé,

DE S. GERMAIN.



❁ A NOBLE HOMME ET

*sage monseigneur maistre Francois Le  
Cirier, Seigneur de Montigny, conseiller  
du Roy nostre sire, en son souuerain senat  
à Paris, Antoine Couillard Seigneur du  
Pauillon pres Lorriz, treshumble salut,  
auec accroissement d'honneur  
& felicité.*



OSTRE calamité presente, ô  
seigneur de tresmemorable sapien  
ce, bonté & vertu, me fait certes  
non moins esbahir, que ressonue  
nir des contentions & debats si grâs  
qu'eurent Platon, Aristote, Pitha  
gore, Empedocle, Democrite, Epicure, Diogene,  
Thales, Metrodore, Bruxille & autres innomera  
bles philosophes anciens, sur ce que par diuersité  
d'opinions, chascun d'eulx vouloit adorer vn ou  
plusieurs dieux: & en sa fantasie depaindre l'origi  
ne & propriété du monde: car tout ainsi qu'en ma  
tiere si haulte & à eulx pour lors, difficile d'enten  
dre, ils ne se pouuoient accorder: Nous aussi auons  
de ce temps, plusieurs & diuerses sectes d'hommes:  
les vns pleins de lettres desquelles ils veulent, com  
me perturbateurs & ennemis du bien & repos de la  
Chrestienté, vser & les interpreter à leur plaisir: Et

*Epistre.*

les autres si ignorans qu'ils ne sçauēt par quel bout  
cōmencer pour cuidoer calōnier les bonnes mœurs:  
& donner nouuelles loix, formes & constitutions,  
derogeans à celles qui ont tant sainctement & de si  
long temps esté approuuees en la congregatiō des  
fideles: Et les autres, ce me semble, plus dangereux,  
nous veulēt rendre barbares & idolatres par nous  
faire (s'ils pouuoient) croire & adiouster foy à nō  
bre infiny de pretenduz desastres, diuinatiōs & pre  
sages si malheureux, qu'ils osent toucher à predire  
tout ce que Dieu a en luy seul voulu reseruer de se  
cret: Et font, contre verité, entendre au simple po  
pulaire & doubter les plus sçauans, qu'ils peuent  
discerner, cognoistre & predire les choses futures  
par les cours & reuolutions des corps celestes. Si  
telles folies & erreurs sont, comme aucuns s'effor  
cent publier, procedees de la lecture des liures trās  
latez & tournez de lāgue en autre, & faulte d'auoir  
entendu la vraye & saincte interpretation des do  
ctrines Hebraïques, Grecques & Latines, ce n'est  
à moy à en iuger, mais à ceulx qui entēdent & font  
profession de telles lettres. Je diray bien, suyuant  
l'opinion de plusieurs, que la faulte pourroit plust  
ost proceder d'ailleurs: & mesmemēt pource que  
toutes sciences, par le moyen des cruelles & mor  
telles guerres & diuisions aduenues en la pluspart  
de la Chrestientē, ont par plus de douze cens ans  
esté enseuelies, & la Barbarie & Gothie receue en  
plusieurs royaumes & prouinces iusques au com  
mencement du regne du grād & magnanime Roy  
François, premier de ce nom, que les liures cachez



## *Epistre.*

es pais tant estranges que prochains, furent à la diligence & fraiz indicibles, de ce bon Roy, curieusement exquis & cerchez par toutes anciènes bibliothèques: & les plus precieux raportez, translatez, imprimez & mis es trefors publicqs & vulgaires, non seulement de nostre France, mais aussi par ce seul moyen de tous les royaumes Chrestiens: Enquoy faisant les esprits ont si diuinement & curieusement esté refueillez & instruits à vertu & les dictions tant Hebraïques, Grecques que Latines: & de nouuelles lāgues maternelles tant bien limees, aornees & polies qu'il ne reste plus rien que de suyure la pure & sincere verité de la sacree escripture. Mais si les aucuns se sont voulu esloigner de la vraye & saine intelligence: & reprendre les erreurs anciennes des heretiques qui ont ia par tant de saincts & sacrez conciles vieux & recens, esté diuinement & à bon droit confutees, & comme pernitieuses & malheureuses condamnées: Qui pourroit à cela remedier & dōner de nouuel quelque ordre saint & salubre, sinō les saincts Pōtifes, Empereurs, Rois & princes de la Chrestienté? Ausquels, & non aux particuliers (qui cudent tout sçauoir) appartient la souueraine cognoissance, iugement & decret final d'accommoder & appaiser les hommes selon la necessité du temps & mutation des mœurs & conditions des nations, pour les rendre, si faire se peult, (& croy que oy) sous la grande enseigne & banniere de celuy qui nous a laissē vne bōne, vraye, seule & vnicque foy: Et que d'oresenauāt ceulx qui se dient estre sous mesme enseigne & de mesme pris

## *Epistre.*

rachaptez, ne se puissent plus les vns des autres scādaliser: à fin d'eiter vn trouble si grand & pernicieux quel'effusion du sang humain, non seulement en depend, mais aussi la perte des diuines ames, fil ne plaist au seigneur Dieu impartir sa misericorde. Ce n'est donc pas la translation des liures qui a causé telles infectees contrariez & diuersitez d'opinions: Mais aucuns ministres & autres esprits deprauéz & malings, qui ont voulu, les vns abuser & mal vser des lettres, & les autres mal administrer. Car quant à moy, selon mon petit iugemēt, ne trouue qu'il y ait chose en l'eglise mal escripte & constituée: Mais au contraire que l'obseruance des traditions est si sainte & louable que lon ne doit calumnier sinon les mauuais ministres, qui ne la peuvent toutesfois & ne pourroyent iamais empirer: & au demourāt croy qu'il n'y a chose plus heureuse nouvellement & diuinement venue au monde que les louables translations qui doyuent estre premierement au souuerain Dieu attribuees. Et secondement à cest excellent & magnanime Roy François, qui en a, comme nous auons dict, esté l'inventeur & amateur. Parquoy à bō droit, peult de luy estre dict ce que Laurens Valle a escript: que ne fut moindre gloire à pape Nicole cinqiesme, d'auoir fait trāslater certains liures de Grec en Latin, que s'il eust remis en sa subiection la monarchie & empire Romain. O quels heureux donc, & encōres plus que tresheureux trauaux ont pris & receu les diuins translateurs à faire escripts non subiects à la mort! Mais ie vous prie pēser quel horrible & plus



## *Epistre.*

qu'abominable peché : ou quel blasphème contre le saint esprit pourroyent auoir faict & commis enuers ceste supreme maiesté & cleméce diuine les gentils & esueillez esprits naturels, seulemēt appellez à ce doux & gracieux langage maternel de nostre France, maintenant excédant tous autres. Mais aussi donc & de quel lignage, estoife & mauuaise qualité d'esprit sont ils moins que les autres pour estre inciuilement priuez des tesmoignages diuins & du fruiet des choses qui par cy deuant ont, cōme auons dict, esté cachees es tenebres d'ignorāce, que l'excellence de ceste diuine translation nous communique : & dont les entendemens & engins humains sont de plus en plus attirez & amorsez à vertu, nouriz, renforcez & resiouiz : &, par maniere de dire, sont faicts diuins, pourtant qu'il n'est chose plus desiderable & pour prédre tout à vn mot, plus nécessaire & vtile, que de veoir en nostre frāse maternelle translaté tout ce qui se trouue es langues Hebraicque, Caldee, Arrabicque, Grecque & Latine, ou il y a tant de vehemence & verité, que tous ars, sciences & disciplines nous sont quasi comme cōmunes, aisees & possibles. O diuins translateurs ! O, quel plaisir il y a en ceste diuine translation & lecture des œuures (i'entēds les louables) de present tant pollies par l'industrie & science de l'impression diuinement inuentee ! On y trouue certes, ô monseigneur, grāde varieté de negoces, mutation d'estats & persōnes, nouuelletez infinies, plusieurs exemples de bonne & mauuaise fortune, comme incertaine & vacillante : des cōseils & inuentions

## *Epistre.*

merueilleuses , copieuses sentences, belles & grâ-  
ues: non seulement cōuenables au temps, mais au-  
si trespropres pour animer le courage à bien for-  
mer ses mœurs & en tirer & prédre aduertissemēs:  
desquels on se peult aider tant au salut, que es affai-  
res publicqs & particuliers, pour ne craindre la mu-  
tabilité de fortune: à la violēce de laquelle on pour-  
ra non seulemēt par vne promptitude de bon con-  
seil facilement resister, mais aussi reparer le dom-  
mage encouru. Les tresnobles translateurs & ceux  
qui ont bien & diuinement escript, ont donc esté  
fort necessaires, tant à ceulx qui n'entendent les au-  
tres lāgues que pour profiter à eulx mesmes. Qu'il  
soit ainsi, nous en auons exemple suffisant: Car si  
l'ancien testament n'eust esté traduit de l'Hebreu  
en Latin & le nouueau du Grec, les Latins n'eussent  
eu aucune cognoissance de Dieu: Comme aussi les  
Frāçois & autres nations l'eussent ignoré, si lesdits  
liures n'eussent esté translatez en leurs langues. Et  
si ne me puis arrester à ce qu'aucuns dient qu'il y  
a danger merueilleux es lectures des liures tradu-  
its de tant que les femmes comme les hommes, &  
les ieunes comme les vieux, du tout (dient ils) igno-  
rans les lettres & les sens substancieux d'icelles, s'a-  
donnent à y donner nouuelles & mauuaises inter-  
pretations. Et pour conforter leur opinion, dient  
qu'il y a tant de gēs qui s'y sont fourrez si auāt que  
ils en ont esté bruslez, & en plusieurs autres sortēs  
executez. Pourquoi s'approchent ils si pres du feu  
pour mourir à credit? Il eust esté meilleur pour  
eulx, qu'ils se feussent retirez sous l'enseigne de



## *Epistre.*

ceulx qui font brusler les autres . Mais quoy ? Ils font gloire de mourir en leur erreur, pour aller faire des miracles & estre canonisez à Genesue & en registrez au cathalogue de leurs malheureux predicans, qui ne s'osent approcher de paour de mourir de chault: ne semblablement plusieurs autres, lesquels pour suyure leur libertine doctrine ont ven du à beaux deniers cōptans (car il n'estoit lors question de prester) les vns leurs benefices, autres leurs acquests & patrimoines, autres faiēt bancquerote, vollé & destruiēt leurs creanciers: & les autres, tant prestres que seculiers, defloré les vierges & religieuses: icelles rauies, prises pour leurs femmes & emmenes iusques au receptacle de tous bannis & exilez. Voila donc comme ils suyuent Iesuschrist, & profitent du saint & sacré euangile, qu'ils veulēt tor dre & faire entēdre à cōtre ongle, sous vmbre d'une sainteté roillee & fardee, que ie d'escrirois trop mieulx, ensemble leurs autres façons de faire, que ie sçay plus que ne voudrois, si elles n'estoyent desia tant esuentees, que l'air en est infect. Toutesfois, ce n'est du iourd'huy, ainsi que noz cronicques enseignent, que les hereticques ont voulu pulluler en la Chrestienté: & à cela cognoist on les bons des mauuais. Pour retourner donc au propos commencé, il y en a plusieurs qui aimeroyēt mieulx la lecture des liures de Lancelot Du Lac, les cheualiers de la table ronde, Melusine, Robert Le Diable, Huon De Bordeaux & autres Romans & liures de semblable fruiēt, qu'ils ne feroient celle des saintes & sacrees lettres. Certainement ils errent en cela : car

## *Epistre.*

pour vn qui peut estre maling & prédre les diuines lettres à sens contraire, il y en a dix mil lesquels, par sainte lecture & contemplation des liures translatez, retournēt à bien viure & acquierēt paradis, qui auparauant leur estoit cloz. Puis nous scauons que nostre Dieu a voulu & commandé son euangile estre publiee à toute creature indifferemmēt, publicquement & apertemēt en tout lieu & en toute place, pour chascun selon la capacité de son entendement la receuoir, pour s'apprendre à le glorifier. Mais aussi quelle chose est ou peut estre meilleure? Car nous cognoissons que les ieunes diuinement prudens & instruits à bien & heureusement viure par la lecture des lettres diuines & liures translatez, garniz d'une multiplicité & abondance d'exemples: & quant à ceulx qui sont competamment aagez, acquierent doctrine plus que autrement l'homme ne pourroit comprendre: combien que son aage fust plus long. Ceulx d'oc qui par leurs escripts ont illustré les sciences, sont estimez auoir admirablemēt aidé les choses humaines, pour auoir fidèlement redigé & escript, non seulement la vie de celuy leql pour reparer noz mesfaits s'est voulu faire mortel: & de ceulx qui non d'assez pres, toutesfois à leur pouuoir, l'ont suiuy: Mais aussi les faits & actes des excellens esprits & illustres personnes qui nous ont mis deuant les yeulx la vie, les mœurs, leurs faits, leurs fortunes & aduâtures: toutes lesquelles choses la posterité a peu & peut veoir par escript comme si au viselles estoient emprainctes ou pourtraictes pour en prédre les profitables



## *Epistre.*

enseignemens. O monseigneur, si ie voulois suffisamment louer cest art de translation & blasmer ceulx qui vsent mal des lettres, il me faudroit estre plus long que le temps & propos ne requiert: toutesfois si i'en ay aucunemēt touché, ce n'a esté que pour le desir que i'ay d'entremesler les diuines avec les humaines: & aussi que trouuerrez p le discours suyuant, que cela auoit quelque conformité & connexité à la matiere dont ie veulx traicter: Pour laquelle rédre fort bien fortifiée me suis seulemēt aidé des sentéces & auctoritez puisées es visues sources & fontaines des sacrees escriptures: & des saicts docteurs, interpretateurs d'icelles qui m'ont semblé plus propres & conuenables à contredire & abbolir les nouuelles, faulses & abbusiues propheties de Nostradamus, & autres astrologues qui se vouldroyent efforcer faire, comme nous auons dict, idollatrer nombre infini de paouures creatures ignorantes: lesquelles ont desia plus creu & croyēt chacun iour à telles mensonges qu'au vray fruiet de la parolle & assurance de verité, qui est Dieu: enuers la superceleste maiesté duquel ne me tiens moins obligé d'auoir à mon gré (& parauāture au mespris de tous) entrepris de (q̃l qu'il soit) mon petit labeur par moy composé des l'an mil cinq cens cinquante cinq, & non encore mis en lumiere pour la malice du tēps, que de l'auoir adressé (pour refuge de seurété) à vn si noble, sage & sacré senateur. Ce que ie dy, mōseigneur, n'est adulation & m'en croyez, si vous plaist: Mais la faueur que portez tant à la catholique & religieuse obseruance, que aux lettres

desquelles estes remply: & semblablement le bon visage que monstrez aux amateurs d'icelles, m'y ont comme obligé & contrainct outrel'abondance: toutesfois du souhait que i'auois prendre hardiesse vous adresser ces quatre petites particules, pour les defendre enuers & contre tous calomniateurs: esperant par mesme moyen, que si y a faulte, elle sera en me pardonnant selon vostre benignité accoustumee, trop mieulx suppliee, que si au lieu de la pure & simple verité des choses, il y auoit quelque aornement exquis, fard ou inuention nouuelle de contredire.

Esript pour estraines au Pauillon, lez Lorriz  
en Gastinois, ce premier iour de Ian-  
uier, l'an mil cinq cens  
soixante.



¶ On t'a cy rendu  
loyal.





❧ QVATRAINS SVR LA  
mort du bon Roy Henry,  
deuxiesme de ce  
nom.



*Si ie pouuois le corps faire reuiure,  
Tous pleurs cessez, reuiendrois à moymesme,  
Mais puis que dueil toute la France enyure,  
Ie ne suis seul, souffrant douleur extreme.*

*O seigneur Dieu, qui as voulu choisir  
Vn Roy ioyeux d'une guerre passee,  
Donne à son Fils, s'il te plaist, le desir  
D'entretenir la paix qu'il a laissee.*

❧ SVR L'HOMICIDE DV  
president Minard.



*Malheureux qui tel homicide  
A commis en ce bon Minard,  
Qui excede le parricide,  
Nete contente de la hard:  
Car si ton corps ne brusle*



*En tous endroicts par tenailler  
Et qu'il ne soit flambé de lard,  
Nous ne ferons que larmoyer.*

✽ AVTRES QVATRAINS  
pour estreines à nosseigneurs de  
la court de parlement  
à Paris.

*Peres conscripts diuins & esleuez  
Au souuerain senat du monde,  
Donnez confort que nous soyons lauez  
De tout erreur vil & immonde.*

✽ A MONSEIGNEVR LE  
premier president.

*Si le pris d'or faisoit renaistre  
En ieunesse les hommes vieulx,  
Combien s'achapteroit le maistre,  
Pour presider de bien en mieulx.*



28 A MONSEIGNEVR LE  
president De Sainct André.



*Celuy qui t'impofa ce nom  
Te preuoyoit tout plein de droict:  
Donc, selon mon opinion,  
T'eust mieulx nommé, De sainct endroict.*

28 A MONSEIGNEVR LE  
president Segulier.



*Si lon veut traicter d'eloquence,  
Ou est celuy qui te peult fuyure?  
Puis que ta langue a eu puissance  
De faire Cicero reuiure.*

28 A MONSEIGNEVR LE  
president Baillet.



*Si ton pere fut decoré  
En hault degré, Dieu, par sa grace,  
N'apas au fils moins operé  
De l'auoir fuyuy à la trace.*

28 A MONSEIGNEVR LE  
president De Thou.



*Cas merueilleux que ta prudence  
Conforta tant la republicque,  
Que Paris mis hors de balance  
On feit aux ennemis la nicque.*

28 A. MONSEIGNEVR LE  
president De Harlay.



*Si oncq' fut vn noble lay,  
De grand scauoir & diligence,  
Adiouſtons y nostre Harlay,  
Plein de bonté, grace & prudence.*

28 A MESSEIGNEVRS LES  
preuosts, freres &  
presidens.



*Si les escripts ſaincts & deuots  
Du grand docteur fort nous obligent*

*De*



*De obeir à noz preuosts:  
Voz mœurs aussi les maulx corrigent.*

✽ A MONSEIGNEVR LE  
president Texier.



*Iamais Texier senamoura  
D'œure tant cher n'en si bon lieu,  
Que feit celuy qui resleua  
Pour presider en si hault lieu.*

✽ A MONSEIGNEVR MAI  
stre Adam Fumee,  
conseiller.



*Ton grand scauoir tu fais aux autres en-  
(tendre,  
Ne delaisant ce qui est de ton fait:  
On lit en toy ce que l'on doit comprendre  
Pour esperer tousiours au plus parfait.*

À MONSIEUR BRA  
chet, conseiller.



*L'homme de bien suit tousiours ta doctrine,  
Mais non celuy qui en supplice eschet:  
Car au clignet de l'œil tu vois sa mine,  
Desia luy semble que sus luy ton bras chet.*

À MONSIEUR  
Hector, conseiller.



*Si la science est tousiours plus prisee  
Que tous metaulx, tant soit estimé l'or,  
Ta preference sera fauorisee  
Puis qu'en cela es plus vaillant qu'Hector.*

À MONSIEUR MAI  
stre Robert le Cirier, de present le-  
cteur en droict canon  
à Paris.



*Puis que les lettres t'ont tant fauorisé  
Que tu en vse en ta leçon publicque,*

*Tu n'as moins faict que tous ont desiré,  
Pour l'esperance qu'en a la republicque.*

✿ A MESSEIGNEURS DV  
Mesnil, & Bouscherar, aduocats  
du Roy, au souuerain senat  
du monde.



*Si tous les liures de droict estoient periz,  
Comme tout fut par inundation,  
Pourueu qu'ils feussent de vous deux fauoriz,  
Seroyent remis en leur intention.*

✿ A MONSEIGNEUR LE  
procureur general  
du Roy.



*De tous les ars qui sont semez  
Par l'vniuers du genre humain,  
Les plus arduz sont imprimez  
En la prudence de Bourdin.*



✿ A MONSEIGNEVR GRI  
ueau doyen d'Amiens, chanoine  
de la Sainte Chappelle  
à Paris.



*Pere des lettres, ton seruiteur  
Ne te peult autre plaisir faire,  
Que de t'aimer de tout son cueur,  
Et ce petit present te faire.*

✿ A MONSEIGNEVR LE  
president & bailly d'Orleans.



*Combien que la noble science  
Ne se puisse iecter au lot,  
Si est ce, que ta vigilance  
A bien eu le plus gros lot.*

28 A MONSEIGNEVR MAI  
stre Charles Galloppe Seigneur de  
Ballanuillier, aduocat en  
parlement.



*Si quelcun dict qu'au vis il te ressemble,  
O aduocat du senat souverain,  
Il aime tous & tous l'aiment ensemble,  
Tant ton cueur est noble droict & begnin.*

*Ie te pry donc prendre la cause en main  
Du Pauillon, qui a bien fort à faire  
A vaincre ceulx qui iectent leur venin,  
Pour contemner ce qu'ils ne scauroyent faire.*

28 A MONSEIGNEVR SE-  
uin Seigneur de Miramion, aduo-  
cat en parlement.



*Si ta doctrine a de bon œil receu  
Les œuures que t'ay presentees,  
Te pri encor veoir ce que i'ay conceus  
En respondant à mes pensees.*

✿ A SON BON AMY,  
maistre Iehan Constant, procureur  
au chastellet de Paris.



*Qui te pourroit accuser d'inconstance,  
Puis que tu hay par trop l'homme inconstant,  
Et aime ceulx qui honnorent constance,  
A bon droit donc, l'on te nomme Constant.*

✿ DE DEUX AMANS, DE-  
puis mariez ensemble, leur nom se  
trouue es lettres capitales.



*L'Amant,  
Faisant discours, sans t'auoir veue,  
R'auir toymesme sans pitié,  
Ay conclu te tenir pour veue,  
N'esperant plus autre amitié:  
Car si ton œil me tient pour veu,  
On verra le nostre en commun:  
Iamais tel amour ne fut veu  
Si nous mettons deux cueurs en vn.*



RESPONSE DE  
L'Amie,




*J'ay cause de resjouissance,  
Estant aimée de vous monsieur,  
Honneur & toute obeissance  
Aurez de moy, si le seigneur  
Ne renuoye ailleurs vostre cueur:  
N'esperez moins qu'en vostre endroict  
Et par tout i'auray le cœur droict.*

A MONSEIGNEVR BVI  
nard, religieux prieur de Sermaise.



*Quand Rabelais t'appelloit moine,  
C'estoit sans queue & sans doreure:  
Tu n'estois prieur ne chanoine,  
Mais frere Iehan de Lecitanmeure:  
Maintenant es en la bonne heure,  
Pourueu & beaucoup mieulx à l'aise,  
Puis que fais paisible demeure  
En ton prieuré de Sermaise.*

F I N.





# Table des qua-

TRE LIVRES DES CON-  
tredicts du Seigneur du Pauillon aux faul-  
ses propheties de Nostradamus.

## Table du premier liure.



VE la sapience des hommes,  
est folie deuant Dieu:& de  
l'erreur des anciens philo-  
sophes, chap. i.      feuil. r

Des faulx prophetes selon le  
liure de Ieremie. chap. ii.      4

Que les anciens philosophes n'ont eu co-  
gnoissance de la premiere & souueraine  
cause, chap. iii.      8

Le tresbon & solide fondement que prent  
l'auteur, commençant à la Trinité &  
diuine essence. chap. iiii.      9

L'auteur s'excusant, dit qu'il n'a rien mis  
du sien, sinon l'inuention, chap. v.      11

Des erreurs des anciens philosophes, cha-  
pitre vi.      12

L'auteur poursuit les mesmes erreurs des

*Table.*

philosophes ethniques, chap. vii.	14
De l'ignorance des anciens philosophes: Et de l'inuention d'Astronomie & Astrologie, chap. viii.	15
Qu'il fault auoir en grande & merueilleuse admiration les corps celestes : Et du deluge predict, chap. ix.	17
Des naissances & aages des premiers pe- res, avecq' conclusion du premier liure, chap. x.	18

*Table du second liure.*

<b>D</b> E la grãdeur du soleil, distãce des spher- es, & circũference de la terre, cha- pitre premier.	20
L'homme, quant à l'ame, participe du ciel: & le corps des quatre elemēs, ayans tou- tesfois vn liberal arbitre, nō subiect aux astres, chap. ii.	22
Comme la puissance des corps celestes se doibt entendre sur les corps humains, chap. iii.	24
De ce que les philosophes & pronostiques doyuent vser en leurs pronostications, chap. iiii.	26



*Table.*

Des complexions du corps humain, selon les quatre elemens, chap. v.	28
De l'abus des pronosticqueurs: Et que les astres n'ont sur les hommes aucune puis sance de les faire pecher, chap. vi.	29
L'auteur dit qu'il s'est armé des saintes escriptures, chap. vii.	31
Ouverture des p̄mieres guerres, ch. viii.	34
Les grandes guerres des enfans d'Israel, chap. ix.	35
Que les guerres procedent des pechez du peuple: Et que la paix est es mains de Dieu, chap. x.	37
De la contrarieté & abus des diuinateurs, chap. xi.	38
Comme il fault entendre la cōtemplation des estoilles: Et de l'ignorance des an ciens philosophes, chap. xii.	40
De l'idolatrie des philosophes anciens: Et de la raison du iour & de la nuit, chapi tre xiii.	41
D'une vision assez estrange, veue par l'au teur, l'annee mil cinq cens cinquante cinq, chap. xiiii.	43
Tous pronosticqurs ou diuinateurs ne peu uēt iuger des choses futures, cha. xv.	44.



*Table.*

Conclusion du second liure, ou il dit, qu'il  
est impossible d'accorder les pronostic-  
queurs, chap. xvi. 46

*Table du tiers liure.*

**D**V grand abus des Astrologues, chapi-  
tre premier. 47  
Que c'est prophetie : & quels ont esté les  
vrais prophetes, chap. ii. 50  
De la difference que saint Paul met entre  
apostres, prophetes & docteurs : & com-  
me aucuns meschâs ont prophetisé, cha-  
pitre iii. 51  
Que les vrais prophetes estoient iadis ap-  
pellez Voyâs, & qu'ils ne doibuent estre  
contemnez : mais les faulx prophetes  
reiettez, chap. iiiii. 54  
Qu'il se fault garder des faulx prophetes, &  
ne les fault escouter, chap. v. 55  
Des propheties sur l'aduenement de Iesuf-  
christ & par luy accomplies, chap. vi. 56  
Encore d'autres propheties accôplies par  
Iesuschrist : & que les philosophes en ab-  
busant, deçoiuēt les simples, chap. vii. 57  
Que toutes les propheties des saincts pro-

*Table.*

- phetes ont esté diuinement reuelees, &  
non cogneues par la reuolution des a-  
stres, chap. viii. 59
- Que les hommes ne se doibuent enquerir  
des secrets diuins, q̄ nul n'a iamais sceu,  
sinon l'esprit de Dieu, chap. ix. 61
- De l'inutilité des curieuses & abbusiues pro-  
pheties, chap. x. 62
- Que les significations des comettes & si-  
gnes du ciel sont incogneuz aux hom-  
mes, chap. xi. 63
- Que les signes celestes manifestent les grā  
des ceuures de Dieu: & ne peuent les e-  
stoilles & planettes induire à peché, cha-  
pitre xii. 64
- Qu'il ne fault croire en doctrine fallacieu-  
se: & que l'homme ne peut comprēdre  
les choses qui sont de l'esprit de Dieu,  
chap. xiii. 66
- Que Dieu en plusieurs sortes & manieres  
a parlé aux saincts prophetes: & qu'ils  
n'ont rien annōcé par le moyē du cours  
des astres, chap. xiiii. 67
- Les nouueaulx prophetes ne prophetisent  
diuinemēt: mais leur doctrine est abbu-  
siue, chap. xv. 69



*Table.*

De ne se fier aux ppheties escriptes en langage estrange: & ne s'abuser en persuasion de parole, chap. xvi. 70

Que les saints prophetes ont esté inspirez du Seigneur, qui met l'esprit de mensonge en la bouche du faulx prophete, chapitre, xvii. 71

Que les mauuais hommes & deceueurs ne profitent à eulx mesmes, & de la conclusion de cetiers liure, chap. xviii. 72

*Table du quatriesme liure.*

**D**E la genealogie de nostre Seigneur, iusques à Iacob, chapitre premier. 74

Des enfans descenduz de Iacob: Et de la naissance de Moïse, chap. ii. 75

Du grãd sçauoir de Moïse: Et de la promesse du seigneur Dieu, que le monde dure rapar anne'es admirables, chap. iii. 78

L'autheur veult encore prouuer l'amour inuiolable de Dieu enuers les hommes, pour les conseruer longuemēt en ce monde, chap. iiii. 80

Que Moïse & Trismegeste ont composez les liures originaulx de toutes sciences, chap. v. 82



*Table.*

- De la grādifsime philosophie de Trismege  
ste, q prouue le mōde infallible, ch. vi. 84
- Comme Trimegeste a prophetisé l'adue-  
nemēt de Iesuschrist: & que l'ordre & le  
temps font le renouvellement de toutes  
choses, chap. vii. 85
- Comme il ne fault adiouster foy aux diui-  
nations: ne attribuer aux corps celestes  
aucune gloire, mais à Dieu, chap. viii. 87
- Comme il reprēt ceulx qui croyent aux  
faulx prophetes, chap. ix. 88
- Que tous philosophes & astrologues sont  
ignorās de la fin du dernier periode, cha-  
pitre x. 89
- Preuve que des auparauant le deluge, l'an  
estoit de douze mois, comme au temps  
present, chap. xi. 90
- De l'ethimologie & deriuation des noms  
des mois de l'an, chap. xii. 93
- Des contrarietez qui sont en Iosephus: les  
soixantedix interpretateurs & docteurs  
de l'eglise, sur les ans de l'aage du mon-  
de, chap. xiii. 95
- Il descript les contrarietez des historiogra-  
phes modernes, sur les ans du monde,  
chap. xiiii. 97

*Table.*

- De la repetition & collection des contrarie  
tez des historiographes sur les ans du  
monde, chap. xv. 99
- Que Daniel & autres saincts prophetes, ne  
ont rien prophetisé par la cōtemplation  
des astres, chap. xvi. 100
- De ce que les astrologues eulx mesmes se  
contrairiēt en predisant la fin du dernier  
periode, chap. xvii. 102
- Il repete les propheties d'Esdras & Daniel,  
& se prepare d'alleguer celles de Iesuf-  
christ, chap. xviii. 104
- Qu'il ne fault doubter du dernier perio-  
de: mais Dieu seul sçait le temps, chapi-  
tre xix. 105.
- Contre vn docteur scandaleux qui prescha  
à Paris, l'an mil cinq cens cinquātetrois,  
chapitre xx. 107
- Il ramene & allegue tous les saincts textes  
& passages faisans mētion de la consom-  
mation du monde, & iugemēt final, cha-  
pitre xxi. 109
- Du nombre septenaire sur lequel les astro-  
logues se fondent, chap. xxii. 112



# Contrédits du

SEIGNEUR DV PAVIL-  
lon, aux faulſes propheties de  
Noſtradamus.



Nul prophete n'eſt ſans honneur, ſinon  
en ſon pais, & en ſa maiſon.

Matthieu 13.



¶ Que la ſapience des hōmes eſt folie deuant  
Dieu, & de l'erreur des anciens philoſophes.

## CHAPITRE PREMIER.

**S**I la promeſſe eſcrite à la fin  
de noſtre liure, pour bōne cau-  
ſe, intitulé: Les propheties du  
Seigneur du Pauillon, ne me  
euſt bien fort obligé de m'en  
acquiter, qui eſt celluy, qui pourroit pēſer,  
conſideré le peu de faueur, que la France  
porte aux plus diligens, que ie me ſeuſſe  
tant voulu hazarder, que de prédre l'incré-

A





## Contredicts

dible labour des quatre liures suyuant qui font, ce me semble, suffisante responce & emportent la victoire cōtre toutes les propheties des nouueaux prophetes: apres lesquels toutesfois ie confesse n'estre digne porter bouteille ne liure: Et encor moins deslier les courroyes de leurs malles grasses, esquelles, & tousiours apres soupper, ilz fourrent: & puis aprestirent en lumiere vn taz de propheties prononcees de si vollaige inconstance qu'elles sont par la cōmune sentence de tous bōs esprits iugees non moins vaines & aduātureuses, que ridiculles, vmbreuses & scādaleuses: Mais pour ce que j'ay conueu la sotte multitude, ou bien l'opinion vulgaire y vouloir adherer & delaisser la vraye lumiere pour tumber estenebrēs d'erreur: & aussi consideré que sainct Paul en sa premiere epistre à Timothee, chapitre quatriesme, nous charge par lāt au mesme Timothee d'entēdre au don de vraye prophetie sans nous arrester aux songes iantilles des hommes esleuez a folie: j'ay pris hardiesse de manifester a tous ma poursuicte: pour ce mesmemēt que l'eternel par labouchē du sainct prophete Is-



remie chapitre vingtneufiesme : & au septiesme del'euāgille saint Mattheu a pour tresgrande & admirable cause, non moins doucemēt & benignemēt instruiēt les siēs que enioinēt & estroictement commandē nous garder des deuins & faulx prophetes: à fin, diēt il, que ne soyons seduiēt de leurs songes & faulses propheties si inutiles, mal heureuses & execrables, qu'elles bataillent sans cesse, contre l'honneur, vouloir & intention de la diuine & superceleste maiesté. Surquoy le glorieux saint Paul, au chapitre premier de son epistre aux Corinthiēs, reiterāt ce qu'a escript Esaye vingtneufiesme & trentetroisiesme chapitres, demāde: Ou est le saige, ou est le scribe & ou est le disputeur de ce siecle? Dieu n'a il pas, diēt il, affoili la sapience de ce monde? Certainement aussi n'y trouuons nous aulcun qui soit aorné de parfaicte sagesse: Car celle qui est vraye est infinie, eternelle & incōprenable & n'y eut onc qu'un seul sage duquel est pcedé tout le bien de la felicité humaine. Ce glorieux apostre diēt aussi au tiers chapitre de sa premiere epistre aux mesmes Corinthiēs: Nul ne s'abuse. Si aulcun entre



## Contredicts

vous cuide estre sage, qu'il soit fait fol en ce mode, à fin qu'il soit sage: Car la sapience de ce mode est folie deuât Dieu, qui surprent les sages en leur cautelle & cōgnoist que leurs pensees sont vaines. Voyôs la dessus le prophete Baruch au tiers chapitre de son liure: Qui est môté au ciel, dict il, pour prendre sapience? Qui a passé oultre la mer pour cōgnoistre ses voyes? Cestuy certes qui a preparé la terre en temps eternal, scet & cōgnoist seul toutes choses. Retournons à saint Paul lequel en l'vnziésme chapitre aux Romains demande: qui a cōgneu l'intention du seigneur. Et au commencement de l'epistre quatriésme aux Corinthiês dict ces proptes motz: Il est requis qu'entre les dispensateurs des secretz de Dieu chascun soit trouué fidelle. Et s'il est dōc ainsi, comme certes il est, que toutes les sapiences des hōmes ne soyent pas seulement quelque figure ou vmbre deuât Dieu: cōme nous fera il possible d'approuer que les astrologues & nouueaulx prophetes puissent sçauoir & discerner les choses aduenir & de croire que les corps celestes ayēt quelque puissance sur les espritz & franc arbitre: ainsi que le



veulent soustenir plusieurs qui ensuyuent les sectes anciēnes des Priscilianistes ainsi appelez, comme dict le docteur Brochard du nom d'un euesque d'Alemaigne regnāt du temps de L'empereur Maximus: lequel pour les erreurs qu'il soustenoit, fut par le saint pere Damasus & saint Ambroise repudié & banny de Rome: & tost apres au concile de Bordeaulx declaré heretique par saint Martin & autres euesques: & finalement fut par le preuost de Trenes nōmé Euodius miserablement occis. Et voila la fin de l'heretique malheureux, lequel & aultres de sa secte entre nombre d'erreurs soustenoient, comme le recite saint Augustin au premier chapitre du cinquiesme liure de la cité de Dieu: que toutes choses estoient subiectes à la constellation des estoilles: & q̃ l'homme naissoit & estoit gouverné par leurs influences appelees Fatū, en Latin: & en François, Destinée: soustenoient aussi que selon leurs proprietiez le homme estoit necessairement contrainct à faire bien ou mal: ô par trop grand erreur iurisdicquemēt cōdamné, parce que les secretz de Dieu nous sont cachez & incon-

## Contredicts

gneuz (combiẽ toutesfois que les miracles merueilleux & puiffâces admirables reluisent & se manifestent par chascune particulle du monde) Aucuns astrologues pre-dient semblablemẽt (par le cours & reuolu-tiõ des spheres & planettes) la paix, la guer-re, la peste, la famine & cẽt mil aultres resue-ries pour couvrir lesquelles ( & à fin qu'ilz ne puissent estre reprins de ceste espece de heresie ) il remettent le tout soubz la gran-dissime puiffance & cõduicte de Dieu: mais soubz cest vmbrage ilz inuentent nombre infini de malheureux presages tant faulx & erronnez, que à les oir il semble que tout soit desia abismé ou consommé, brulé & pery: car ilz descriuent ( en cry piteux & lamẽtable ) la fin de tout, estre quasi presen-te. Prochaine ou pẽsente (di ie) pource que ilz ne donnent vie à noz successeurs que de deux cens trẽte cinq ans ou enuirõ, à com-pter de ce present an mil cinq cẽs cinquante cinq. Cela certes faict trembler les pusil-lanimes d'vne terrible paour & craincte fu-ture & les plonge en flotz & troubles d'en-nuyeuses passions: combien que de nostre temps & à leur dire mesme, ce ne puisse ad-



uenir: car puis qu'ilz nous promectent vne grâde & merueilleuse cōionction enuiron les ans de nostre seigneur, mil sept centz octāteneuf avec dix reuolutiōs saturnalles: cela est aisé à entendre que nous en serons exemptz. Ilz calcullet aussi que vingtreinq ans apres sera la quatriesme & derniere station de l'altitudinaire firmament: & neant moins font vn doubte merueilleux si le mōde pourrat tant durer. O folie grande: ô curieuse & insatiable affection humaine de cuyder sauancer de prophetiser si haultement. Ioinct encore que telles propheties ne seruēt & ne profitēt à quelque chose que ce soit: Mais plustost rapportent iugemens vains & ineptes. Pource que si nous esperōs ce que nous n'entendons point (dict saint Paul au huiētiesme chapitre aux Romais) nous l'attendons par patience.

✻ *Chapitre deuxiesme traictāt des faulx prophetes selon le liure de Ieremie.*

**R**egardons, ie vous prie, à reprendre & reassembler noz espritz pour recongnostre ce qui a parcideuāt & tant &



## Contredicts

filôguement esté en l'obscurité d'ignorance & paouuretté d'esprit. Et mesmemēt cōsiderons ce que dict le saint prophete Ieremie chapitre treiziesme, se cōpleignant à Dieu de l'abbuz des astrologues: A ha seigneur, dict il, les prophetes diēt (ou bien ilz assurent) au peuple de ne veoir glaiue ne famine: Mais que la paix leur sera dōnee. A cela Dieu fait telle respōse à Ieremie: Les pphetes prophetisent faulsetez en mō nō. Je ne les ay pas enuoyez: & ne leur ay pas commādē & n'ay point parlé à eulx. Telz prophetes serōt cōsommez par glaiue & famine & avec eulx les peuples ausquelz ilz auront prophetisé, c'est à dire, qui y auront creu. Salomon en ses prouerbes trentiesme chapitre par grande exclamation, dict ainsi: Qui est monté au ciel & est descēdu? qui a reduict les vens en ses poings? qui a serré les caues en sa robe? qui a cōstitué tous les termes de la terre? quel est le nom d'iceluy? & comme est le nom de son filz? Le sçavez vous biē, ô philosophes, astrologues? Inserrez vous ceste verité diuinement pronōcée en voz fatalz pronosticqz par le moyen desquelz la pluspart (y adioustans foy ou

bié à choses escriptes soubz voile de parfaite obscurité) ont par quelque crasse ignorance & temerité, vne ie ne sçay quelle opinion de laisser leurs negoces & traphiques esquels gist le bien, non seulement d'eulx : mais aussi de leurs successiues genealogies. Quāt au Roy auquel par merite singulier telz escriptz sont souuent adrefsez, s'il recoit voz opinions, il trouuerra ce que diēt saint Pierre au deuxiesme chapitre de sa secōde epistre: c'est, q̄ voz fontaines sont sans eaue ou bien que ce sont nues demenees par tourbillōs de vertz, ausquels l'obscurité des tenebres est gardee eternellement & se pourra aussi asseurer que les gloires des monarques, empereurs, rois & princes qui ont esté au monde, desquels & des plus grans, il est descendu, sont desia tenues pour ensepuelies, fault que de son viuant il oublie luy mesme les siennes tant grādes (& avec labeur incredible, acompaigné toutesfois de celeste faueur acquise) qu'il mette ses armes bas, neglige sa posterité: qu'il ne se soucie de riē, laisse entrer les ennemis par tout cōme en pais abandonné: puis que la consommation de la gloire



## Contrédits

humaine est si prochaine, que ie serois d'au-  
nis que tous les escriptz ( si ainsi estoit ) en  
feussent desiabruslez & cōsommez. Ce que  
ie dit toutesfois, n'est pour denier que les hō  
mes ( bien naiz à contemplation ) ne doib-  
uent pēser à la nature des choses & esleuer  
la subtilité de leurs excellēs esprits au ciel  
ne aussi pour calumnier : mais plustost ap-  
prouuer science si haulte que l'astrologie  
quand elle est accompagnee de philoso-  
phie: & si bien exquise, entēdue & exercee  
que l'homme se die seulemēt amateur de  
telles sciences & qu'il n'en veuille point a-  
buser, ne aussi s'attribuer vne si grande con-  
gnoissance que de limiter les temps & cho-  
ses futures: car ausurplus ( comme diēt le sei-  
gneur Caron parisiē ) ie ne trouue riē plus  
excellēt, plus royal & plus diuin que la phi-  
losophie qui embrasse les sciences diuines  
& humaines: i'entendz quand elle est vnīe  
& ioincte avec astrologie & astronomie:  
pource que telles sciences ( pour leur con-  
nexitē ) rendent l'homme non seulement  
digne d'honneur : mais aussi les plaisirs &  
cōsolations qu'elles apportent, resioissent  
merueilleusement, exaltent & honnorent



ceulx qui les aimēt . Et si ie suis du nombre de telz amateurs si est ce que ie n'y entēdz que le hault Allemā:& n'en parle qu'à l'adventure sinon que i'eusse, comme aucuns se vētent auoir, l'esprit de prophetie: car il est escript au dixneufiesme chapitre de l'Apocalipse, que le tesmoignage de Iesus est esprit de prophetie:& de là vient que par la voix des indoctes aymans Dieu aucune-fois (& le plus souuēt) les choses plus obscures & cachees sont par le diuin vouloir du seigneur esclarcies & mises en euidence: pource que tout ainsi qu'il est en toutes & par toutes ses œuures eternellement reluisant. Il se veult aussi apparoir:& principale-ment demonstrier à ceulx ausquelz il luy plaist donner aucun priuilege ou don de cōgnoissance . Si telle grace estoit en moy suruenue ce seroit certes sans l'auoir meritē: car ie cōfesse n'auoir aucū sens acquis & encor moins de naturel : & au demeurāt le plus saige de nostre paroisse: Pourquoy dōc dira quelcū, ose tu tāt te hazarder puis que tu n'es pas homme docte de parler de choses si haultes? car ceulx qui font profefsion de telles sciences te vaincrōt par argumēs.

## Contredicts

Ha mō amy ie respōds que ie n'ay riē faiēt  
sinon apres boire: tout ainſi que noz nou-  
ueaulx prophetes ſ'aduāturent de prophe-  
tifer apres ſoupper: mais à parler de choſe  
plus ſaincte, le ſecret de laquelle toy, moy,  
n'aultres plus ſçauans ne pouuons enten-  
dre, ie te di que Dieu a eſleu, comme diēt  
ſainēt Paul premier chapitre aux Corinthi-  
ens, les choſes folles de ce mōde pour con-  
fondre les ſaiges: & les choſes foibles pour  
r'enuerſer les fortes: & les choſes viles &  
meſpriſees de ce monde, Dieu les a eſleues  
pour abollir celles qui ſont: à fin que nulle  
chair ne ſe glorifie deuant luy. Certaine-  
ment ie t'aſſeure que ce que i'en eſcry n'eſt  
pas q̄ ie vueille diſputer de choſe de ſi long  
temps confondue: mais ay faiēt ce traitté  
de collere, ennuy, faſcherie & deſpit de ne  
viure plus à tout rôpre que deux cens tren-  
te cinq ans: me ſouciāt auſurplus bien peu,  
comme dit ſainēt Paul, en la quatrieſme e-  
piſtre aux Corinthiēs, d'eſtre iugé de vous  
ô aſtologues, ou de iour humain: c'eſt à di-  
re par iugement ou faueur des hōmes: mais  
auſſi ie ne me iuge point moimeſme. Par-  
quoy (diēt il) ne iugez rien deuāt le temps:



mais quāt à moy, combien que fois tel que vous ay tantost dict, ie vous prie de ne me iuger sans auoir veu & leu iusqu'à la fin de mes quatre liures, & par là cognoistrez nō seulement mon intention: mais aussi, que le stil m'en est subitement tumbé en la ceruelle & puis coullé au bout de la plume, de laquelle ie m'aide quand elle est aussi bien que mal taillee & en langaige plustost mal que bien limé & poli, l'inspiration: Toutefois ainsi suruenue ou bien quelque impres-  
sion espendue par la benignité & clemence diuine enuoyant l'vn de ses rayons d'intelligence pour cōceuoir les choses latentes, m'a poursuiuy de recognoistre qu'il y a des hommes qui ne veullent rien dire que choses mēsongeres & espouuētables. Mais i'ay deliberé ne cesser le parler tant qu'aye dict choses ioyeuses & veritables pour leur respondre selon que nature (pour le def-  
fault des lettres ou bien la celeste influen-  
ce) m'a enseigné à fin de n'approuuer, mais contredire de tout mon pouuoir à leurs faulces & deprauees opinions. de predire ce qu'ils ne sçeurent & ne pourroyent ia: mais sçauoir par toutes leurs sciences em-



## Contredicts

pruntees d'hommes ethniques, barbares & infidelles qui se sont presumez & auancez de cuidoer descouurir ce que l'eternel a tousiours voulu tenir & tiédra secret: & luy rends graces immortelles de ce qu'en meditant & pensant à moy mesme quelle est la nature de bien & de mal, m'a infuz ceste vraye & certaine opinion d'auoir en horreur & desplaisance ceste maniere la d'astrologuer & destiner, que telle façõ de pre dire est impossible aux hommes, sinon en aucuns cas que l'on peut cognoistre par l'experience des choses passees & presentes: comme ie diray cy apres au second liure: mais d'asseurer les choses futures de la façõ qu'ils se efforcent faire, vous diriez proprement qu'ils sont demy dieux, ou eulx mesmes dieux ou pour le moins compaignons des dieux parlans (& fabullans souuent & quand ils veulent ou bien comme faisoit le grãd prophete & legislatur Moise au tiers chapitre d'Exode & plusieurs aultres ensuyuans) avec celuy qui est tant grand qu'il est le premier, le principal & le seul fabricant de tout & qui a reserué en sa seule presciẽce la fin & dernier periode

des choses subiectes ou bien quelque fois  
& quand il luy plaira, disposees à consom-  
mation.

*Que les anciē̃s philosophes n'ont eu cognoissan-  
ce de la premiere & souueraine cause.*

## CHAPITRE III.

**E**T à fin que ne sois veu contēner (com-  
me i'ay dict) ceste haulte sciēce, (inuē-  
tee par si grans personnages qu'ils cō-  
mencent encore chascun iour à reuiure)  
mais la louer & approuuer, pourueu qu'ils  
ne oultrepassent leurs limites pour scruter  
chercher & enquerir plus auant des secrets  
diuins, ie viendray à leur remontrer: Que  
tous leurs plus grans clerics ou astrologiēs  
sur lesquels ils se fondent: n'eurent oncques  
cognoissance certaine de la premiere &  
souueraine cause, ne des choses que le fils  
celeste nous a au vray reuelees. Parquoy  
conclurons puis qu'ils en estoient igno-  
rās, qu'il ne nous fault arrester aux premie-  
res opiniōs ou ils se sont fondez: car ils ont  
tous malheureusement erré au bien: com-



me dict sainct Paul aux Romains premier chapitre: Ils sont deuenuz vains en leurs pē-  
sées & leur cuer qui estoit sans sapience  
a esté remply de tenebres, lesquels cuidans  
estre saiges, sont deuenuz fols: nous pren-  
drōs toutesfois de leurs escripts, ce qui ser-  
uira & que verrons naturellement & ca-  
tholicquemēt bon, laissant arriere le super-  
flu & mauuais: car d'y adiouster foy (cōme  
auons ia dict) ce seroit abbuz: & entre tant  
d'exemplaires familiers en auons vn bien  
à noter escript au vingthuiētiesme chapi-  
tre de Ieremie qui par diuī mystere reprou-  
ua deuant le peuple l'opinion de Hana-  
nias, foy disant pphete, qui se vātoit auoir  
mādemēt du seigneur pour prophetiser,  
qu'il romproit & briserait le ioug de Nabu-  
chodonosor & que dās deux ans luy feroit  
r'apporter en Ierusalem les vaisseaulx de la  
maison du seigneur qu'il auoit transportez  
& restablirait lechonias fils de Ioacin Roy  
de Iuda & toute la transmigration de son  
peuple qui estoit entré en Babillōne. Que  
aduint il de telle façon de prophetiser &  
entreprendre sur l'auctorité du seigneur?  
Certe aultre chose que tout mal au pro-  
phete



phete faulx: Auquel la parolle de ce grand createur fut faicte par la bouche de Ieremie aimé de Dieu, quiluy dist: Escoute Hananias: le Seigneur ne t'a pas enuoyé & tu as faict prendre à ce peuple icy confiance en mensonge. Partant le Seigneur t'enuoyera hors de la face de la terre, tu mourras ceste annee: car tu as parlé à tort contre le Seigneur, & mourut Hananias pphete en celle annee au septiesme mois. Vers qui donc serôt adresses noz intentions pour veritablement prophetiser? & en disant verité que prophetiserôs nous? Certainemēt nous n'entendons pas noz opinions & escripts estre soustenuz ne fortifiez, (comme tu verras tantost des sentences des astrologuez innumerables que ce grand & noble philosophe Picus Mirandula, a si bien rembarrez, confutez & vaincuz des sentences desquels noz astrologues ou prophetes modernes s'aident en leurs inuentions fatalles: car tous ceulx la (pour l'ignorance dessusdicte) ne pouuoient pas atteindre l'intelligence de science si confuse qu'elle estoit pour la malice du temps d'idolatrie interuenue (& dont comme dict Lactance

tous mauux font procedez) depuis la mort  
des premiers peres que nous nommerons  
à la fin de ceste partie.

*Le tresbon & solide fondement que prent  
l'autheur commencent à la Trinité  
& diuine essence.*

CHAPITRE III.

**I**'Ay selon la petite capacité de mon es-  
prit, suffisamment ouuert le propos du-  
quel i'entends cy apres beaucoup plus  
amplement traicter: mais pource que ie ne  
veux ignorer que grant nombre d'hom-  
mes faisans profession de deuiner & pre-  
dire les choses aduenir, viendront à deses-  
perer & faire teste ou bien (sil leur est possi-  
ble) sans cognoissance de cause, detester cō-  
me crime & vice irremissible ce qui sera si  
hardiment (& encore par homme indocte  
contre leur science) escript, i'ay deliberé  
prendre vn fondement sus vn roch & en  
lieu si ferme & solide qu'il ne sera besoing  
d'aucun pillotiz pour tirer & en toute seu-  
reté bastir & conduire l'œuvre encōmencé



iufques en lieu fi eminent & hault qu'il fera de tous facilement veu, non feulement pour (ainfi qu'il eft à prefuppofer) eftre calumnié de ceulx qui fe sentiront fastidiez & intereflez: mais aufi pour eftre (s'il le merite) eftimé de plusieurs qui aimeront mieulx s'arrefter à vne pure & fincere verité que d'approuuer infinies & euidentes menfonges. Certainemēt ceste tant aimée verité (à laquelle toutes les doctrines aspirēt comme à leur fouuerain bien) eft le certain blanc auquel nous tirons & le vray but, aspect & regard où nous tendōs: quel fondement donc meilleur & plus folide luy pourrions nous donner que de l'asseoir sur les dicts & sentences de Iefuschrist qui eft la pierre en laquelle les Iuifs ont regardé par foy? Croyans qu'il debuoit par apres venir ainfi qu'il eft eſcript au dixieſme chapitre de la premiere epiſtre aux Corinthiēs: Aufſus la pierre (c'eſt la foy qu'on a en Iefuschrist) eft le fondement de l'eglise, eſcript en ſainct Matthieu ſeizieſme chapitre. Venons à vne haulte & precieufe ſentence diſſinitifue par ce grant & celeſte philoſophe prononcee en la meſme euangile quinzief

me chapitre, ou il dict: Toute plâte que mô pere celeste n'a point plantee, sera arrachee. Et à ce propos saint Paul en l'epistre troisieme aux Corinthiens, dict, que nul ne peult mettre autre fondement que celuy qui est ia mis, qui est Iesus christ. Et si aucun bastit sur ce fondement, l'oeuvre d'un chacun sera manifestee. Il dict encore au deuxiesme chapitre de la seconde epistre à Timothee: que le ferme fondement de Dieu demeure à tousiours. Voyôs Salomô au dixneuuesme chapitre de ses proverbes: Plusieurs cogitations (dict il) sont au cueur de l'homme: Mais le conseil du Seigneur est ferme, Me reposant donc sous l'ymbrage de sentences si iurisdicques & droictes qu'elles ne peuvent nullement estre infirmees, ie les ay promptement produictes pour conuaincre & debeller ceulx qui par quelque furie, ou bien par faulse persuasion, se voudroyent rendre indignes de la compaignie des fidesmes & pluïstost arrester aux dicts & sentences des philosophes Ethniques (& à leurs argumens & opiniôs fondees sur racines ou fondrieres instables que declarerons tantost) que d'adiouster.



foy aux vrayes & saines opinions des premiers & louables fondateurs de toutes sciences salutaires : ie declareray donc en les ensuyuant ( & par vifues raisons & textes formels des saintes & sacrees escriptures feray paroistre & entendre à tels aduersaires ) les grans & merueilleux secrets , desquels des le commencement, le grand Seigneur voulut faire ses premiers hommes tant participās, qu'il, par diuine inspiratiō, les feit si grans philosophes qu'ils eurent certaine cognoissance, qu'il y auoit a & au ra tousiours vne maiesté & superexcellence, laquelle sans doubte, est sur toutes à preferer, honnorer glorifier & seule à adorer: c'est vn Dieu en Trinité, & la Trinité en vnité, & en diuinité gloire & maiesté egaulx & coeternels. Mais si tu veulx auoir le plaisir de veoir bien au long comme ce nom, Dieu, se doibt entendre de sa puissance & sapience & des choses admirables par luy creees tant au ciel qu'en l'air, mer & terre: voy s'il te plaist, le liure par nous mis en lumiere, intitulé: Les antiquitez & singularitez du mōde: ou tu liras de l'infīnie puissance & sapiēce de Dieu: Que sa propriété est

## Contredicts

souueraine bonté, que tout ce qui est fait  
& créé est gouverné par prouidence diui-  
ne & non pas du vouloir & puissance des a-  
stres & corps celestes qui n'ont ame, ne di-  
uinité, & de l'admirable creation de l'hom-  
me.

*L'auteur s'excusant dict qu'il n'a rien mis  
du sien, sinon l'inuention.*

### CHAPITRE V.

**V**Ous auez, messieurs les astrologues,  
oy ce que j'ay dict. Ne pësez pas pour  
tant qu'il y ait rien, ou pour miculx  
& à la verité dire, que bien peu du mien:  
mais croyez plustost que telle narration de  
vraye & pure verité soit de plus hault & de  
son propre lieu & de la verité mesme pro-  
cedee & non pas de moy, sinon l'inuention  
ou bien, que comme vn maistre maçon.  
l'ay voulu mettre & asseoir ce fondement  
solide & qui est de Dieu, à fin qu'un autre  
edifie dessus suyuant ce que dict saint Paul  
en l'epistre prealleguee. Auez vous qlque  
chose à respondre (quelques grans prophe



tes que soyez ou astrologues, magiciens, mathematiens & autrement, ainsi que vous voudrez faire appeller) Voz anciens, desia nommez, ont ils laissé quelque chose de cela par escript: ou bien sil vous semble qu'ils l'ayent entendu, mōstrez le par leurs œuures esquels appert assez qu'ils ont tous iours teu ou scientement voulu ignorer la premiere & souueraine cause: Combiē que ie croye qu'ils ayēt veu & voulu mal entendre & interpreter les liures du vieil testament & non pas du nouueau: car ils estoient decedez long temps auparauāt. Helas amateurs de bonnes lettres, ie vous supplie considerer l'erreur ou sont tumbes & tombent chascun iour tous ces messieurs, qui ont voulu astrologuer, ou pour mieulx dire, deuiner & iuger en l'air des choses aduenir, mesmement ces vieulx & anciens resueurs, lesquels combien qu'ils feussent quasi parfaicts en toutes sciences humaines n'auoyēt, comme i'ay dict, que quelque simple indice de la cognoissance de ceste haulte, supreme & premiere cause de laquelle toutes autres procedent: & sils l'eussent entēdu, leurs œuures eussent par eulx

& en toute verité, esté corrigees: & en ce cas noz modernes eussent eu occasion d'alleguer, ensuyure & approuuer leurs sentences: mais ainsi qu'elles sont demourees faulses & erronees: mesmement en ce qu'ils ont escript de la creation du monde & des choses qui y consistent, ce seroit chose plus que barbare d'y adiouster seulement vn petit scintille de foy. Et pour monstrer clere ment leurs erreurs par trop (quant tout est dict) malheureuses, ie n'ay en c'est endroit voulu aucune chose dire qui soit ou participe de mon inuention: mais seulement alleguer de mot à autre vn texte du deuxiesme chapitre d'vn liure (duquel l'auteur homme sçauant ne se nomme) intitulé, *Mores Gentium*, ou autrement en nostre langue, *Recueil de diuerses histoires, touchant les situatiōs & meurs des regions particulieres du monde*, ou il est escript ce que l'ensuit.

*Traicté des erreurs des anciē philosophes.*

CHAPITRE VI.

**L**Es philosophes du temps passé, ont (dict il) sans aucune cognoissance du



vray Dieu, traicté des choses naturelles & en ont iugé, voire autrement qu'ils ne deb uoyent: car aucuns ont creu que le monde estoit vne chose nō créée & incorruptible, & que le genre humain a esté sans prendre aucun commencement. Les autres ont iugé que le monde auoit esté créé subiect à corruption, & que les hommes y auoyent esté proctreez par succession de temps. Et pour conformer ceste opinion, disoyent qu'auant qu'aucune chose eust son commencement, le ciel & la terre auoyent vne seule idee (C'est à dire, selon que recite le Caron, prenant la Grecque ethimologie, intelligence ou notice: ou autrement, la parfaicte cognoissance qui est tousiours en Dieu) & que la propriété de ces deux choses, ciel & terre, estoit confuse: Que depuis ces deux elemens se seroyent separez l'un de l'autre, dont se seroit ensuiuyt telle disposition & forme du monde, que nous voyons que l'air a tousiours eu continuelle agitation: & que d'iceluy la partie du feu auroit prins le plus hault lieu, à cause de son agilité: & que par ceste raison, le soleil & autres astres auroyent retenu leurs lieux

## Contredicts

& cours certains en ceste haulte region : & quāt à ce qui restoit comme estāt de qualité humide, n'auroit peu bouger de son premier lieu, à cause de sa pesanteur & ayant l'humidité, vne matiere espesse, en soy de la partie la plus humide, ont voulu dire que la mer s'en seroit ensuyuy & que l'espeisseur destinee de si grande humidité seroit deuenue en terre fangeuse & molle, laquelle peu à peu se seroit endurcie, à cause de l'ardeur du soleil: en sorte que le dessus par violence de la chaleur se seroit enflé & esleué, tant que plusieurs humeurs sous la cōcauité de ceste terre esleuee se feroient accumulees & peu à peu conuerties en matieres pourries, comme on voit aduenir es estangs & marescaiges d'Egipte. Ainsi estant la terre froide & humide de sa nature, eschauffee par la vehemēte challeur de l'air ont voulu dire qu'en l'instant que la challeur auroit esté meslee avec les choses humides, que lors se seroit concreé vne matiere propre & efficace à engendrer, à laquelle auroit esté donné humeur par quel que air qui se seroit de nuit espandu, & par la vigueur du soleil auroit nourry & entre-



tenu ceste matiere generatiue, iusques à ce que par succession de temps, les susdictes matieres se seroyent efforcees monter au dessus: Et lors comme si le temps eust esté venu, que lesdictes croustes eussent voulu rendre ce qu'elles auoyent engendré, elles se seroyent ouuertes & entamees par vehemente chaleur du soleil, & en vn instant p'duiet toutes sortes d'animaulx: desquels les vns qui participoyent de plus grande chaleur ont esté volatiles & gaigné la plus haute region de l'air: Les autres lesquels tenoyent le plus de la pesanteur de la terre seroyent les vns demourez eulx trainnans sus le ventre, & les autres allans sur terre, les autres qui tenoyent de la qualité de l'eau se seroyent transmis en element de leur qualité & retenu le nom de poissons. Et parce que la terre, tant à cause de l'ardeur du soleil, que des vents, seroit deuenue de plus en plus seiche & aride, auroit cessé d'engendrer les plus grâs animaulx: Mais ceulx qu'elle auoit engendrez par vne coniunction mutuelle en auroyent procréé d'autres. Et voila comme ils dient les hommes auoir premieremēt esté engēdre.

## Contredicts

*L'autheur poursuit les mesmes erreurs des philosophes ethniques.*

### CHAPITRE VII.

**Q**Ve mettent ils d'auãtaige en leurs escripts? Certainement ils dient que les hõmes chercherẽt par apres leur nourriture par les champs, esquels d'vne sauuaige & estrange sorte ils vserent leurs iours ne mangeans sinõ les herbes & fruiẽts que les arbres r'apportoyẽt sans labeur: Que à l'occasion de la nuisance que leur faisoỹẽt les bestes: & pour la crainẽte qu'ils en eurẽt se seroyent en lieux propres pour habiter, assemblez & congregez pour secourir l'vn l'autre en leur commune vtilitẽ. Et au demeurant parce que le son de leur bouche estoit confuz, se seroyent estudiez à approprier leur langue à certain langage, tant que peu a peu ils imposèrent noms à toutes choses: mais pource qu'ils estoient situez en diuerses regions du monde, auroyent formé diuersité de langages & consequemment diuersité de formation de lettres: Qu'autant de compagnies, en vn in-



stant assemblees & depuis multipliees, autant se seroyent ensuyuyes de differentes nations : Et d'autant que les hommes viuoient en grande paouureté, faulte de faire quelque reserue & prouisions de fruiçts de la terre pour leurs necessitez, aduenoit que les vns, & en grande quantité mouroyent de famine, les autres de froid. Parquoy les hommes instruiçts par experience de tels inconueniens, chercherent des cauer-  
nes pour euitier la violence du froid & pour cacher leurs prouisiōs. Peu apres auroient eu cognoissance de la propriété du feu, en semble de toutes autres choses vtilles tant qu'en peu de temps auroient inuenté toutes commoditez qui leur sembloient necessaires à la vie humaine. En sōme, necessité ayant moyenné toutes ces inuentions auroit donné à l'homme l'art de sçauoir verser de chascune en son endroict, & leur seruiren-  
t les mains, la parolle & excellence d'esprit de coadiuteurs. Ceulx qui se sont persuadez l'origine de l'homme estre telle, comme cy dessus a esté recité, & ne l'ont referée à la diuine prouidēce, ont tenu que les Aethiopiens furent les premiers pro-

## Contredicts

ereez entre tous les mortels & furent induits à ceste opinion, parce que la terre d'Aethiopie, comme estant la plus prochaine du soleil, commença auant toutes autres à sentir chaleur: Combien que auparauant ne plus ne moins que le reste de toute la terre, elle fut limoneuse, dont seroit aduenu que de ceste premiere temperature de l'humour avec la chaleur l'homme se seroit engendré & arresté en la terre de sa natiuité plustost qu'en nulle autre, à luy pour lors, incongneue.

*De l'ignorance des anciens philosophes: &  
de l'inuention d'Astronomie &  
Astrologie.*

### CHAPITRE VIII.

**V**Oyez, fideles lecteurs, l'idolatrie & fondement malheureux & abusif de tels philosophes, long temps a, comme dict le Caron, iugez & banniz du nombre des mieulx philosophes pour l'indignité, mesleante & doctrine fabuleuse, inepte & repugnante à la vraye & diuine philosophie. Helas,



cela doibt il pas, comme mortifere & peril  
leux, estre pleuré, infirmé & reiecté de tous  
escripts? Ou sommes nous? Sommes nous  
deuenuz bestes pour approuuer les Athei-  
stes? Certainement ceulx la le sont, voire  
vrais Antechrists, qui voudront soustenir  
auec eulx que les corps celestes ayent eu  
les vertuz de procreer par challeur naturel-  
le, tant les hommes qu'autres animaulx &  
volatilles, qui sont sur la terre: & qu'ils ay-  
ent & puissent sur les esprits & franc arbi-  
tre, auoir quelque simple commandement  
de paix ou de guerre, ou à la terre & sus les  
corps humains, quelque famine ou pestil-  
lence, siñ d'autant qu'il plaist au seigneur  
Dieu les enuoyer ou souffrir & permettre.  
Mais quoy, diront aucuns, puis que ne vou-  
lez adiouster foy, à astrologues & philoso-  
phes si grans & sçauans, que debuons nous  
croire des choses naturelles & philosopha-  
les, dont tant de liures sont procedez & si  
haultement, dignement & obscurement  
composez & escripts, que peu de gens se  
veulent entremettre d'y estudier. Ha, ie res-  
ponds, que ce sont toutes prophanes arro-  
gances & audacieuses temeritez & que il

vous fault, avec saint Paul, vnziesme chapitre aux Romains, regarder à la profondeur des richesses de la sagesse & cognoissance de Dieu & considerer que ses iugemens sont incomprehensibles & ses voyes impossibles à trouuer. Car qui est ce qui a congneu l'intention du Seigneur? Et outre cela auoir recours à la maieur & premiers fondemēs des autres sacrees lettres, cy dessus alleguees: & dont encores traitterons plus amplement es autres parties de cest œuure. Car là trouuerez vous vne astrologie & philosophie sans erreur quelconque, qui vous gardera de cheminer avec les Gentils qui cheminent, dict le mesme apostre quatriesme chapitre aux Ephesiens, en vanité de leurs pensées ayans l'entendement obscurcy de tenebres, & estans estrangers de la vie de Dieu, pour l'ignorance qui est en culx: & pour l'aucuglement de leur cueur. Et en laissant donc leurs opinions à l'arbitre & puissance du diable pour vengeance de tels blasphemēs execrables, redoutables & malicieux controuuemens: Retournerons pour beaucoup plus seurement besongner au premier pere Adam.

Car



Car file bon vieillard, ainsi qu'auôs escript  
au quarantecinquesme chapitre de nostre  
œuure, Des antiquitez du monde, fut lors  
de sa creation: donc de hault esprit en la co  
gnoissance de toutes choses naturelles &  
ars liberaulx, il ne fut moins curieux de s'y  
exercer & transporter de pais habité en au  
tre pour y instruire les siens: & ce pour nous  
monstrer que les sciences & ars sont non  
seulement les principes: mais aussi les mai  
stresses de vertu & qu'il n'y a rien, ainsi que  
dict Cicero, plus excellent & plaissant que  
la douceur de sciēce souuerainemēt bien  
seante à l'homme pour exercer sa ieunesse,  
recreer la vieillesse, aorner & parer les pro  
speritez & pour donner refuge & salut aux  
aduersitez: certainement entre plusieurs  
sciences ce bon premier pere sceut fort biē  
par succession de temps & avec labeur vo  
luntaire, le fondement, principes & fin d'a  
stronomie: pour laquelle entēdre fault, cō  
me dient Apian & Frison, hommes tresdo  
ctes, necessairement auoir la cognoissance  
des cereres, de la sphere & cosmographie  
qui est vne description vniuerselle du mon  
de contenant en soy les quatre elemens,

cōme la terre, l'eau, l'air, le feu, le soleil, la lune, les estoilles, & tout ce q est enuironé & couuert du ciel. Fault aussi entēdre quel le chose est geographie, topographie, chi-  
rographie, mouuemēs de la sphere, lexieu & cercles d'icelle, les polles du monde, les noms & figures des signes du zodiaque & plusieurs autres grādes & haultes contem-  
plations, desquelles Adam donna l'intelli-  
gence à Septh son fils, & Septh à Enos son  
fils: & estudierent si bien en ceste specula-  
tion des astres & aornemens celestes que  
ils penetrerēt & expliquerent que pouuoit  
estre la rondeur & circuit de ses cercles  
pour admirer la force & vertu de ce hault  
gouuerneur qui preside au feu.

*Qu'il fault auoir en grande & merueilleuse  
admiration les corps celestes: & du  
deluge predict.*

CHAPITRE IX.

**V**Eritablement, aussi toute ame cou-  
uerte de l'ymbrage de ce mortel,  
corps, n'est faicte ny creee de Dieu,



fors à ceste seule intention de speculer le discours des dieux celestes: c'est à dire des astres qui sont les tresexcellentes admirables & magnifiques œuvres du Dieu souverain, & la cognoissance de sa diuine puissance & maiesté: De laquelle cognoissance est à l'homme donnée part & portion pour sçauoir iuger & discerner entre bien & mal & pour aussi chercher ce hault & merueilleux artifice de bien & par prudence & sagesse sçauoir & entendre vne partie du cours des astres qui tournoient le monde: mais non pas qu'il soit trouué escript: que Adam & ses enfans, que tantost nommerons, leur ayent iamais attribué aucune gloire: Mais à Dieu seul. Bien trouuons nous que des ce temps là, le bon pere Adam, nō par cest art d'astronomie & astrologie: mais par reuelation diuine & grace infuse leur predict la ruine du mode par le deluge estre briefue, cause pour laquelle Septh, & Enos son fils, ainsi que descriit Sidrach, fabriquerent deux coulones, l'vne de brique, & l'autre de pierre, en chascune desquelles pour le default de l'vsage des lettres, ils grauerent par figures leurs ars &

## Contredicts

sciences à fin qu'après le deluge elles fussent par ceulx qui seroyent diuinement exemptez de mort, recouuertes & les labeurs de leurs estudes non perduz : Certainemēt cela est tresdigne d'estre recité, pour nous esmouuoir, à nostre naiz & ne viure seulement pour nousmesmes: mais aussi à trauailler pour l'edification & curieuse discipline de noz successeurs. Et voila, lecteurs, comme il nous fault entendre l'inuention d'astrologie & astronomie, la gloire de laquelle inuention noz philosophes attribuent à d'autres comme nous dirons: mais pour monstrier que des auparauant le deluge, Adam & ses enfans eurent le temps & moyen d'en sçauoir certainement tout le discours, ie declareray les temps & aages qu'ils vesquirent au monde.

*Des naissances & aages des premiers peres,  
avec conclusion du premier liure.*

### CHAPITRE X.

**A**dam, fut né le sixiesme iour du monde, & mourut, l'an neuf cens trente.



Sept, fut né l'an cent trentiesme, vesquit  
neuf cens vingthuit ans, & mourut, l'an  
mil quarantedeux. Enos, nasquit l'an deux  
cens trêtecinq, vesquit neuf cens cinq ans,  
& mourut, l'an vnze cens quarante, Enos,  
donna l'instruction de ceste science, à Cai-  
nan son fils, né l'an trois cens vingtcinq,  
vesquit neuf cens dix ans, & deceda l'an  
douze cens trentecinq: Cainan à Malaleel  
son fils, né l'an du monde, trois cens quatre  
vingts quinze, & deceda l'an douze cens  
quatrevingts dix: Malaleel à Jared son fils,  
né l'an quatre cens soixante, vesquit neuf  
cens soixantedeux ans, & mourut, l'an qua-  
torze cens vingtdeux: Malaleel à Henoch  
son fils, né l'an six cens vingtdeux, vesquit  
trois cens soixantecinq ans, puis fut ravy  
& transporté au paradis terrestre en l'an du  
monde neuf cens quatrevingts sept: He-  
noch à Mathusala son fils, né en l'an du mō  
de six cens quatrevingts sept, vesquit neuf  
cens soixanteneuf ans, & mourut, au com-  
mencement du premier mois, de l'an mil  
six cens cinquantesix (qui fut l'annee du de-  
luge:) Mathusala à son fils, Lamech, né en  
l'an du monde huit cens soixante qua-

## Contredicts

torze, vesquit sept cens soixante dixsept ans, & mourut, en l'an mil six cens cinquante & vn. Lamech, à Noe son fils, qui fut né l'an du monde, mil cinquantesix: Et apres auoir vescu cinq cens ans, engendra Sem, Cam, & Iaphet, qui furent grans astrologues. Par le labeur desquels que Dieu reserua du deluge toutes sciences furent puis apres conseruees & mōstrees, ainsi que nous auons beaucoup plus amplement & en ordre (qui à plusieurs estoit incogneu) monstré & escript en noz liures, Des antiquitez du monde, qui contiennent plusieurs autres choses merueilleuses & admirables, qui n'auoyēt encore esté mises en lumiere. Or ça, messieurs les astrologues, vous contenterez vous de ce qu'un simple homme entendant seulement nostre langue Francoise & maternelle a dict en ceste premiere partie? Je croy certainement que non. Si vous ne me voulez aduātaiger de ce qui est escript en l'euangile sainct Matthieu vnziesme chapitre, ou Iesuschrist, dist: O pere seigneur du ciel, & de la terre, ie te rends graces que tu as caché ces choses aux sages & prudens, & les as reuelé aux petis:



certe, pere, ton bon plaisir a esté tel. Je con-  
cluds donc, sans dire sous correction, que  
mal & abbusiuelement procedent & se doib-  
uent conuertir ceulx qui veulent soustenir:

que Dieu facteur de tous les siecles, est

subiect à la disposition & destinee

des astres ou autres cho-

ses par luy

creees.



✿ On t'a cy rendu loyal.

✿ Fin du premier  
liure.

C iiii



# ❧ Second liure des

CONTR EDICTS DV SEI-  
gneur du Pauillon, aux faulſes propheties  
de Noſtradamus.



❧ Nul prophete eſt ſans honneur, ſinon en  
ſon pais & entre ſes parens &  
ceulx de ſa famille.

Marc 6.



De la grandeur du ſoleil, diſtance des ſpheres  
& circonſerence de la terre.



## CHAPITRE PREMIER.



VIS, que nous auons en la  
premiere partie (moyennant  
l'inspiration du ſainct eſprit)  
expoſé que la ſciēce des hom-  
mes n'eſt que folie deuant Di-  
eu: de l'inuention d'Aſtrologie & Aſtrono-  
mic: Et de l'erreur de tous les anciēſ philo-



sophes & astrologues: No<sup>9</sup> traicterōs maintenant de ce que le menu peuple doibt seulement croire de telle sciēce d'Astrologie. Et de ce aussi que ceulx qui en font profession, leur en peuuent & doibuent prescher. Le grand philosophe Aristote, & aussi Ptolomee, sont d'accord, ainsi que descript doctement monsieur Roussat chanoine de Langres, en son liure, intitulé: De l'estat & mutation des temps: Que le soleil est cent soixantesix fois plus grand que la terre, La circonférence (ou rondeur) de laquelle ainsi que dient Apian & Frison (hommes tres doctes) & qu'auons reiteré au trentedeuxiesme chapitre de nostre second liure, des antiquitez du monde: contient cinq mil quatre cens grandes lieues d'Alemaigne, chascune desquelles lieues vault cinq mil pas, & chascun pas deux pieds: & quant à la longueur du diametre, (C'est à dire la longueur d'vne ligne trauersant droitement le millieu ou centre d'icelle) cōtient mil sept cens dixhuiet grandes lieues d'Alemaigne: & est à noter que chascune lieue d'Alemaigne vault deux lieues & demie de France, ou d'Italie, ou lon compte deux

mil pas pour lieue. Or le soleil grand & admirable est (ainsi qu'ils dient) cause des mutations, & de la generation & corruption des choses inferieures des cieulx: le huitiesme desquels (selon Aphraganus) est si grand qu'il contient en sa rotondité toutes les estoilles: la pl<sup>e</sup> petite desquelles est plus grande que toute la terre, combié qu'elles nous semblent petites pour leur grande distance: car entre nous & les estoilles, sont non seulement les regions de l'air, & du feu, mais aussi les cieulx ou spheres des sept planettes: vn chascū desquels cieulx à d'espaisseur autant (diēt Roussat) comme vn homme pourroit cheminer en cinq ans en voye pleine, à faire tous les iours vingt lieues communes. Vn saint docteur nommé Brochard (homme certe qui a esté de grande experience: Car en l'an mil quatre cens soixante & quinze il composa en Latin, l'histoire intitulée, Rudimentum Nouitiorum. Et depuis au regne de Charles huitiesme, fut traduite en François & intitulée: La mer des Histoires) descript au huitiesme chapitre, que de la terre iusques à la lune, y a distance de quinze mil deux



cēs vîgtneuf milliaires : De la lune iusques à mercure, sept mil trois cēs douze milliaires & demy : De mercure iusques à venus, autāt : De venus iusques au soleil, vingt cinq mil quatre cēs trêtesix milliaires : Du soleil iusques à mars, quinze mil deux cēs vingt cinq milliaires : de mars, iusques à iupiter, six mil huit cēs & douze milliaires : de iupiter, iusques à saturne, autant : de saturne, iusques au firmamēt, trêtetris mil quatre cēs trête milliaires. Ainsi appert (di& il) que de la terre iusques au firmamēt sont cent neuf mil trois cens soixāte & quinze milliaires. Quant à moy, ie croiray assez cela, nō que tous ceulx qui en parlent, ne moy ausi, y ayōs iamais esté pour en faire la certitude, preuue ou mesure : mais seulement, pource que ie sçay (fort bien) qu'il n'est à Dieu rien impossible : & que toutes ses œuures ont tousiours esté, sont & seront admirables. Ie ne croiray toutes fois, & l'ay ainsi conclud en la premiere partie de cest œuure, ensuyuant ce qui est escript au huitiesme sermō sur l'euangile saint Iehan : que Dieu ( qui est facteur des estoilles ) soit subiect à la destinee & dispositiō d'icelles. Saint Gregoi-

## Contredicts

re en l'homelie du iour des rois, surce propos, dict que les Chrestiens ne doibuent croire que destinee soit aucune chose, ne que par icelle la vie des hommes soit admistrée & gouvernée, car le seul createur est celuy qui sous sa main regit & gouverne tout. Et n'est l'homme crée pour les estoilles, mais bien au contraire elles sont faictes & créées pour luy servir. Et passant oultre, donne exemple que tant en Perse, France, qu'autres royaumes, les rois succedent en ligne directe de generation: Au temps de la naissance desquels, (dict il) infiniz autres de basse condition naissent sous mesme planette & heure de la natiuité des enfans des rois: lesquels bien & heureusement (& avec le temps) viennent à posseder les royaumes: & les autres de basse condition, sont tout le temps de leur vie paouures, serfs & malheureux.

*L'homme, quant à l'ame, participe du ciel  
& le corps des quatre elemens, ayāt toutes fois  
vn liberal arbitre non subiect aux astres.*



**L**ES Astrologues nous font aufsi entendre(allegans Abraham Auenara)que l'infortune & detrimēt des deux tres-grans luminaires qui sont les soleil & lune, est detrimēt & dommage à toute nature & que tout ce qu'il ya de bō & de mauuais en l'homme, vient du ciel. O quelle grāde science & habillité: mais de ou donc proce de l'homme? Car Lactance sur ce passage dict ainsi: Le corps formé, Dieu y mit vne ame yssue par creation de la fontaine viue de son esprit (qui est perpetuel) à ce que le homme eust la similitude du monde composé d'elemens contraires. Car l'home est composé de corps & d'ame: qui est à dire quasi, du ciel & de la terre: Par ce que l'ame (qui est le vray hōme) & par laquelle nous viuōs, prêt son origine du ciel & le corps de la terre: du lymon de laquelle auōs nagues dict, qu'il auoit esté formé. Mais voyōs comme le bon Ypocrates en est d'accord. Des choses de lassus dict il, n'é parleray aultremēt, aufsi n'y auoit il iamais esté, si non que iemonstreray que les hōmes & aultres animaulx, qui naissent & viuent en terre, ont leur source & commencement d'icel-

les. Car puis que l'ame est du ciel & qui donne au corps vie & ioye, douleur, langueur, mort: & brief, tout ce qu'il y a de bon procede du ciel, Lucretius n'a donc pas failly en ce qu'il soustenoit, que nous auons tous prins origine de la semence celeste: Non toutesfois qu'il s'entende que le corps procede du ciel entant que du limon il a diuinement esté cree en terre: ne que Dieu & les planettes soyent cause du mal: Car Dieu ne la facture, comme escript Mercure trismegeste, n'induisent le mal aucunement, mais la continuation & perseuerance de generation contrainct peu a peu le mal venir en auant: cause pour laquelle Dieu a ordonné mutation & changement de toutes choses, cōme pour quelque purification de ceste generatiō: mais il souffre & endure le mal, cōme ayant donné à l'homme son liberal arbitre pour meriter tant en faisant bien, que aussi en euitant le mal. Ils nous preschent semblablement, & en suis bien d'accord: Que la lumiere (qui est des vertuz celestes, le vehicule & conducteur) est aulcunesfois naturellement empeschee par eclipses & deffaulx des lumi-



naires. Et premierement du soleil, quand la lune (en ligne ecliptique: & a la teste ou queue du dragon au pres d'iceluy) est mise entre le soleil & nostre regard & aspect. Et secondement, se veoit en la lune quand l'ymbre de la terre chet & aduient en telle habitude sus le corps de la lune, cōme dict Roussat. Je ne deny pas cela, mais ie perseste que ces grans luminaires, ne les aultres superieurs & inferieurs n'ont aucune puissance sur les esprits ne franc arbitre des homes. Car si voulons seulement nous fonder sur la loy commune alleguee par le prince d'eloquence, Cicero au liure De la nature des dieux: Et apres luy recitee par saint Augustin, au premier chapitre du cinqiesme liure. De la cite de Dieu nous trouuerōs que tous philosophes, astrologues tiennent & croient pour le moins qu'il ya vn Dieu, lequeles affaires & neceffitez des homes, doit estre inuoqué & par sacrifices hōnoré & adoré. Or si les planettes & estoilles auoyēt quelque puissance de contraindre les hommes à faire bien, ou mal, il faudroit par neceffité conceder qui luy seroit seulement besoing d'appeller les estoilles

## Contredicts

en aide cõtre ses tribulations & aduersitez  
humaines & non pas Dieu.

*Comme la puissance des corps celestes se doit  
entendre sur les corps humains.*

### CHAP. III.

Toutesfois apres que i'auray bien ca-  
queté (non pas par parolles malicieu-  
ses & ainsi qu'à bon droit le veult en-  
tendre saint Iehan theologien en sa tier-  
ce epistre quãd il parle de Diotrephes qui  
vouloit obtenir domination sur les apo-  
stres) si faudra il que ie confesse que les pla-  
nettes & estoilles ont quelque commissiõ,  
effect ou proprieté sus le gouuernement  
des corps humains: car ie sçay biẽ que noz  
maistres proposent & veulent soustenir,  
quoy qu'il en soit, que l'impression des lu-  
minaires celestes, est cause de la diuersité  
des meurs & conditions des hommes: la-  
quelle proposition a double sens & diuer-  
ses interpretations. Car fils veulent dire  
que les estoilles soyent causes necessitans  
les volonte, les fortunes & conditions des  
hommes



hommes, il n'est pas seulement faulx, mais hereticque & si dangereux à soustenir, que c'est cōtre nostre foy Chrestienne, entant qu'il s'ensuiuroit que quelque chose que l'homme feist, il n'auroit merite ne gloire. Mais si lō veult dire que les mœurs & conditions des hommes sont dispositiuelement & contingentement varieez pour la disposition des estoilles, ceste chose peult auoir quelque espee de verité & ne repugne point à la foy, ne à raison. Car cela est vray, si nous voulōs croire l'acteur des six principes, que la dispositiō diuerse du corps, qui est de la qualité des quatre elemens, faict grandemēt à la variatiō & mutatiō des affectiōs, mœurs & cōplexiōs humaines. Tout ainsi que nous voyons les collicricques naturellement disposez & prompts à ire: les sanguins, benins: les melancoliques, enuieux: & les flegmaticques paresseux. Mais il ne fault pas que nous croyons que ce soit chose necessaire ou forcee pource que l'ame par grace diuine, a toute dominatiō sur le corps. Qu'il soit ainsi, nous voyons plusieurs colericques, doux & bien attrépez. Et ainsi sont les autres cōplexions par leurs

contraires gouvernees . Mais pource que la vertu des corps celestes a quelque ie ne sçay quelle causalité & oeuvre: & aucunement commande en la mixtion & qualité des complexions: de ce procede que sur les mœurs & conditions des hommes, ils peuvent aucun petit dispositifement & contingentement seulement, comme dict est, combien que la nature inferieure fait plus à la qualité de la complexion, que ne fait la vertu des estoilles, selon saint Augustin, au deuxiesme du cinqiesme liure de la cité de Dieu: qui en cela donne vne solutiō sur la question formee de deux enfans freres, qui en mesme heure & laps de temps furent naiz & ensemble malades & guariz: Enquoy il approuue, & à bon droit, loue plus la respōse de Ypocrates medecin que de l'Astrologien . Car quand on demanda à Ypocrates la cause, il respondit que c'estoit pour la similitude de leur complexiō. Mais l'Astrologien, dict, que c'estoit pour l'idēité & conuenance des constellatiōs. Il conclud donc que les impressions des estoilles sont seulement causes aucunement dispositiues de la variation & diuersité des



mœurs : non pas que par nécessité ils puissent dominer sus l'esprit & frâc arbitre qui cōduict & gouuerne nō seulement le corps, mais aussi dōne les astres selon mesme que le confesse Ptolomeus en son *Almageste*.

*De ce que les philosophes & pronosticques  
doibuent vser en leurs pronostications.*

CHAPITRE III.

**S**I ie me suis rompu la teste à parler de choses si haultes esquelles, comme i'ay dict au commencement, ie puis autāt comprédre que l'enfant du berseau, ie me suis encore en vn instant si animé & affoli, que ie veulx aucunement traicter de ce que noz astrologues mettent & inserēt en leurs pronostications. Cela nous est commun qu'ils y commencent par le nombre d'or, qui est vn tresbeau commencement. Que pleust à Dieu qu'il me feust bien aduenu. Le ne semblerois pas le philosophe Bias qui contemnoit tant les richesses. C'estoit, in diebus illis. Car maintenant qui n'en a, si en cherche. Meum & tuum, sont bien es-

pluchez d'autre façon qu'ils n'estoyent. Le siecle du soleil, la lettre dominicalle, l'indition Romaine, Epacte Ægyptienne, le temps entre Noel & le dimanche gras, Septuagesime, Quadragesime, Pasques, Rogations, L'ascensio, Penthecouste, la Trinité, feste Dieu, & l'aduent, nouuelle lune, tel iour en tel signe, premier quartier en tel, pleine lune en tel, & dernier quartier en tel, la bonne seignee en tel, la meilleure en tel, pour prèdre medecine laxatiue du matin, pour la prèdre au soir, pour tout le iour, pour baigner & estumer, pour planter, semer & tailler, pour se purger par baings, les bons & mauuais aspects, l'eclipse de la lune, l'eclipse du soleil, les temps conuenables pour la seignee, le premier quartier est plus conuenable es ieunes gens depuis l'aage de quatorze ans iusques a vingt quatre, cest vn bel aage, le secôd quartier pour ceulx qui sont depuis vingt quatre ans iusques à trentesix. O encor plus bel aage le tiers pour ceulx qui sont depuis les trente six iusques à quarante huit: aage certes, qui doit estre plain & garny de bonnes mœurs & cōditions pour passer le reste de



leur vie: Et le quart pour ceulx qui sont depuis quarãtehuit ans iusques au tẽps que lon se doibt preparer de prendre ses bottes pour faire le ioyeux voyage, ou aultremẽt pour prendre son vollassus. O mon Dieu, qu'ils sont heureux de sçavoir tout cela. Certes aussi me semble il qu'ils s'en deussent bien contenter: mais ils passent fantastiquemẽt trop plus oultre. Car ils font merueilles de predire de ce qui doibt aduenir: & de plusieurs de leurs presages prendray seulement les principaulx. Vn tel iour mutation, voire en vn lieu & il sera temps paisible en l'autre. Gẽs morts, il en meurt chascun iour. Semence gastee, cela aduyent ordinairement en quelque lieu, & grand recueil de fruiçts aduyent en vn autre. Iour malheureux, voire aux pendars. Iour desirẽ, à ceulx qui reçoient leurs rentes. Conseil au Roy, il a assez de cõseillers & n'a iamais faulte de conseil. Mort plaincte, voire d'aucũs, mais de plusieurs desirẽe. Monstre nay, ce fut l'asne painct de vert que le seigneur brusquet premier & plus sage que maistre fol, presenta au Roy apres ceste belle prophetie. Vengeãce prinse, par quelque

## Contredicts

bon opiniaſtre ( Car Dieu l'a reſeruee a  
 luy) Amas de peuple, en temps de guerre,  
 Sepulchre deſcouuert, pour en enterrer  
 vn aultre. Nouueau ſiſme en l'eglise, ce  
 ne ſera choſe nouuelle. Iehan Le maire en  
 recite bié d'autres. Prelat mort, viande pro  
 pre aux prothonotaires ou autres expectâs  
 leurs deſpouilles. Iour inſupportable, à ceulx  
 qui meurent. Temps faſcheux, à ceulx qui  
 n'ont argent. Bonne garde, quand elle eſt  
 aſſeuree. ! O qu'il ſera heureux qui pourra  
 paſſer ce iour là. ! O que nous en auôs bien  
 paſſé d'autres. Nous ſerions bien heureux  
 de faire deux fois l'an vendanges. En mer,  
 grâde deſolation, Helas c'eſt quand les na  
 uires periffêt. L'italie eſmeue, pource qu'il  
 ya guerre. Les vieulx mourront, auſſi toſt  
 que les ieunes. Extreme douleur, aux gou  
 theux. Nouueau augure, nouuelle folie,  
 Les fugitifs occis, quâd les pourſuyuâs ſont  
 vainqueurs. Infelice conſeil, voire à ceulx  
 qui impudemment ſe marient à femmes  
 mauuaifes. Et mil autres folies lesquelles  
 ſur chaſcun iour du moys, ils inſcripuêt en  
 leurs almanachs & pronostiatiōs qui n'ad  
 uiennent iamais que par cas fortuit.



*Des complexions du corps humain, selon  
les quatre elemens.*

CHAPITRE V.

P Our mieulx cōtenter noz astrologues, ie feray encore d'accord avec eulx que les quatre elemens gouvèrnet les quatre humeurs du corps humain, ainsi que coppieusement & intelligiblement le descript monsieur le docteur Grenot medecin ordinaire du Roy est trois premiers chapitres d'un petit traicté qu'il a faict intitulé L'ētretenement de vie. Le corps humain, dict il, est cōposé des quatre humeurs qui sont sang, colere, phlegme & melencolie, appellees les fils des quatre elemens: Pour cē que selon iceulx lesdictes humeurs sont cōplexionnees: car ainsi que l'air est chault & moite, le sang aussi est chault & moite. Et comme le feu est chault & sec, ainsi est la collere chaude & seiche. Et cōme l'eau est froide & moite, ainsi est le phlegme froid & moite. Et comme la terre est froide & seiche, pareillement la melencolie est froide & seiche. Appert donc qu'il est neuf com-

## Contredicts

plexions: Quatre simples, qui sont chaleur, froidure, humidité & siccité: Et quatre cōplexions composees, à sçauoir chaleur & moiteur, qui est la complexion de l'air & du sang: Chaleur & siccité, qui est la complexion d'eaue & du phlegme: Froidure & siccité, qui est complexion de la terre & de melencolie. Et la neuuesme complexion c'est la temperce, qui n'est froide, chaulde, moite ne seiche: Laquelle cōplexion seroit fort difficile à trouuer es corps humains, selon les medecins. Or lesdictes quatre humeurs (dict ledict docteur) dominant & seigneurient en leurs lieux: Et font auoir aux hommes: à sçauoir au phlegmaticque, qui est de couleur blâche, d'estre bien cōposé, endormi, paresseux, dur d'entendement, pesant & abondant en salie: Au melencolicq, qui est de couleur noire, estre solitaire, pusi l'ame, triste, enuieux, timide, luxurieux & auaricieux: Au sanguin, qui est de couleur rouge, estre charnu, liberal, amiable, begnî, ioyeux, ingenieux, audacieux & lubrique. Et au colleriq, qui est de couleur iaune, estre hastif, enuieux, conuoiteux, subtil, hardi, irascible, veillât, prodigue & maigre.



Diët oultre, que lesdictes quatre humeurs ont respiratiō en chascune partie du corps: Comme le sang par les narines: collere par les oreilles: phlegme par la bouche: Et melencolie par les yeulx: lesquels doibuent regir par les quatre aages de l'homme. Car le sang domine au cōmencement de la natiuité iusques a vingt cinq ans ou enuiron: la collere depuis vingt cinq ans iusques a trecting: Et alors vient chaleur es veines & commence la collere à soy esleuer & monter en la personne. Et apres succede vieillesse, en laquelle domine melencolie, humeur froid & sec, iusques à cinquante cinq ans ou enuiron. Et de là en apres toutes les humeurs du corps commencēt à dominer: & aussi la chaleur naturelle à soy abaïsser. Et adonc commence l'aage decrepité & le phlegme à dominer. Parquoy lon doibt en tel aage subuenir au corps humain par chaleur & louable nourrissement. Voila donc comme noz philosophes doibuent entendre & interpreter les puïssances que les elements ont sur le corps humain, sans s'entremesler si fort de deuiner ou prophetiser les futurs aduenemens.

## Contredicts

*De l'abbus des pronostiqueurs: & que les  
astres n'ont sur les hommes aucune  
puissance de les faire pecher.*

### CHAPITRE VI.

**Q**Velcun de noz astrologues en a ceste  
presente annee bien donné aux mois-  
sonneurs & faulcheurs, qui ont par le beau  
temps, en ce pais de Gatinois, abbatu leurs  
bledz, semences & fruiets, ayans confiance  
quil se cōtinueroit ainsi qu'il auoit esté pro-  
phetisé: mais la pluye, estât suruenue & ay-  
ant cours pl<sup>9</sup> de huit iours ou il marquoit,  
grâde chaleur, a gasté les bleds & foin: le  
vn le mauldissoit, l'autre le despitoit, l'autre  
le conitroit: & eust esté mis en dix mil pie-  
ces sil y eust esté. Brief, cestoit pitié: mais  
i'ay conseillé à mes amis, d'abatre bleds &  
grains & les leuer par le beau temps: & au  
contraire tousiours faulcher par la pluye:  
les assurant tost apres du beau temps. Je  
diray cela hardimēt que vn pronostiqueur,  
quelque sçauant qu'il soit, despesche avec  
labeur merueilleux sa pronostication sur  
ces precedés formulaires: ou bien sur d'au-



tres anciens: car c'est tousiours vne mesme chose: Et que sur la copie d'icelle, vn ou plusieurs autres, dient & predisent tout le contraire. Ils accorderont verité & mensonge ensemble. La raison est, qu'il n'y a philosophe au monde, qui puisse dire, penser, n'escrite quelque chose naturelle, qui n'aduienne telle qu'il la predira en quelque lieu du monde: & par le contraire: il n'y a philosophe au monde, qui puisse fidelement dire chose qui aduienne en iour, lieu & heure certains. Et quand il admiēt, c'est tousiours pource que la volonté de Dieu a esté telle. Et qu'il veult la mutation & changement des temps, pour tousiours manifester ses grandes & admirables ceuures: lesquelles toutesfois ont esté, sont & seront à iamais incertaines, comme par vn million d'experiences il a esté cogneu, & est aisé à cognoistre chascun iour es pronostications & presages de noz astrologues. Car l'vn dira, vn tel iour il fera beau temps: & cela aduiendra par aduenture à Paris: & ce mesme iour, l'eau gaignera ceulx d'Orleans. Il fera froid & vn temps couuert en vn lieu, & à dix lieues de là, le temps se-

ra descouuert & tant chault que l'on n'y pourra durer. Passons oultre à nostre almanach : ils s'accordent par vn aduis general que i'approuue assez, qu'en tēps fort chault comme en esté, & en temps froid, comme en yuer, on ne doibt phlebotomer ne prendre medecine laxatiue, si la vertu & chaleur naturelle n'est moult forte. Le temps commode : & le meilleur de l'annee, c'est le mois de Mars, Apuril, Septembre & Octobre: Car c'est le temps plus tēperé, mais ou la necessité & maladie le requiert, la seignee se peult faire en tout temps. Noz maistres, Hipocras, Gallien, & autres philosophes, l'ont ainsi dict & escript. Et de nagues, nostre maistre Fournier, l'a aïsi approuué. Ha, nous voila bien, contentons nous donc de cela & croyons Cathon sans aller chercher Dieu en ses priuez secrets qui a seulement donné aux astres & aornemens celestes les puissances que nous auons dessus exposez. Mais qu'iceulx corps celestes ayent aucune puissance sur l'esprit & franc arbitre : ne semblablement d'amener pluye, gresle, famine, pestilence, mort de prince, n'autres calamitez, dont sommes par noz



diuinateurs iournallemēt, & pour nous faire paistre, menassez. Garde toy bien, non seulement de le croire: mais aussi de le penser: & en ce passage, voy saint Iehan Chrysostome, sur l'euangile saint Matthieu, ou il reprouue fort ceste heresie. Et dict qu'elle faict trois manieres de blasphememes contre Dieu. La premiere qu'il s'ensuyuroit qu'en les creant, ce grād seigneur eust faict acte mauuais: car, dict il, si aucū par le moyen des estoilles est faict homicide ou adultere, l'iniquité & iniustice n'en doit pas estre imputee au pecheur, mais aux planettes: ou bien plustost à Dieu qui les à creees. Considere que sil cognoissoit les choses futures & que telle iniquité en debuoir proceder, il n'est pas bon s'il ne les a amēdees. Et s'il a voulu & n'a peu, il est donc impotent & non tout puissant. Or ie croy qu'il n'y a creature humaine qui doute, que Dieu ne soit tout puissant. Le second blasphememe, Dieu seroit cruel (dict il) de faire souffrir peine aux ames pour les delicts que les humains commettroyent par la coaction & contraincte des estoilles. Car pourquoy, dira l'homme, endureray ie peine pour le

peché que i'ay commis, non par volonté, mais par vne contraincte ou necessité. Et le tiers blâspheme est, que Dieu ne seroit pas sage en ses commandemens: car, qui est celluy qui commandera à aucun de faire mal? Et par mesme moyen, voulant en tous les deux estre obey, luy defend de faire bien qu'il ne peult pour la contraincte du premier commandement, accomplir n'y paruenir.

*L'autheur dict qu'il fest armé des saintes escriptures.*

CHAPITRE VII.

**M**AIS ou me suisie esloigné? Veritablement ie scay bien que ie me fourre trop auant en si haulte matiere. Mais au pis aller, si quelcun de ceulx qui deuinent les choses aduenir, en veult disputer, ie me fais fort qu'il en disputera tout seul. Car deux fols ne disputent iamais ensemble. Aussi saint Paul, dixiesme chapitre aux Corinthiës, dict: que les lettres sont graues & fortes: mais la presence du corps



est foible & la parolle contemptible. Qui  
faict, dict il au mesme chapitre, que nous  
ne nous osons point mettre du ranc d'au-  
cuns, ne comparer à ceulx qui se louët mes-  
mes eulx mesmes. Et de la vient que telles  
disputations, confutations & solutions me  
font enrager. Pource que ie ne fuz oncq',  
comme chascun scet, à l'escolle, à tout le  
moins depuis l'aage de huiet ans, que ie ap-  
pris seulement à escrire & assembler mes  
lettres: qui faict que ie ne suis & ne voul-  
drois pas, estre fondé en ceste science d'A-  
strologie ou Astronomie, pour en vsfer ain-  
si qu'ils en vsent. Et si aucun me demande:  
Que sçay tu donc? Je luy responds desapre-  
sent, que ie ne sçay rien sinon ce que i'ay  
mis par escript, à fin qu'il lise mes œures,  
Car qu'est il plus besoing de disputer? I'ay  
escript ce que i'ay escript, dict Pilate en l'e-  
uangile, saint Iehan dix neuuesme chapi-  
tre. Et ne reste plus qu'en les lisant iuger si  
elles sont bonnes ou mauuaises: car, com-  
me dict saint Paul au chapitre deuxiesme  
à Thimothee: Dieu ne nous a point donné  
esprit de craincte, pour auoir honte de tes-  
moigner ses œures, qui tousiours ont esté,

sont & seront admirables . Et si di encore  
 que quand ie serois suffisant pour m'empes-  
 trer ou mesler d'un affaire: dont, comme  
 dict Marot, eulx & moy n'auons que faire:  
 C'est à dire de Astrologuer, si ne seroit ce  
 pour iuger des choses aduenir, & encore  
 moins me voudrois arrester à ces grans a-  
 strologues payens que i'ay despieça nom-  
 mez, ne semblablement aux modernes. Si  
 par cas fortuit ie ne me trouuois avec quel-  
 ques vns qui fussent, ou du moins, qui sceuf-  
 sent bien contrefaire les sages: car l'Apo-  
 stre en la mesme epistre aux Corinthiens  
 vnziesme chapitre, dict, que les sages endu-  
 rent voluntiers les fols: Mais si avec eulx  
 me voulois bien fonder en raison ie voul-  
 drois prendre à mon aduantage ce que Ie-  
 suschrist au chapitre vingtvniesme de saint  
 Luc dict à ses apostres: Mettez d'oc en voz  
 cueurs, de ne premediter comme vous res-  
 pondrez: car ie vous donneray bouche &  
 sapience à laquelle ne pourront contredi-  
 re & resister tous ceulx qui vous seroient con-  
 traires. Et ioincte ceste auctorité diuine,  
 qui ne me peult faillir, ie leur donneroie en  
 barbe, quelques disputeurs & vaticinateurs  
 qu'ils



qu'ils soyent ceulx desquels ie me suis des-  
ia aidé: Comme les benoïsts saincts Paul,  
Augustin, Chrysostome, Thomas & Gre-  
goire. Et outre ceulx la Damascene, le ve-  
nerable Bede, Hugues de saint Victor: &  
tant d'autres docteurs qui n'ont point res-  
ué: mais sont approuuez de toute l'eglise,  
que ie feray confesser à ceulx qui voudrôt  
soultenir le contraire qu'ils ne sçauent que  
ils dient: sinon qu'ils se veulent soucier qui  
fera le cas à leurs femmes quand ils seront  
morts. Je veulx pourtant dire quelque cho-  
se pour les resioir & consoler: c'est que ie  
leur accorde qu'ils peuuent preueoir plu-  
sieurs choses qui vray semblablement peu-  
uent aduenir, par le moyen de la forme ou  
precognoissance ia disposees: c'est à dire,  
par les premisses & traces tant preterites  
que presêtes, qui aucunesfois font vn vray  
iugement des futures. Et Dieu sçet comme  
la dessus ils deueschent leurs propheties:  
mais ie leur prie, qu'ils se rememorent que  
n'a pas long temps, telles disputations bran-  
sloyent & estoient preparees à autres, des-  
quels estoit prophetisé le semblable, qui  
ont en vn momēt & si subitemēt esté estain

ctes, qu'icelles & encore moins telles propheties n'ont sorti aucun effect. Ce que ie dy, est si vray & aisé à entendre, qu'il n'est besoing autrement l'esclaircir. Qui a oreilles pour oir, oye. Mais quoy? le leur demanderois volontiers si pour obuier à tels presages malheureusement inuentez, les esprits, les conseils, les prudences & sciences des hommes qui sont de present & seront, Dieu aidant, encore en ce temps là seront de Dieu tant obliez, qu'il n'y en ait d'instituez pour y donner vn ordre si sainct & bõ, que tant de forces assemblees seront au lieu de conspirer tant vnies & confortees de amour inuiolable & parfaicte concorde, qu'ils viendront, non seulement à repousser les guerres ciuiles qu'ils entendent, mais aussi à subiuguer les nations qui voudront prester leurs consentemens à faire les commotions, seditions & perturbations des esprits qui resisteront à tout par la grace du Dieu des armées.





*Ouverture des premieres guerres.*

## CHAPITRE VIII.

**O**R puis qu'ainfi est, qu'auons faict ceste ouverture de guerre, ie ne me deslibere pas, & aussi sera il difficile de en sortir si tost : Pource que noz philosophes, à bon droict, se fondent que c'est vn des signes principaulx du dernier periode, escript en saint Luc, vingtyniesme chapitre, ou il est dict : Nation s'esleuera contre nation, & royaume contre royaume : mais peu de personnes seront, quant à present, d'auis de prendre ce passage à leur aduantage, supposé qu'ils ne font difficulté & leur est vne voye cōmune pour rēdre leurs dicts aucunement receuables, d'alleguer, & si bien approprier les sentēces de la sainte escripture, qu'il s'en trouue tousiours entre deux vertes vne meure : mesmement, quand ils veulent parler que le iugement final, ou bien la cōsommation de ce mode, s'approche : Ce qu'elle faict tousiours sans doubte : & toute la Chrestienté le croit, Mais quand cela aduiendra, Dieu le sçet & non autre: comme nous dirons aplemēt

en la derniere partie, en laquelle toutesfois auons intention de mōstrer par vifues raisons tirees des sacrees escriptures, la grande misericorde & beneficence de ce grand Seigneur & createur, qui aura patience, si luy plaist: & pardonnera ceste consommation par temps indicible & admirable. Retournant doncq' à nostre propos, ie diray que si voulōs reuoluer les histoires approuuees de l'eglise: c'est à dire les liures du vieil testament, qui furent avec le nouueau nōbrez seuls canoniques au concile de Cartage, l'an mil trois cens quarantesept: Nous trouuerons sans comparaison plus de guerres auant l'aduenement de Iesuschrist, que il n'en a depuis esté. Et d'un si grand nōbre d'exemples en allegueray seulement & briueuēt quelques vnes. La premiere guerre, ainsi qu'il est escript au tiers chapitre de Genese, commença par la premiere faulse prophetie de Satan à Eue: & de Cain à Abel, qui fut occiz, comme le porte le quatriesme chapitre. Tubal descendu de Cain fut forgeur de tous engins d'aerin: & par le mesme texte de ce chapitre fut aussi grand ouurier & dextre en l'exercite de la guer-



re. Et voila tout ce qui en a esté trouué par-  
auant le deluge, sauf que Cain fut tiran sur  
ses subiects & vsurpant leurs labeurs, & par  
vne craincte & tremblemēt perpetuel qu'il  
auoit d'estre tué, edifia la cité de Hénoch:  
mais depuis nous lisons que Nembroth fut  
tiran par armes. Belus son fils surnommé Iu-  
piter, feit la guerre à son oncle Faba surnō-  
mé Saturne, fils de Cus, fils de Cam, & com-  
mença à deposseder Saba de ses terres, des-  
quelles Nynus fils de Belus, finablement  
l'en dechassa par armes. Et tost apres dece-  
da, delaisa de luy & de la roine Semiranus,  
Nynus son fils deuxiesme de ce nō: laquel-  
le Semiranus estāt demouree vefue de Ny-  
nus & ayant pris les armes & gouerne-  
ment du royaume, pour la minorité & bas-  
aage de son fils, subiugua les Babilloniens,  
qui festoyent contre elle reuoltez: & tost  
apres son fils mesme venu en aage, la tua.  
Et estant enfaisiné du royaume d'Afsirie,  
feit telle guerre à Cam, qui estoit son quatri-  
esme grand pere, qu'il le vainquit & tua en  
Egipte. Abraham, ainsi qu'il est escript en  
Genese quatorziesme chapitre poursuivit  
les rois qui auoyent pris Lot, son frere, pri-

sonnier, qu'il recouurit, & les debella, & tua  
pres de Damas. Ainsi appert que la guerre  
n'est pas chose nouuelle.

*Les grandes guerres des enfans d'Israel.*

CHAPITRE IX.

**D**E faire donc tant de cas que noz astro-  
logues font des guerres de maintenât,  
ie n'y treuve pas grãd propos: mais ie vous  
prie de penser que s'ils eussent esté du tẽps  
de Iosué (qui apres Moise gouuerna les en-  
fans d'Israel, tua & debella trẽte vn des rois  
de ce temps là, de ça le Iourdã, ainsi qu'il a  
escript au douziẽme chapitre de son liure:  
ou bien du temps de Gedeon, septiesme iu-  
ge d'Israel) qu'ils eussent bien dict: ioinct ce  
qui sera adiousté des guerres cy apres, que  
le iugement s'approchoit: car, soit veu le  
huietiẽme chapitre des iuges, il est escript  
que ce iuge Gedeon, par le cõmandement  
du Seigneur, rōpit l'autel de l'idole Baal,  
que les Madianites adoroient: parquoy il  
fut nommé Ierubaal & luy fut, de Dieu, dõ-  
né telle victoire, qu'avec trois cens hõmes  
seulement pris en l'exercite Israélite, lais-



fant l'outrepl<sup>o</sup> en lieu d'ambuscade distraict  
& loingtain, il mit en desordre, fuitte & des-  
confiture l'ost des Madianites, qui estoient  
en nombre infini d'hommes, chameaux &  
autre grãd equipage: & depuis festās les en-  
nemis de rechef r'assemblez sous deux pri-  
ces, l'un nommé Zebach, & l'autre Zalmana,  
furent iceulx princes tuez: & avec eulx six  
vingts mil hommes. Regarde en noz croni-  
ques, si depuis cēt ans en toutes les guerres  
de France il en a autant esté tué. Venōs au  
vingtneuuesme chapitre des iuges ou il est  
dict que pour la vëgeance d'une cōcubine,  
natifue de Bethleem Iuda, par force violee  
en la ville nommee Gabaa, appartenant aux  
Beniamites situee assez pres de Ierusalē, fu-  
rēt de la part des enfans d'Israel assemblez  
quatre cens mil hommes, qui leur liurerent si  
cruelle bataille, que vingtsix mil Béiamites  
sortiz de leur ville, tuerēt du premier choc,  
vingtdeux mil Israelites: & le second iour  
en tuerent encor dixhuiet mil: mais le tiers  
les Israelites ayans prié le Seigneur tuerēt  
vingtcinq mil cent hommes des Beniamites:  
Et le reste estant mis en route & piteuse fui-  
te, se cuidās sauuer, furent si bien & de pres

pourfuiuiſ, qu'il en mourut encore à trois  
petites rencôtres, vingtſinq mil, tous vail-  
lâs hômes. Ainſi appert qu'en trois ou qua-  
tre iours, furent tuez quatre vingts dix mil  
hômes. Parlons de Abia, fils de Roboã, roy  
de Iuda qui aſſembla contre Ieroboam roy  
d'Iſrael quatre cens mil hômes d'eſſiète: le  
quel Ieroboã pour deſenſe en aſſembla hu-  
ict cens mil qui circuirent & environnerēt  
l'armee d'Abia, qui n'eut autre refuge qu'à  
Dieu, qu'il inuoqua de ſi bõ cuer qu'il fut  
exaucé: & eut telle victoire que luy & ſes  
gens tuerēt cinq cēs mil hômes bien aguer-  
riz, des gēs de Ieroboã: ainſi qu'il eſt eſcript  
au trezieſme chapitre du deuxieſme liure  
des croniques. Regarde au vîgtcinquieſme  
chapitre du meſme liure: & au trezieſme du  
quatrieſme liure des rois, tu trouueras que  
Amasias roy de Iuda, pour vëger ſon pere,  
deſtruit & ruiné par les Siriēs, puis par ſes  
meſmes ſeruiteurs malheureuſemēt tué &  
occiz en ſon liēt, aſſembla trois cēs mil hō-  
mes de Iuda & en prit encore cēt mil d'Iſ-  
rael, qui marcherēt en bataille cōtre ceulx  
de Seir: & en tuerent vingt mil. Et apres la  
mort d'Amasias, Ozias ſon fils ayant à ſon



nouuel aduenement esté heureux cōtre les Philistins, Arrabiēs & autres natiōs: & aussi se voyāt puisant en peuple & riche de tressors, dressa vne armee contre ses ennemis pour la defense de ses pais à l'aduenir: ou il se trouua à son seruice deux mil six cēs princes des familles, qu'il establit capitaines & leur donna superintendence sur trois cens sept mil cinq cens combatās, ainsi qu'il est escript au vingtsixiesme chapitre du secōd liure des croniques. Nous trouuōs semblablement au seiziesme chapitre du quatriesme liure des rois: & au vingthuitiesme du secōd des croniques, que Ioathā treziesme roy de Iuda, trāsgressa les commādemens diuins: parquoy Dieu le delaiissa: & permit qu'il tōbast en la subiectiō du roy de Sirie, qui le print prisonnier & le mena en la ville de Damas: & depuis le mit es mains d'Osee, Roy d'Israel, lors son ennemy. Et fut en vn iour de bataille, tué six vingts mil hōmes de Iuda. Certainement si ie voulois suyure les histoires des guerres, faictes tāt en la terre saincte & lieux circōuoisins, que es guerres des Romains & autres parauāt l'incarnatiō de Iesuschrist: & aussi celles qui sont

## Contredicts

depuis suruenues tât en la Chrestieté, que autres lieux: ce seroit chose si longue qu'el le seroit mal plaisante, à ceulx mesme qui desirerôt veoir mon intétion de conclure.

*Que les guerres procedent des pechez du peuple: & que la paix est es mains de Dieu.*

### CHAPITRE X.

**I**L ne fault donc pas que noz astrologues pensent que pour les guerres qui sont entre le roy & l'empereur, la fin du monde en soit plustost ou plustard. Car la guerre ne procede pas d'eulx, seulement, mais des pechez. Et si diray cela, qu'il ne sera pas en leur puissance, ne de leurs princes & conseillers, quelsques bonnes affections qu'ils en ayent, de faire vn seul traité de paix pour la contrariété de tant d'opinions: Et aussi pour la consequence de si haults differets, si Dieu ne leur enuoye son saintesprit pour la traicter, quand il luy plaira: Car c'est luy qui tient la queue de la poisse. A la mienne volunté qu'ils se feussent soumis au iugement de messieurs de la court de parlemēt, à la charge que leurs espices feussent remi-



ses: Car ce leur seroit vn beau proces à vuy-  
der par commissaires. Toutesfois quand  
i'ay par tout bien aduise, il me semble, quel  
que grâde querelle qu'ils ayent, qu'ils sont  
toufiours bien d'accord: car ce que l'vn  
veult, l'autre veult. Si Millan plaist au Roy  
auquel de droict il appartient par le moyen  
de Valentine de Millan, qui espouza Loys  
duc d'Orleans, occis à Paris par les gens du  
duc de Bourgoigne, l'an mil quatre cens &  
sept, il plaist aussi à l'Empereur les terres &  
villes frôtieres de la Bourgoigne, qu'il dict  
luy appartenir, sont au Roy & à sa republic  
que, biē plus seātes & necessaires, pour de  
ceste part là borner le Royaume. L'empereur  
ne veult aussi venir à faire la foy & hō  
mage tant du duché de Bourgoigne, que  
de la souuerainetté de Flandres, qui luy  
plaist tant que c'est merueilles: combien  
qu'il detient ces pais la par & en vertu des  
traictez de Madric en Espaigne: fait le  
quatorzeiesme lanuier, l'an mil cinq cens  
vingt cinq. Et de Cambray, fait le cinqies-  
me d'Aoust, l'an mil cinq cens vingtneuf:  
les obligatiōs desquels traictez, accords &  
conuenances, sont nulles de droict, pour

## Contredicts

plusieurs grandes causes, qui pour les cas-  
ser & rescinder, ont esté, sont & seront am-  
plement decidees par les droicts des canõs  
bien fourniz de pouldre, boullers & autres  
munitions de guerre, qui serõt produictes  
soubz les maiestez de sigrans princes, qui  
toufiours sont biẽ d'accord : car cõme i'ay  
dict, ce que l'un veult, l'autre aussi le veult.

### *De la contrariet   & abbus des diuinateurs.*

#### CHAP. XI.

**P**Arions d'autre : Que iugerons nous de  
tous les p̃sages, tant de paix & de guerre  
q̃ de famine, pestilence, naufraiges & inun-  
datiõs tāt merueilleuses q̃ les pais en doib-  
uent estre noyez & r  pliz de dix mil sortes  
d'autres aduersitez q̃ noz gentilz prophe-  
tes nous anõcent estre    aduenir. Quant     
moy ie n'en pense autre chose sinon que ce  
sont toutes choses fabuleuses, abbusifues &  
mensongeres : & croy que les autres n'en  
p  seront pas moins : suppos   encore que les  
choses prophetisees ou les aucunes adui  -  
fissent quelque fois : ou bi   qu'il en feust ad-  
ueni les aucunes . Car nous s  auons bien,  
que tant que le monde aia dur   & durera,



il ya tousiours eu, a & aura de toutes sortes de calamitez dispersees . Qu'il soit ainsi: nous voyõs la guerre en France & Itallie, & la paix est en Espagne & autres royaumes. La famine est entre les Romains Flamens, Allemans & pais bas: & nous auons en France abondance de tous fruiçts . Si la peste n'est à Paris, elle est à Lion, Rouen & autres villes de ce royaume. Ou bien, si ces choses la n'adiennent ou en vn ou plusieurs autres royaumes Crestiës, sans doubte elles aduiendront en quelque prouince infidelle & barbare. Si dõcques en vne mesme annee, quatre philosophes viennent à prenoſtiquer choses contraires & que l'vn predie la paix, elle fera, sans doubte, en plusieurs lieux . L'autre predira la guerre qui aduiendra aussi en autres lieux, l'autre promettra abondance de fruiçts, qui sera chose veritable: L'autre la cherré, sterilité & famine, qui aduiendra si grande que ce sera chose pitieuse . Parquoy verité & mēſonge ainsi qu'auõs ci deuant dict, serõt tousiours d'accord ensemble: mais qu'ils ſoyent ou puiſſent eſtre concurrens en leurs œuures aſtronicques: ſuppoſé encore qu'ils ayēt

faict leurs fatals pronosticques sur mesme orizō ou meridien, ie le denye & persiste q̄ le tout se trouuerra tousiours manifeste abus. Ils marquēt biē qu'en yuer il fera grād froid, pluye, gelee, grādes glaces, neiges & frimats: pource qu'ils sçauēt assez que c'est le vray temps quil doibt & a accoustumé faire en yuer. Et au temps d'esté, ils marquent grandes chaleurs, tempestes, orai- ges, grosse gresle en plusieurs lieux, rosees, bruines & broillas, pource que cest sembla- blement le vray temps d'esté. Et ainsi des autres saisons de l'an. Et en core qu'ils soyēt certains que telles choses ayent accoustu- mé aduenir es moys & temps qu'ils corre- ront pour les plus ordinaires: si est ce, que plusieurs annees se passent, qu'il n'en est nouuelle. Et quand ils aduiennent ce n'est pas les iours qu'ils denottēt en leurs alma- nachs: Mais si par vn cas fortuit il aduiēt au cune chose de ce qu'ils pronostiquent, le monde est tant mangé de rats que tant de gens y adioustent foy que vous diriez pro- prement que telle maniere de deuins sont quelques prophetes enuoyez de l'autre monde: ioinct la chatte mitte & bonne pi-



pec qu'ils font pour faire croire les diuinations & bonnes aduentures que les aucûs, ainsi que i'ay, par gens notables de la maison de la Royne tresuertueuse, deuement esté aduerty, font semblant de predire par veoir les mains des princes grâs seigneurs & aultres qui veullent meêtre la croix deuant. Et font celà a l'imitation de ces belistres contrefaisans les Egiptiens ou autrement Bouimiês, qui ont tousiours quelque cours & permission de viure en Frâce: chose dômageable à la foy & republique pour les inconueniens Atheismes, meurdes & larrecins qui en aduiennent chascun iour.

*Comme il fault entendre la contemplation des estoilles: & de l'ignorance des anciens philosophes.*

#### CHAPITRE XII.

**O**R il dirôt & iugerôt de ce qui est au ciel, & des choses futures, ce qu'ils voudront & i'en croiray ce qu'il me plaira: car comment leur seroit il possible d'en dire aucune chose veritable? Quand

## Contredicts

ils ne cognoissent seulemēt ce qui se faiēt en leur maison & à trois pieds d'eulx quād le rideau de leur liēt est tiré, & qui plus est, ne cognoissent les choses mesme qui leur sont presentes ? Certainement ie ne veulx pas dire, qu'il ne soit bon & plustost trouué vne chose fort louable de contempler les astres : car la vraye amour de sagesse, est de se retirer des choses corporelles, & contempler les diuines : à fin de cognoistre la verité : aussi pour autre cause ne sommes nous naiz, que pour faire telles contemplations & seruir à l'admirable facteur de telles & grandes œuures : Toutesfois ie denyē qu'il y ait aux corps ce leste aucune diuinité : mais au contraire fault croire que leur mouuement n'est volontaire, & qu'il se faiēt par le commandement du diuin & superceleste createur qui leur a donné & imposé loix, auxquelles sans pouuoir deffaillir, ils seruent & obeissent. Or s'il est difficile aux ignorans de cognoistre ceste verité, il est tresfacille aux sçauans & prudens de l'entendre & la scruter en ce qu'elle nous est permise seulemēt, sans la cuidoer outre passer. Car nous disons



la prudence del'homme estre plainement  
parfaicte & suffisante, quand il congnoist  
qu'il est vn Dieu: le sommaire & force de  
laquelle intelligence, est de receuoir &  
honorer iceluy Dieu, comme pere &  
createur de l'humain lignage & fabrica-  
teur, comme nous auons souuent dict, de  
toutes choses admirables: Pour laquelle ad-  
miration noz philosophes anciens, hebe-  
tez de cuer & d'entendement, ont adoré  
cōme dieux les elemēs qui ont esté creez  
sans vie, sans ame ne aucun sentimēt. Bien  
ont esté douez de clarté infinie & d'un mou-  
uement deriué de commandement impe-  
ratif. Et cōbien que au premier liure ayons  
assez monstre l'erreur & abbez des astrolo-  
gues: Ce neātmoins, pource que nostre in-  
tētōn ne tend à autre fin, que de les cōfu-  
ter: non de science qui soit en nous, mais  
monstrer par textes & saincts escripts que  
ils ne peuvent iuger des choses futures: Io  
reciteray encore leurs autres, & plus gran-  
des erreurs. Tels hōmes dōc, dict Lactāce,  
ayans, & non sans cause, en admiration les  
merueilleuses œuures de Dieu, comme est  
le ciel, avec tāt de diuerſes lumieres: la ter-

*Bib. Aec. Genouefce Paris*



## Contredicts

re avec ses champs & montaignes : la mer avec ses fleuves, estāgs & fontaines, se sont tellement estonnez que mettans en oubly, ou bien ignorans le createur, ils ne l'ont iamais peu veoir & congnoistre : mais commencé leurs idolatries, sans iamais auoir peu comprendre, n'entendre la grandeur & puissance infinie de celluy qui de rien les auoit formees. Et combien qu'ils veissent telz elemens obeir à l'ordonnance diuine, & seruir à l'vsage & vtilité commune par diuin & perpetuel commandement : Toutesfois ceste grande ignorāce de la premiere & souueraine cause, les a priuez du souuerain bien & renduz ingrats enuers la perpetuelle liberalité diuine : tellement qu'ils ont preferé telles œures admirables à leur tresbon pere & facteur, cent milliōs, & sans comparaison, de fois plus admirable.

*De l'idolatrie des philosophes anciens: & de la  
raison du iour & de la nuit.*

CHAP. XIII.

**N**E nous esbaissons donc pas si le menu peuple & autres grans personnages se



sont enuellopez es tenebres de telle discipline, quand ces grans fols & enragez, tenuz toutesfois pour sages & temperez philosophes, erroyēt & s'estoiēt tant esloignez de la vraye verité qu'ils tenoyent pour certain, que toutes choses & corps celestes qui auoyent & ont mouuement, debuoyent estre adorees & collocquees: & de faict les auroyent tenues, adorees & reputées au nombre des dieux. Et estoit ceste folie tirée de ce qu'ils ne pouuoient entendre que la constance & ordre des planettes & estoilles, leur tant grāde concorde & conuenance en toute eternité: & les diuers cours des temps, estoient sans entendement, raison & cōseil: & qu'elles estoient regies & conduictes par le Dieu eternal, qui est la premiere & souueraine cause: De laquelle folie Lactance Firmian, docteur Chrestien & grand personnage, & lequel toutesfois a comme les autres erré, disoit en se moquant d'eulx, ces mots: Et vous, O philosophes, nous vous reputons & prouuons, non seulement fols & infidelles, mais qui pis est, aucuglez: & qui sans science, mais bien comme enragez, auez vaincu par vostre fo-

## Contredicts

lie, les sotsignorās: car eulx, diēt il, ont seule  
mēt estimé le soleil & la lune estre dieux,  
& vous dauantage y auez mis les estoilles.  
Baillez nous donc par escript ou autremēt,  
le mistere des estoilles, à fin que nous dres  
sions & esleuions autels & temples à cha  
cune particullieremēt & que nous sçachōs  
de quelle cerimonie & à quel iour nous les  
adorerons: de quels nōs & de quelles prie  
res les inuocquerons. Si d'auenture ne les  
debuons adorer toutes ensemble, cōme v  
ne turbe admirable de grās & petits dieux.  
Mais diront les aucuns: Comme dōc pour  
ront les spheres, aornemens & corps cele  
stes faire le cours à eulx ordonné & prefix  
& obseruer leur cōstance & regle certaine?  
fil n'ya en eulx quelque esprit & viuacité.  
Ha, il ne te fault iamaiz dire ne croire cela:  
car Dieu, createur de l'uniuersel, les a ainsi  
disposez & faictz, à fin que par diuine & ad  
mirable raison ils courussent par le ciel,  
pour faire, la varieté des tēps & anneesl'é  
tresuiuans. Ne pēse ausi que la conuenan  
ce qui est es estoilles, ppre pour faire leurs  
cours, procede d'elles: mais de Dieu, qui a  
tout faict, & par puissance & lumiere touf



iours presenté en luy, le regit & gouuerne. Car s'il eust voulu, le soleil eust non seulement esté stable & arresté, tout ainsi qu'à la priere de Iosué pour vaincre les Amoreës, le soleil demoura & s'arresta luisant sur la cité de Gabaon par vn iour entier: ainsi mesme qu'il recite en son dixiesme chapitre: mais eust aussi fait, que le iour eust tousiours esté perpetuel sans y auoir nuit ne obscurité. Et si les estoilles n'auoyēt aucun mouuement, qui doubte, dict Lactance, que la nuit n'eust esté eternelle? Or à ce q̄ alternatifuement il y eust iour & nuit, il leur a ordonné mouuement, & diuersement les a voulu mouuoir: à fin, non seulement que la vicissitude & chāgement alternatif du iour & de la nuit feussent faicts & que le labeur & repos feussent respectifuemēt prins, mais aussi q̄ la force du froid & du chault & la diuersité des temps & saisons feussent conuenables à la generation & maturité des fruiets.

*D'une vision assez estrange, veue par  
l'autheur l'annee mil cinq cens  
cinquante cinq.*

## Contredicts

### CHAPITRE XIII.

**P**VIS qu'auons, selõ nostre petit esprit, traicté des choses qui requierent bien vn autre & plus sçauant disputeur, iera conteray encore sur la fin de ceste partie, vne vision moderne, laissant à pēser ce que quelque grand prophete eust voulu prophetiser, s'il eust esté à Lorriz le Mercreddy vingtquatriesme de Iuillet dernier, mil cinq cens cinquante cinq: car ie luy eusse entre huiet & neuf heures du soir visiblement monstré en vne nue cristaline fort large, vn grand thaureau de couleur grise, le plus furieux & plus n'aifusement & au naturel figuré au ciel que i'en aye oncq' veu en terre. Son regard estoit tourné vers Orleans. Quelque espace de tēps y auoit qu'il festoit parauant apparu, ie ne le sçauois dire: mais ie le vey ainsi entier sans ce qu'il feust empesché d'autre couleur à l'enuirō, qui ne feust fort loingtaine, l'espace d'vn quart d'heure: Puis cela se disparut. Et au mesme instant en vne autre nue noire figurée comme vne forest loingtaine du thaureau, vey sortir vne autre figure comme au dessus de la ville de Sully sur l'Oire ayant



forme de teste d'elephant, regardant aussi vers Orleans: Laquelle teste fut subitemēt & à veue d'œil transformee en figure d'un aigle bien au naturel: & en moins de demy quart d'heure, fut couuert de la nue. Ce que ie di, est vray, & en sont tesmoins trois officiers du Roy, qui estoient avec moy. Il ya la dessus bien à deuiner, philosopher & prophetiser. Que les astrologues en dient donc ce qu'il leur plaira: car quant à moy, ie ne puis & n'en veulx rien interpreter, si nō que tout cela ne peult faire aucun bien, ne aussi faire aucun mal: Et encore moins signifier chose aduenir: Si non l'enuie que l'Empereur auoit de retourner en Espagne, pource q̃ le thaureau & l'aigle auoyēt leur regard ceste part: Ou bien ce que la volunté diuine veult en ses secrets admirables ordōner & commāder pour tousiours manifester ses œuures: mais quant aux hommes, ils n'en sçauoyent parler, pronostiquer ou interpreter. Et s'ils en auoyent aucune chose pronostiqué, ie dy qu'il n'y faul droit adiouster foy, non pas quand ores il auroit pleu à Dieu que telles choses pronostiquees seroyent aduenues: Car qu'ils

## Contredicts

le puissent ſçauoir, ſi ce n'eſtoit par reuelation diuine, cela eſt beaucoup plus loing de verité, que nous ne ſommes eſloignez du firmament.

*Tous pronostiqueurs ou diuinateurs ne peuvent iuger des choſes futures.*

### CHAPITRE XV. X

**I**E nedy pas toutesfois, que lon ne puiſſe vray ſemblablement & non affirmatiuement predire aucunes choſes de la tēpe rāce ou intēperance du temps: Car de cela auons exemple propre à nous dōnee par la meſme verité de Ieſuſchriſt, miſe en ſainct Matthieu au commencement du ſeiziefme chapitre: quād les Pharifiens & Saduciens vindrēt à luy en le tentāt & le requērāt qu'il leur monſtraſt quelque ſigne du ciel: Aufquels reſpondant il diēt: Quand le veſpre eſt venu, vous diētes: il fera ſerein, car le ciel eſt rouge: & au matin, il fera au iourde huy tempeſte, car le ciel eſt rouge & mal plaifant. Ha, ie croy cela, puis que le Seigneur nous l'a departy de ſon ſecret: Et de



là vient que le simple berger, laboureur ou autre personne nourry aux champs : ou bien autres qui ont voulu prendre leur plaisir, regard ou aspect au regimēt du temps, predisent aucunement la pluye ou beau temps, qui doit le iour ou prochainement & non pas de long temps, aduenir. Semblablement s'ils voyent en France es lieux aquatiques que les mois de Iāuier & Mars soyent fort pluuiex, on peult facilement iuger la sterilité des fruićs de l'annee & qu'il en aduiendra cherté. Et sont telles opiniōs trop plus certaines & mieulx receues, que celles des philosophes & astrologues. Mais retournons au temps serein, raison des bergers & commun peuple fortifiée de ceste diuine sentence de Iesuschrist : Car ils voyent les premiffes & traces du temps qui se couure & embroille pour donner la pluye, puis apres cessant la pluye, voyent aussi que il se descouure & est faict clair pour auoir le soleil & vn temps beau & temperé. Or puis doncq' que les bergers, laboureurs & autres simples gens sçauent, & naturellement cognoissent cela, ie ne veulx denier que les astrologues & philo-

sophes n'en puissent autant sçauoir: oultre  
encore les cours des soleil & lune, leurs  
eclipses & autres choses naturelles qu'ils in-  
ferent en leurs œuures & lesquelles par  
leurs sciences, ils sçauent & entendent be-  
aucoup mieulx que ceulx qui n'ont pas e-  
studié: mais que par quelque estude ou in-  
telligence humaine ils puissent discerner  
ne predire le futur sinon par les signes pro-  
chains alleguez, il n'en est rien. Qu'il soit  
ainsi, notons, ie vous prie, que le seigneur  
Iesuschrist quant & quant, & au mesme cha-  
pitre seiziesme de saint Mattheu, & par  
maniere de dire, se courouçant aux Phari-  
siens & Saduciens, ou bien les reprenant  
de ce qu'ils le vouloyent tenter, vsa enuers  
eulx de ces mots: Hipocrites, vous sçauiez  
iuger de l'apparence du ciel: mais ne pou-  
uez vous aussi iuger des signes des temps?  
Côme s'il eust voulu dire, qu'il leur estoit in-  
cogneu & impossible. Et aussi poursuyuant  
ce propos & pour monstrier leur ignoran-  
ce, dict: La generation mauuaise & adul-  
tere demande signe, & signe ne luy sera  
donné, sinon le signe de Ionas le prophe-  
te. Que dirons nous de cela? O philoso-



phes, y pouuez vous adiouster quelque chose? Demanderōs nous quelque autre meilleur precepteur? Cestuy la vous depeſche, il vous condamne, il vous ruine & finalement vous declare bestes. Bestes, di ie, si vous cuidez attaindre l'intelligence & cognoiſſance des choses futures, autrement & plus auant qu'elles ſont declarees & entendues par les ſainct̃s & ſacrez textes que nous alleguons.

*Conclusion du ſecond liure ou il dict, qu'il  
eſt impoſſible d'accorder les prono-  
ſticqueurs.*

CHAPITRE XVI.

**V**OY LA, lecteurs, ce que pour le preſent i'ay deliberey dire en ceſte ſeconde partie fort abbreuee pour le deſir que i'ay de venir à la tierce: Ou i'eſperetraiçter de choses plus hautes & nō ſeulement des vrais & diuīſ prophetes: mais auſſi des faulx & peruers fabulateurs & abuſeurs: auſquels eſt impoſſible fidelement predire ſinon (ainſi que l'auons deſia en noz liures

## Contredicts

assez monstredce que l'on peult, sans offenser, coniecturer par l'experience des choses passees & presentes. Car l'homme qui est guidé par la seure adresse de raison, peult preuoir la suite des choses: Congnoist les causes d'icelles, & quasi les denonçant, assemble les futures aux passees. Nô pas que i'entende telle preueoyãce estre faicte par forme de diuination, ne par & en vertu de la congnoissance & reuolution des planettes: ains seulemēt par vn instinct naturel il luminé de quelque grace speciale. Mais quand à predire de la façon que font noz astrologues en leurs almanachs, ppheties, ou bien lunaticques diuinations & pronostications, ie conclu qu'il est autant possible les accorder, qu'il seroit impossible de faire viure longuemēt & en paix quatre femmes ialouses de leurs mariz: pourueu qu'elles feussent demourans en vn corps de logis & viuans à vn pain, pot & sel: Ou bien de faire cōuenir ensemble tous les mouuemēs, minutes & heures, des six meilleures orloges de Paris. Je soustiēs aussi que ceulx qui prophetisent par & en vertu du cours des planettes & astres en leur attribuāt vn



cōmandement special sus les esprits & fr̃ac  
arbitre & autres puissances, dōt i'ay dessus  
parlé, retirēt le peuple de la vraye adoratiō  
du grād seigneur nostre Dieu, pour le faire  
croire en leurs fables, ou du moins auoir cō  
fiance à autres & estranges dieux: C'est adi  
re aux planettes, estoilles & corps celestes,  
qui n'ont esprit ne ame: Laquelle maniere  
d'annoncer, nous est, non seulement estroi  
ctement deffendue par le treizeisme chapi  
tre du Deuteronomie: mais aussi sommes  
tresexpressément chargez du Sei  
gneur de faire de tels abbu  
seurs bonne briefue  
& rigoreuse pu  
nition.



❧ *On t'a cy rendu loyal.*

❧ *Fin du second  
liure.*

LE

# Tiers liure des

CONTR EDICTS DV SEI-  
gneur du Pavillon, aux faulſes propheties  
de Noſtradamus.



Nul prophete n'eſt aggreable  
en ſon pais.

Luc 4.



Du grand abbuz des Aſtologues.



## CHAPITRE PREMIER.



E que les hōmes veulent con-  
ſacrer à la treſſaincte ſpecula-  
tion, intendence & eleuation  
d'eſprit aux choſes celeſtes &  
diuines (à mon iugement) ob-  
tiennent ſoy merueilleuſe grace, efficace &  
vertu: Car cela donne à l'homme, non ſeu-  
lement conſolation interieure, & plaiſir



merueilleux : mais aussi grande esperance  
à ceulx lesquels par quelque grace speciale  
ont vouloir & affectueux desir de cognoi-  
stre Dieu. Certainemēt en cela gist nostre  
vray office & y consiste la somme de la bi-  
enheureuse substance de vie innocente, la  
quelle seulement la diuine maiesté desi-  
re fauorablement retenir de nous quand  
deuotement & religieusement luy est of-  
ferte. Mais ie doute quen'agueres nôbre  
de personnes ayent pris l'vne contempla-  
tion pour l'autre, par auoir choisi & contē-  
plé les choses creées & laissé l'adoration  
du vray (& seul) createur, approuuant par  
eulx (& paraduement par trop) la doctrine  
d'aucuns, eulx disans prophetes: & comme  
dict saint Iude en son epistre, ne le sont  
point, combien qu'en ce temps ils soyent  
entrez & voulu audacieusement & imagi-  
natifuelement conuertir la grace de Dieu:  
mais ils ont, selon saint Iehan au deuxies-  
me de l'Apocalipse, esté trouuez menteurs  
comme seulement instruits en science vai-  
ne & abusifue, qui les a neantmoins fait  
reputer sages. Sages (di ie) de ce siecle, pour  
ce qu'ils, comme maculez & souillez d'er-

## Contredicts

reurs quasi irreparables & proposans de parler des choses naturelles, ont tant infecté les hōmes que de faire croire à la pluspart, approuuans par infirmité d'esprit, leur discipline, & ignorans la vraye adoration que les corps celestes, cercles & spherres creez de Dieu, en la concauité desquels sont con-  
tenuz les quatre elemens, ont naturellement leurs puissances disposees pour conduire, regir & gouuerner tout ce qui est au monde: & mesmement que par les cours & reuolutions d'iceulx ils (qui ignorent, comme dict saint Iaque au quatriesme de son epistre, ce qui aduiēdra le lendemain) peu-  
uent par leurs sciences astronomicques, facilement predire les choses aduenir: voire & iusques à temps si futur & loingtain, que Dieu, s'il se vouloit visiblement à nous manifester & qu'il fust possible en ce mortel simulachre, l'approcher, ne nous en pourroit, ce me semble, autre chose dire. Nous auons certes, cognoissant vn si parfait ab-  
buz apres auoir conclud en noz deux precedens liures, esté meu avec labeur (ie di merueilleux & incredible) iour & nuiēt pris reuoluer & fucilleter de rechef tous les  
liures



liures des vieil & nouveau testament, pour par ordre accumuler & ramener à memoire les plus principales & louables propheties: mesmement celles qui pour nostre salut ont par le grand & celeste prophete Iesuschrist realement esté accomplies. Et ce à fin de cognoistre si plusieurs d'icelles (ou bien vne seule) ont esté predistes par les cours & reuolutions des cieulx: ou par les signes des soleil & lune & autres planettes & estoilles. Car si les philosophes, plusieurs desquels pour faire valloir leur triacle par vne maniere estrange, donnent couleur à leur science, en alleguoyēt vne seule raison tiree des liures, approuuez canoniques, ie ne me fusse tant rompu la teste à debatre, qu'ils ne peuyēt par tel moyen deuiner ou prophetiser. Et croy à mō aduis, que ce sont ceulx que le prophete Baruch en son tiers chapitre nōme fabulateurs & inquireurs: Et lesquels (dict il) n'ont pas cogneu la voye de sapiēce. Car, qui est celuy, dit l'Ecclesiasticq' au dixhuietiēme chapitre, qui sera suffisant pour raconter les œuures de Dieu? Qui enquestra ses nouuelles & qui annoncera la vertu de sa grādeur? l'eusse peu

## Contredicts

croire toutesfois (ou du moins prester quel que consentemēt) à partie, de ce qu'ils ont dict & pourront encore dire, iargonner & fabuler par leur philosophie vaine & apochriphe, si ie n'eusse congneu qu'elle a tous iours contreuenue aux escriptures saintes: & souuentefois sous couleur de quelque eloquēce, réplie de fard sciemmēt, & pour plus paroistre impugne à verité. I'ay aussi cōsideré que le glorieux saint Paul faisant mention de telle sapience au deuxiesme chapitre de son epistre aux Colossiēs, nous aduertissant, dict: Aduisez que nul ne vous surprenne par philosophie & vaine deception selon la tradition des hommes & institutions du monde, & non point selon Ie fuschrist. Aussi que saint Pierre au deuxiesme chapitre de sa seconde epistre, a dict qu'il y a eu des faulx prophetes entre le peuple, cōme aussi il y aura entre nous des faulx docteurs qui introduiront couuètement sectes de perdition. Ayant donc crainte que noz nouueaux prophetes fussent du nombre de ceulx dont ces choses & autres ont esté escriptes ie n'ay voulu approuuer leur science, ne deliberay en faire autre



compte que ( si ie puis ) leur contrarier par  
alleguer tant les saincts passages propheti-  
ques, que leurs sacrez accomplissemens.  
Et pour y paruenir ay premierement & cō  
me chose tresnecessaire, voulu declarer,  
que c'est prophetie: Et puis apres parler de  
ceulx qui ont prophetisé: Car plusieurs en  
ignorent paraduenture l'ethimologie.

*Que c'est prophetie & quels ont esté  
les vraiz prophetes.*

## CHAPITRE II.

**P**ROPHETIE certes, selon qu'il est  
escript en la premiere epistre de saint  
Pierre: & au douzeiesme chapitre de  
saint Paul aux Romains, est don de Dieu  
baillé par le saint esprit, & non point par  
aucune volūté humaine. Car la parole des  
pphetes, dict ce glorieux precepteur saint  
Pierre au premier chapitre de sa seconde  
epistre, est la plus ferme: & faisons fort biē  
d'y entendre cōme à la chādelle qui esclai-  
re en lieu obscur iusques à ce que le iour  
commence à luire: & quel'estoille du ma-

## Contredicts

rin, se leue en noz cueurs. Mais entendons  
premierement (dict il) que nulle escripture  
n'appartient à nostre priuee declaration.  
Car prophetie n'a point esté iadis appor-  
tee par la volunte humaine: mais les sainct  
hommes de Dieu estants poussez du sainct  
esprit ont parlé. l'Apostre aussi parlant (en  
l'epistre premiere aux Corinthiens, cha-  
pitre douzeiesme) des differences des dōs  
& graces du sainct Esprit, dict que c'est vn  
mesme Dieu qui opere & fait toutes cho-  
ses en tous. Aussi la manifestatiō de l'esprit  
est donnee à vn chascun, à ce qui est vtile.  
A l'un est donnee la parole de sapience par  
l'esprit: A l'autre la parole de science selon  
le mesme esprit: A l'autre foy par le mes-  
me esprit: A l'autre dons de garisons par le  
mesme esprit: A l'autre efficace de vertuz:  
A l'autre prophetie: A l'autre discretions  
des esprits: A l'autre diuersitez de langues:  
Et à l'autre intreprétation de langages. Or  
puis qu'il est ainsi qu'un mesme esprit, qui  
est Dieu, fait toutes ces choses, les diuisant  
particulierement à chascun d'eulx, com-  
me il luy plaist: Ce ne sont donc les astres  
qui president ius telles vertuz & congnois-



fances. Car Moyse, Dauid, Isaye, Ieremie, Daniel, & ainsi des autres qui ont esté diuinement enuoyez pour annôcer les choses aduenir, ne se sont aucunement aidez des significations d'icelles: mais seulement de grace infuse. Comme aussi ont faict ceulx dont il est parlé es deux & vingtvngiesme chapitres des Actes des apostres: Au quatriesme chapitre de la premiere epistre à Timothee & au deuxiesme de la seconde de saint Pierre. Mais, diras tu, quels personages ont donc esté les vraz prophetes? Certainement ce sont ceulx qui ont interpreté les escriptures, non point en paroles pour persuader sapiëce humaine: mais es demonstrance d'esprit & de puissance: à fin que nostre foy ne feust point par la sapiëce des hōmes: Mais ainsi qu'il est escript au chapitre deuxiesme de la premiere aux Corinthiens, par la puissance de Dieu qui veult que les esprits des prophetes soyent subiects aux mesmes prophetes. Parce dict il es douze & quatorziesme chapitres de la premiere aux Corinthiens qu'il n'est pas le Dieu de dissention, mais aucontraire de paix & vnion, comme dict saint Iacques

## Contredicts

au premier chapitre de son epistre : c'est pource que toute bonne dōnation & tout don parfaict, est d'enhaut descendant du pere des lumieres (enuers lequel n'y a point de mutation, vmbre ne changement.

*De la difference que saint Paul met entre apostres, prophetes & docteurs: & comme aucuns meschans ont prophetisé.*

### CHAPITRE III.

**C**E grand apostre au quatriesme chapitre aux Ephesiens met difference entre apostres, pphetes, pasteurs & docteurs. Car à la verité les apostres ont esté & sont ambassadeurs ou messagers, speciallemēt enuoyez de Dieu: Et par ainsi Iesuschrist, dict saint Paul au troisieme aux Hebreux, a esté nostre apostre & souuerain sacrificateur de nostre confession: lequel entre ses disciples en esleut douze: & comme recite saint Luc, chapitre sixiesme, les nomma apostres pour estre la lumiere du monde, le sel de la terre, les dispensateurs des mysteres de Dieu, ses seruiteurs, adiuteurs, co



operateurs & tesmoins de sa passion & resurrection, comme tu pourras plus ample-  
ment veoir en saint Matthieu cinquieme,  
Marc neuvieme : Au quatrieme chapitre  
de l'epitre premiere aux Corinthiens : au  
vingtquatrieme chapitre de l'euangile saint  
Luc, au premier des Actes: & en autres pas-  
sages. Les prophetes sont ceulx q enseignēt  
ce que Dieu leur reuelle par son esprit à l'e-  
dificatiō de l'eglise Et ne peuēt, tesmoing  
le vingtdeuxieme chapitre du tiers liure  
des Rois, parler, sinon ce que Dieu a mis en  
leur bouche. Micheas escript aussi en son  
tiers chapitre, que telz prophetes ne sont  
sans auctorité, mesmes euers les rois & prin-  
ces, ainsi qu'il est escript de Elisee au cinq-  
ieme chapitre du quart liure des Rois. Et  
au regard du docteur ou prescheur, c'est ce  
luy qui a premieremēt esté instruit par les  
hommes: lequel non en sapiēce humaine,  
mais en doctrine du saint esprit, doit en-  
seigner la parolle de Dieu & doctrine des  
saincts docteurs receuz de l'eglise & reieter  
les fables : Ce qu'il ne peult toutesfois fai-  
re sans le dō de Dieu: Car cōme a esté dict,  
c'est vn mesme esprit qui œuvre tout en

tous . Nous trouuons aussi deux signes de  
vraye prophetie escripts es treize & dixhu  
ictiesme chapitres du Deuteronomie. Le p  
mier quād les pphetes ne retirēt pas le peu  
ple dela vraye adoration de Dieu. Et l'au  
tre si ce qu'ils prediēt ( non par le cours des  
astres ) aduient ainsi qu'ils ont prophetisé  
par la grace de Dieu, qui les a à ce faire, es  
leuz, pour leur integrité & vertu. Et de ce  
la auons exemple familiare en Daniel, le  
quel apres que tous les magiciēs, les astro  
logues ou enchâteurs, les Caldeēs & les de  
uins n'eurent peu donner l'interpretation  
du merueilleux songe de Nabuchodonoz  
or, Roy de Babilone . Daniel diuinement  
inspiré la donna & interpreta. Et depuis au  
roy Balsazar son fils, ainsi qu'il est escript es  
quatre & cinqiesme chapitres de son liure  
ou l'on ne trouue qu'il se soit aidé des estoil  
les ne de leurs significations: Il fault donc  
croire tels vertueux prophetes à l'exem  
ple du bon conseil donné par Micheas à  
Achab Roy d'Israel, qui ne le voulut croi  
re : Mais par outrecuidance, ioinēt le con  
seil de quatre cens faulx prophetes, fut ain  
si qu'il est escript au vintdeuxiesme cha



pitre du tiers liure des rois, miserablement occiz par les Siriens. Ne lisons nous pas aussi au deuxiesme liure des Cronieques, chapitre trentesixiesme, que Ieremie le prophete fut de Dieu enuoyé à Zedechias, Roy de Iudce, qui ne se voulut humilier, en suiuir, ne croire les vertueux preceptes du prophete. Mais luy & son peuple transgresferent si merueilleusement selon les abominations & idolatries des gentils, qu'ils abuserent des prophetes du Seigneur & encoururent tellement son indignation, qu'il feit sur eulx venir le Roy des Caldeës ou de Babilone, qui sans pitié mit tout à feu & à sang, saccagea & pillà les eglises & trāsporta les tresors, & le peuple qui estoit eschappé de l'espee pour estre serfs & esclaves à luy & à ses enfans. Tout ainsi doncq' que nous debuons croire aux vrayes propheties & ensuiuir les saintes doctrines: Au contraire debuons nous abhorrer les faulces. Et si aucun de nous a erré & y a creu ou presté quelque consentement, il ne se doibt excuser que ce ait esté faulte de sapience pour les auoir entédues. Car comme dict saint Iacques au premier chapitre

## Contredicts

de son epistre: Dieu l'a donné à tous abondamment & ne le reproche point & l'otroye quand, ne doubtant rien, on la demande en foy. Reste à dire qu'il y a eu des meschans, lesquels sans y penser, ont véritablement prophetisé. Car nous lisons au vingtdeuxiesme chapitre du tiers liure des rois, que le mauuais esprit prophetisoit par la bouche des faulx prophetes de Baal. Semblablement que lors que les principaulx sacrificateurs & pharisiens furent assemblez en leur conseil pour machiner & cōspirer la mort de Iesuschrist, Caiphe l'un d'iceulx dict, comme le recite saint Iehan en l'vnziesme chapitre de son euangile, qu'il estoit expedient qu'un homme mourust pour le peuple: à fin que toute la gent ne perist.

*Que les vrais prophetes estoient iadiz appelez, voyans, & qu'ils ne doyuent estre contemnez: mais les faulx prophetes reiectez.*



## CHAP. III.

**C**ertainement les prophetes bons & iustes estoient en l'ancien testament tant reueriez & bien receuz, que quand le peuple, alloit pour s'enquerir vers Dieu, ils disoyent l'un à l'autre: Venez & allons au voyant. Car celuy qu'on appelle au iourd'huy prophete, s'appelloit iadis, voyant: parce ainsi qu'il est escript es neuf & vingthuietiemes chapitres du premier liure des rois autrement de Samuel: & au dixseptiesme du quatriemes du mesme liure des rois qu'ils fouloyent respondre à ceulx qui alloyent au conseil à eulx: & les retiroient de leur idolatrie. Ceulx donc qui sont prophetes de Dieu ne doivent point estre contemnez, comme tesmoigne le dixhuietiemes chapitre de l'Ecclesiastique: & le cinquiesme de l'epistre aux Thessaloniens. Et au contraire de bons, ce dict saint Paul es premier & quatorziemes chapitres aux Corinthiens, affectueusement prier Dieu d'obtenir vn tel don de grace que de bien prophetiser. Mais plusieurs se dient prophetes & prophetesses, qui ne le sont point, dict saint Iehan au

## Contredicts

deuxiesme de l'Apocalipse. Car Iezabel qui se disoit prophetesse seduisoit, sous vmbre de sainteté, les seruiteurs de Dieu, à paillarder & manger les choses offertes aux idoles. Doncque les faulx presumptueux & outrecuidez prophetes qui presumment estre dignes de prophetiser les choses loingtaines du mode entreprenans sur l'auctorité de la diuine prescience, sont du tout à contemner, pource qu'ils tumbent en tout erreur de confuse obscurité & abisme tenebreux. Car qui a esté present au conseil du seigneur? dict Ieremie vingttroisiesme chapitre. Et qui a apperceu & oy sa parole? Il se complainct fort aussi au quatorziesme chapitre de tels faulx prophetes, desquels dict il, on se doibt attentifement garder pour les maulx qui en aduiennent. Car leur doctrine, ainsi que dict le mesme Ieremie, chapitre huitiesme, est plaine de mensonge & d'auarice: ce qui leur est fort reproché au treziesme chapitre du tiers liure des Rois.





*Qu'il se fault garder des faulx prophetes  
& ne les fault escouter.*

## CHAPITRE V.

**P**Ourfuiuant encore nostre propos, dirons q̃ le seigneur parlât par la bouche de Ieremie, souuent allegué, au vingt quatriesme chapitre de son liure, dict ainsi: Ne vueillez escouter les paroles des prophetes qui prophetisent, vous enseignans choses vaines: Ils parlent la vision de leur cueur & non point par la bouche du seigneur Et au vingtseptiesme chapitre: N'oyez pas les paroles des prophetes qui vous disent: Ne seruez point au Roy de Babillōne, iceulx vous prophetisent mensonge: Car ie ne les ay pas enuoyez (dict le Seigneur) & prophetisent en mon nom faullement: A fin que ie vous deboute & que perissiez & aussi ceulx qui vous prophetisent. Je alleguerois en ce passage de mot à autre le vingttroisiesme chapitre de ce prophete Ieremie, auquel le Seigneur reprent & menasse les faulx prophetes d'infamie, mensonge, adultere, hypocrisie & d'autres

## Contredicts

vices, qui meriteroyent bien plus long discours, mais pour la grandeur de la substance, ie réuoyeray le lecteur à l'original pour ce que noz nouveaulx prophetes le trouueroyent en cest endroiēt fort mauuais. Ils pourroyēt toutesfois obicer, que la plus part des sainctes auctoritez que nous alleguōs ne s'adressent pas aux astrologues ne philosophes: Mais plustost aux docteurs, religieux, euesques, pasteurs, maistres & autres qui pour la predication de la foy catholique & Chrestienne, doibuent estre enuoyez de Dieu, cōme il est escript en saint Matthieu dixiesme chapitre, Luc dixiesme & en saint Paul aux Romains dixiesme. Mais leur responds qu'elles se peunēt vers eulx vallablement diriger, pource que leur doctrine est plus dangereuse que celle qui est preschee en chaire: car le faulx prescheur ne peult p̄scher en tous lieux: Mais les œuures de l'astrologue mises en lumiere, sont preschees, leues, publiees & enregistrees es cueurs de tous: Qui faict que ie m'aide aussi tost d'une sentence diuinemēt prononcee contre le faulx prescheur que contre le faulx prophete: car quelle plus



grande heresie pourroit estre preschee que de soustenir & publier que les corps celestes presidēt au ciel: ce qui ne se doit croire, & encore moins endurer & supporter.

*Des propheties sur l'aduenement de Iesuschrist, & par luy accomplies.*

## C H A P. VI.

**N**OVS auons, ce me semble, tant parlé des prophetes bons & mauuais, qu'il est besoing de declarer les propheties accomplies & approuuees en nostre religiō. Cōmençons donc à la prophetie de Iacob, escript au quaranteneufiesme chapitre de Genese sur les choses qui debuoyent aduenir à Iudas & à sa posterité duquel (comme il est escript au premier chapitre de l'euan-gille saint Matthieu: au troisieme de saint Luc: Et au premier chapitre de l'epistre aux Romains ) Iesuschrist descendit & prit nature humaine. Voyons aussi le testament des douze Patriarches, fils de Iacob: c'est à sçauoir: Iudas, Rubem, Symeō, Leui, Dan, Neptalim, Gad, Aser, Ysachar,

## Contredicts

Zebulon Benjamin & Ioseph: Et là trouue  
rons nous de grans & merueilleux myste-  
res prophetiques sur la redemptiõ del'hu-  
main lignage . Que dict Ieremie es vingt-  
trois & trentequatriesme chapitres de son  
liure ? Voicy les iours viennent, dict le Sei-  
gneur , que ie susciteray à David vn iuste  
germe & regnera Roy. Il vsera de pruden-  
ce & fera iustice & iugement en la terre.  
Es iours d'iceluy sera Iuda saulué & Israel  
habitera en confiance , & l'appelleront de  
ce nom , l'eternel , nostre iustice . Le pro-  
phete Isaye dict aussi en son septiesme cha-  
pitre: voicy la vierge conceura & enfante-  
ra vn fils. Et appelleras son nom. Emanuel.  
O quel incomparable fruit nous ont rap-  
porté ces diuines propheties accomplies  
en la naissance de nostre saulueur & redē-  
pteur Iesuschrist , ainsi qu'il est escript es  
premiers chapitres des euangilles saint  
Matthieu saint Luc & saint Iehan . Mi-  
cheas en son cinquesme, dict: Et toy Bethe-  
leem Ephrata, es tu petite entre les enfans  
de Iuda ? De toy m'en sortira vn , qui sera  
dominateur en Israel. Cela est accõply es  
deuxiesme de saint Matthieu & septies-  
me



me de saint Iehan. Osee en l'vnziesme de son liure, dict: Quand Israel estoit ieune, ie l'ay aymé & ay appelé mon fils hors d'Egipte. Que figuroit cela sinon l'enfant Iesus porté fugitif en Egipte: & apres le trespass d'Herode rappellé du Seigneur, ainsi qu'il est escript en saint Matthieu deuxiesme chapitre. Retournons à Ieremie en son treteuingiesme ou il dict: La voix de lamentation de gemissemēt & de pleurs amers a esté oye en hault de Rachel qui plouroit ses fils. O piteuse & lamētable figure accôplie, quand Hérode feit par inhumanité & cruauté execrable, occir tous les enfans qui estoÿēt en Bethleē & en toutes les marches d'icelles de deux ans & au dessoubz, ainsi q̃ a escript saint Matthieu au dict deuxiesme chapitre. Tu trouueras au treziesme du liure des Iuges, que l'âge s'apparut à la fēme de Manoa & luy predict, combien qu'elle feust sterile, qu'elle auroit vn filz qui seroit Nazarien, des le ventre de sa mere qui cōmenceroit à sauluer Israel de la main des Philistins. Et est ceste figure accomplie au deuxiesme de saint Matthieu. Isaye au chapitre quatriesme dict: La voix est criant

## Contredicts

au desert, pparez la voye au Seigneur. Sainct Iehan Baptiste preschant au desert accomplit, comme precurseur, ceste prophetie reiteree en sainct Matthieu troisieme, Marc premier & Luc septiesme chapitres. Voy encore sur ce passage Malachie en son troisieme.

*Encore d'autres propheties accomplies par Iesuschrist, & que les philosophes en abusant, decoyuent les simples.*

### CHAPITRE VII.

**P**Assons encore oultre à declarer autres principales propheties, & trouuerrons que Isaye au neuuesme dict: Le peuple qui habitoit en tenebres a veu grande lumiere: & la lumiere a reluit sus ceulx qui habitoient en la terre de l'vmbre dela mort. Cela fut accompli en sainct Matthieu quatriesme chapitre, quand Iesus laissant Nazareth, vint & habita en Carpernaum, prochaine dela mer es marches de Zabulon le grand seigneur parlât par la bouche du mesme prophete Isaye au quarante deuxiesme



chapitre dict: Voicy mon seruiteur, ie m'ap-  
puyera y sur luy, c'est luy que i'ay esleu: mō  
ame a pris son bon plaisir en luy. Certes Ie-  
sus accōplit ceste prophetie laissant les pha-  
risiens qui le vouloyēt mettre à perdition,  
comme escript saint Matthieu douziē-  
me chapitre. Car estant suiuy de plusieurs  
peuples, les guarit tous & leur deffendit  
qu'ils, ne le manifestassent point. Isaye reci-  
te en sō sixiesme chapitre, que le Seigneur  
luy dist: Va & di à ce peuple icy: Oyez &  
n'entendez point, voyez & ne congnois-  
sez point. Cela certe est accomply & reci-  
té par Iesuschrist en saint Matthieu troi-  
siesme chapitre, quand luy parlant à ce  
peuple incredulle dist: Pour ceste cause ie  
leur parle par similitudes, pourtant qu'en  
voyant ils ne voyent point: Et en oyant ils  
n'oyent & n'entendent point. O que nous  
pouuons proprement adapter ceste pro-  
phetie contre noz nouueaulx prophetes &  
philosophes qui à leur aise contemplent &  
voyent bien soleil, lune, estoilles, esclairs &  
signes merueilleux des cieulx: Oyant aussi  
les sons, fractions, bruits & tonnoires qui  
en procedent, mais en les voyant ils ne

## Contrédits

voyent point: Et en oyant ilz n'oyēt point:  
 Car ils n'y congnoissent rien que la lumie-  
 re diuisee des tenebres. Vray est que les  
 hommes curieux se precipitent surce en  
 quelques lunaticques & fantastiques o-  
 pinions, esquelles non seulement ceulx  
 qui s'entremeslent de telles folies, mais  
 aussi les paouures simples & ignorans qui  
 leur veulent adherer, sont tousiours de  
 ceuz & notoirement abusez: mais quoy?  
 Sommes nous esloignez d'Isaye qui a e-  
 script au soixantedeuxiesme chapitre: &  
 Zacharie au neufiesme: Dictes à la fille de  
 Sion, voicy ton salut vient accompli. Au  
 vingtyvniesme de saint Matthieu quād Ie-  
 sus feit son entree monté sus l'anesse en  
 Ierusalem, le royal Dauid, psalme vingt-  
 deuxiesme, prophetisant diēt ces mots:  
 Ils ont parti entre eulx mes vestemens &  
 ont ietté le sort sus ma robbe: Ce qui est  
 escript & accompli en la passion de Iesus-  
 christ, quand les boureaulx en iettant sort  
 diuiserent ses vestemens ainsi que descri-  
 uent les euangelistes: saint Matthieu cha-  
 pitre vingtseptiesme: & saint Iehā au neuf-  
 iesme. Isaye aussi cinquanteetroisiesme cha-



pitre, n'a il pas escript, que le fils de l'homme auoit à souffrir moult de choses & à estre mesprisé: ce qui a esté accomply au neufiesme de sainct Marc. Iesuschrist en sainct Matthieu neufiesme chapitre predict à ses apostres, que les iours viendroyent qu'ils ieusneroyent apres sa mort & autres afflictions à eulx aduenues, es quatre & cinquiesme chapitres des Actes. Il predict semblablement la ruine de Ierusalem tost apres aduenue & amplement descrite par Iosephus en son liure de la bataille des Iuifs. Or ie laisse sciemment & pour cause de briefueté, beaucoup de autres propheties qui furent consummees en la passion de Iesus, escripte en sainct Iehan dixneufiesme chapitre: par ce qu'il estoit necessaire que toutes les choses qui estoient escriptes de ce grand prophete en la loy de Moyse & es propheties & psalmes, feussent accomplies: comme luy mesme estant resuscité dist à ses apostres, ainsi qu'a escript sainct Luc au vingtquatriesme & dernier, chapitre de son euangile. Nous pourrions certes en cest endroit alleguer plusieurs aultres diuines auctoritez: Mais

## Contredicts

il semble que cela doibt quant à present,  
suffire.

*Que toutes les propheties des saints prophetes  
ont esté diuinement reuelees, & non con-  
gneues par la reuolution des astres.*

### CHAPITRE VIII.

**O** Dieu immortel, les propheties que nous auõs cy dessus exposees ou biẽ l'vne d'icelles, ont elles esté predi-ctes ou confortees par le moyen des luminares & corps celestes? Certes non: mais de l'esprit de Dieu, qui a donné aux astres leurs offices particuliers: qu'il restrainct, modere ou bien amplifie quãd il luy plaist: Ainsi qu'auons assez exposé en nostre premier liure. Pourquoi donc se hazardent les hommes de prophetiser choses si vaines & autãt esloignees de verité qu'elles sont pernicieuses & directemẽt prononcees cõtre le decret de ce grand Seigneur qui tout regit & gouuerne: & l'intelligence duquel, comme dict Isaie, quarantiẽme chapitre est incõtable. Ce n'est certe que toute impudence, erreur & aueuglement qui a par



le passé induist les fols & presumptueux à iouer telz mysteres & à inuenter choses fabuleuses, qui ont mué & aboli la felicité des anciens siecles. Et cela sera facillemēt congneu si voulons conioindre & mesler l'operatiō des pœtes avec celle des astrologues & deuins. Car là trouuerōs qu'ils ont plongé & enuelpé les hōmes en profondes tenebres & obscurité malheureuse: cōbien qu'aux premiers temps, noz peres feussent en clere lumiere de verité & sans aucune idolatrie: Ce que cōgnoissant le Roy Saul, chassa & extirpa les enchanteurs & deuins hors du Royaulme d'Israel & n'y eussent, comme il est escript au vingthuietiēme chapitre du premier liure des rois, au peril de la vie, osé retourner ne resider. Plato aussi en son liure de la republique condamna les pœtes à perpetuel exil & les mit hors de la cité d'Athenes, par ce que par leurs fictions, ils se rendoyent ennemis de la societé humaine. Et combien que ayons en noz precedēs liures assez allegué ce qui en a anciennement esté escript & suffisammēt montré ce qu'e deuōs croire, si dirōs nous encore apres S. Augustin & S. Thomas que les

sectes des astrologues, qui ont faict sçauoir & iuger des choses aduenir par le cours & reuolution des planettes, ont beaucoup plus blasphemé que les poëtes, qui ont inuenté plusieurs dieux. Car qu'est ce autre chose dire, tel signe gouuernant au ciel en tel temps amenera en la terre guerre, pestillence ou famine, sinon faire presider es cieulx nombre infini de dieux? Combien qu'un seul aye par son verbe faict & fabriqué tout le contenu en iceulx: ainsi mesme que a escript Dauid au psalme trente-deuxiesme: Par le verbe de Dieu (dict il) les cieulx ont esté faicts solides: & par l'esprit de sa bouche a esté toute leur vertu creée. Et de rechef au psalme quarantequatre: Le Seigneur dict: mon cueur a iecté hors vn bon verbe: & ie di toutes mes œuvres au Roy: tesmoignant par cela, comme dict Lactance, au chapitre huitiesme de son quart liure Des institutions diuines, les œuvres de Dieu n'estre cogneues à nul autre, qu'au seul fils, qui est le verbe de Dieu: Lequel parlant par le prophete Isaye quarantevniesme chapitre: en reprenant les presumptueux dict ainsi: Pre-



ſentez voſtre cauſe & amenez voz fortes  
raiſons: Qu'ils ſ'approchent, & qu'ils nous  
annôcent ce qui aduiendra. Qui eſt celuy  
qui a annoncé du commencement à fin  
que nous le cognoiſſons? Et neantmoins  
ceſte verité delaiſſée, noz aſtologues, par  
blaſpheme execrable, dient ſçauoir les  
grans ſecrets reſeruez en la preſcience de  
l'vnique createur & parfaict ouurier de  
tout.

*Que les hommes ne ſe doyuent enquerir  
des ſecrets diuins, que nul n'a ia-  
mais ſceu ſinon l'eſprit  
de Dieu.*

## CHAPITRE IX.

**C**E V L X donc font indiscretement  
qui ſ'enquierent & entremettēt d'an-  
noncer les choſes que lon ne peut di-  
re: Et ne puis diſſimuler leur outrecuidan-  
ce en ce qu'ils paſſent & tranſgreſſent les li-  
mites de leur condition, & ne veulent pas  
confeſſer iuſques à quelles fins ſ'extend ce  
qu'ils doibuent ſçauoir. Car quand Dieu

## Contredicts

donna science & intelligence de la verité à l'homme, ce fut seulement pour cognoistre ce qui luy estoit necessaire, à fin de paruenir à la vie eternelle. Mais des choses qui appartiennent à conuoitise prophane & curieuse discipline, il luy en a tollu la cognoissance, à fin qu'elles demourassent incogneues & secretes. Qu'il soit ainsi, saint Paul vasseau d'election, & remply du saint esprit, confesse au deuxiesme chapitre aux Corinthiens que les choses grandes qu'il a escriptes ne sont venues de luy, mais, dict il, Dieu nous les a reuelees par son esprit: Car l'esprit enquierit toutes choses & mesmes les choses profondes de Dieu. Ce qui se doit entendre spirituellemēt & non pas des curieuses & prophanes inquisitions futures. Car qui est ce des hommes, dict il en core en ce passage, qui scait les choses de l'homme, sinon l'esprit de l'homme qui est en luy? Pareillemēt les choses de Dieu nul ne les a cogneues sinon l'esprit de Dieu. Saint Pierre en sa premiere epistre, dict il pas que les prophetes qui ont prophetisé de la grace qui debuait venir, ont enquiz & diligēment cherché quād & quel poinct



signifioit l'esprit de Dieu qui estoit en eux. Mais ceste recherche ne se faisoit pas es cours & mouuemens des astres qui n'ont aucune puissance que celle qui leur est donnee de leur createur & facteur auquel ils seruent & obeissent perpetuellement: comme bien apparut au iour de la passion & mort de Iesuschrist, quand pour l'horreur d'icelle le soleil fut obscurci & les elemens tellement troublez que la terre trembla: & tenebres furent faictes sur toute la terre, depuis six heures iusques à neuf: & autres grâs & merueilleux miracles qui furent lors faicts, pour monstrier que toutes les spheres & corps celestes qui sont œuures du seigneur, sont en sa puissance & sont ces merueilles amplement d'escriptes en saint Mathieu, vingtseptiesme: saint Marc, quinze: & saint Luc vingttroisiesme chapitres.

*De l'inutilité des curieuses & abusifues  
propheties.*

CHAPITRE X.

**P**ourquoy doncq', dict L'actāce, faisant reproche à l'homme curieux, demāde

## Contredicts

tu encore ce que tu ne peulx ſçauoir par le cours des aſtres n'autrement: Mais auſſi ie vous ſupplie de pēſer cōbien doit valoir & eſtre priſee ceſte vaine & inutile façon de prophetiſer en telles tenebres, puis q̄ quād on le ſçauroit faire, on n'en pourroit auoir plus grāde beatitude: car l'hōme ſe doit cōtēter & eſtimēr auoir p̄faicte cognoiſſance ſ'il cognoiſt & adore vn ſeul Dieu & quād il ſ'applique de ſçauoir que par luy toutes choſes ſont faictes & en luy ſeul ont eſté, ſont & ſeront à touſiours gouuernees. Et eſt certes le vray pilot ſur lequel toutes choſes ſont tournees. Et partant ſe demettent noz deuins & fabulateurs de leurs ſonges & reſueries, pour produire argumēs par leſquels ils puiſſent faire entendre qu'ils, en quelque ſorte & maniere qu'ils le veulent & puiſſent prendre, cognoiſſent les ſecrets diuins. Car puis que cela eſt impoſſible, il ne fault approuuer ne conſentir à leurs opinions: conſideré qu'à bon droit noſtre loy les a pour le nōbre de leurs erreurs en grād horreur & abomination. Et pource auſſi que ceulx qui ſ'addonnent à l'eſprit ou ſcience de ce mōde, non ſeulement errent en



leur endroict, mais aussi abusent & depra-  
uent ceulx qui n'ont pas la consideration,  
ou pour mieulx dire, le vouloir de cognoi-  
stre les choses qui nous sont donnees de Di-  
eu: desquelles en noz propos de buons vs-  
er, non pas es parolles de sapience humaine:  
Mais, cōme dict l'Apostre au chapitre der-  
nier allegué, en doctrine du saint esprit,  
en comparant les choses spirituelles aux  
spirituelles: ce que ne fōt noz astrologues,  
supposé que leurs doctrines fabulleuses soy-  
ent entremeslees d'infinites auctoritez &  
sentēces louables & la pluspart d'icelles bi-  
en adaptees & consonantes à noz saintes  
& sacrees escriptures.

*Que les significations des comettes & signes  
du ciel sont incogneuz aux hommes.*

## CHAP. XI.

**L**A cōmette qui en ce climat commēça à  
se manifester le mercredy au soir iiij. de  
Mars, & dura en sa grandeur iusques au sei-  
ziesme. Et depuis l'ay encore plusieurs fois  
veue, ma dōné occasiō adiouster en cest en-  
droict ce chapitre: Pource q̄ noz nouueaux

## Contredicts

philosophes font, & non sans cause, vn grâc cas des cōmetes. Car à la verité, elles sont si merueilleuses que leurs significations ne peuuent par eulx estre entendues. Mais seulement de Dieu qui limite l'execution de leurs effects selon son bon plaisir: & lesquelles toutesfois denotent tousiours quel que grande chose aduenir: cōme de l'estoille, à la cōduicte de laquelle selon qu'il est escript au deuxiesme chapitre de l'euangile de saint Matthieu, les rois ou sages d'Orient allerent adorer l'enfant Iesus en Bethleem: mais pour respondre aux pronostiqueurs, ie prédray le venerable Bede & aussi ce qui en est escript au liure du propriétaire, ou il est dict que ce n'estoit vne comette. Car pour quelque cause, dict Bede, que la cōmette depēde, elle se mōstre tousiours en la partie septentrionale: Mais l'estoille apparue en la naissance de Iesus de Dieu creée: & enuoyee pour ce seul acte admirable procedoit & auoit son mouuement d'Orient à Midy vers Occidēs: ce qui n'est point veu au cours & mouuement des cōmetes cōme dict saint Iehan Chrysostome, Damasene au sixiesme chapitre de sō deuxies-



me liure, dict que les cōmettes n'ont point esté engendrees des le commencement: Mais sont en certaine espace de temps cauees & produictes d'impression engendree pres la region du feu de vapeur & exhalation chaulde & seiche en la partie superieure de l'air: laquelle impression assemblee monstre estre le corps d'une estoille. Mais les parties estendues au tour ou à l'environ de ses extremitez sont comme dict Albert le grād les comes, cheueulx ou barbes qui s'enflambent en l'air pour la velocité du mouuement des cinq planettes que les astrologues ont nommees, Saturne, Iupiter, Mercure, Mars & Venus. Et selon leur opinion la comette signifie & represente occidentalement mortalité procedant de maladies chaudes & seiches: Car siccité & secheresse vehemente & excessiue a acoustumé de proceder premier & estre conuenable à la generation de la comette. Pour ceste cause dient que les hommes rempliz de richesses qui ont acoustumé vser de viandes chaudes & seiches, meurent communement en tel temps: Et que entre les riches fault grandemēt noter la mort des princes.

## Contredicts

Isidore au quatriefme des ethimologies, semblant estre de mesme opinion, dict que la comette en son apparition, signifie pestilence, famine & bataille. Et les autres disent qu'elle signifie pestilence, vens ou chaleurs.

*Que les signes celestes manifestent les grandes  
œuvres de Dieu: & ne peuuent les estoilles  
& planettes induire à peché.*

### CHAPITRE XII.

**C**Onsiderōs, ie vous prie, à laquelle de tant & si variables opinions nous deurons arrester, sinon qu'en excusant l'ignorance des anciens enuelopee en l'obscurité de plusieurs difficultez, retournerons & prendrons celles des saints docteurs: Et tiendrons que puis que les intelligences & effects des estoilles & comettes sont cachees & reservees es secrets diuins, nous ne croirons qu'elles ayent aucune destinee ou pouuoir naturel, & especial d'amener, guerre, famine ou pestillēce: & encore moins aucune domination sur le franc



franc arbitre de l'homme : Combien que les astres peuuent aucunement, comme auons ia dict au secôd liure, incliner le corps à aucunes passions, moyennant l'aide de sa naturelle disposition. Car, cōme dict saint Thomas en sa premiere partie au chapitre premier, question cent seiziesme, toutes operations naturelles sont reduictes à la premiere & souueraine cause, qui est la prouidence diuine. Et ne fault croire, dict saint Augustin, au premier chapitre du cinqiesme liure de la cité de Dieu, que la volonté diuine soit chose destinee. Mais biē que les signes s'apparoissent au ciel par la volonté de l'eternel fabricateur & gouuerneur des astres pour tousiours manifester ses grandes & admirables œuures & desquelles luy seul scet les significatiōs: & ne se trouue pas qu'il leur ait donné pouuoir aucun de faire varier & pecher les hommes: car quel iugement, dict saint Augustin en la vingt-quatriesme question chapitre quatriesme, pourroit estre faict des hōmes contraincts à pecher par les corps celestes? certes nul (dict il) & Dieu ne condamneroit iamais l'homme à mort s'il ne trouuoit qu'il eust

## Contredicts

peché de son franc arbitre & sans cōtrain-  
cte aucune. Fault donc cōclure que toutes  
calamitez, infortunes, mutations & vices  
des hommes ne procedent comme touf-  
iours auons dict & encore moins se peuuēt  
cognoistre par le cours des astres: Mais seu-  
lement telles ou semblables choses aduien-  
nent, par le vouloir de la haulte & supreme  
diuinité, laquelle toutesfois n'est cause des  
vices, bien les souffre & tollere. Or si nous  
prenons pour chose iniurieuse, qu'en aucu-  
ne cité y ait citoyens & gouuerneurs com-  
mandans à faire larrecins, homicides, luxu-  
res, & autres vices, dignes de mort: En cas  
semblable considerōs, dict saint Augustin,  
que le ciel est vne court ou vne cité & que  
les citoyens sont les estoilles. Et si ainsi est  
qu'elles necessitent ou contraignent la vo-  
lunté de l'homme à faire vice, c'est au ciel  
iniure & vitupere. Enquoy pourrons nous  
dōc louer ces nouueaux prophetes qui pro-  
phetisent choses plus obscures, apres qu'el-  
les ont esté tirees hors des tenebres pour  
les mettre en lumiere que quand elles es-  
toient latentes, cachees & mussees es vi-  
eux & rouillez entēdemens, ou ces grans



& inuestigables secrets reposoyent. Nous ferons certes, beaucoup mieulx d'ensuyuir vne sainte sentence escripte par le Caron, qui dict, que le grand seigneur qui a l'entiere puissance & seigneurie sur les choses celestes, estoilles & elemens, & par sa preuoyance les a faictes & formees & par sa seule volonté sans aide les entretiēt : doibt estre recogneu la premiere cause le seul pere, createur, moderatur, roy & prince de l'univers.

*Qu'il ne fault croire en doctrine falacieuse:  
& que l'homme ne peult comprendre  
les choses qui sont de l'esprit  
de Dieu.*

## CHAP. XIII.

**A**PREs cela, ie conseille apres le glorieux saint Paul quatriesme chapitre aux Ephesiens: Que nous ne soyons plus enfans, flotans & demenez ça & là à tous ventz de doctrine par la fallace des homes & par astuce, pour faire embusches à deceuoir : mais suyans verité, croissons

## Contredicts

en toutes choses en celuy qui est le chef, q nous deffend de croire les fables des faulx prophetes, qui cuidēt estonner les plus subtils espritz: Et lesquels, comme dict Isaye, à la fin du quarentevniesme chapitre, sont vains & leurs œuures sont de nēēt & leurs simulachres sont vēt & chose vaine. Je scay bien q noz philosophes & plusieurs autres, mocqueront & detesteront ce que i'escry: Mais si est ce que ie soustiēdray apres saīct Paul au deuxiesme chapitre de l'epistre aux Corinthiens, que l'hōme animal, c'est adire mené & conduict par les sens & vertuz charnels, ne peult comprendre les choses qui sont de l'esprit de Dieu: Car elles luy sont folie & ne les peult entendre, d'autant qu'elles se discernent spirituellemēt. Et le spirituel, i'entends ce qui est cōduict p l'esprit de Dieu, est certes iuge de toutes choses: mais il ne peut estre iugé de personne. Je vous prie, O philosophes, n'estre en voz mesmes erreurs opiniastrs, ne tant abbaisservoz entendemēs soubz autre nature q pour cuider consacrer voz pēsees à quelq labille ou biē ridiculle memoire. Nous esti mez desia estre ceulx desquels l'Apostre au



quatriesme chapitre de la premiere epistre à Timothee, parle quand il diët, que es derniers temps aucuns deffauldront dela foy famusans aux esprits abbuseurs & aux doctrines des diables, de ceux qui par ypochrisie parlent menfonges : Ou bien, que foyôs du nôbre dôt au quatriesme chapitre de la deuxiesme epistre au mesme Timothee il a escript : Vn temps viëdra qu'ils ne receueront point saine doctrine, mais ayäs les aureilles chatoilleuses assembleront à foy des doctrines ou maistres selon leurs desirs, destournerôt l'oye de verité & se conuertiront à fables. Ce que ie di aussi n'est pas pour calumnier la vraye philosophie laquelle iamais ie ne pourrois assez louer, puis qu'elle embrasse tât de choses graues & vtiles, ne traitant rien, qui ne soit admirable: Toutesfois elle semble, diët le Carô, beaucoup plus philosopher quand elle recherche les secrets de nature. Car lors retiree de toutes les choses corporelles tōbanres en nostre sens naturel, Elle, diët il, comme rauie au ciel admire le createur, considere sa sagesse infinie, regarde ses incomparables merueilles & toute se consacre aux

## Contredicts

choses diuines & celestes, desquelles dépend les humaines & corporelles. C'est donc ainsi qu'il faut philosopher, & non pas en folastrât s'amuser à faire le deuin, predire, charmer, enchanter, & autres choses semblables, assez declarees en la seconde partie de nostre liure des propheties.

*¶ Que Dieu en plusieurs sortes & manieres a parlé aux saints prophetes: & qu'ils n'ont rien annoncé par le moyen du cours des astres.*

### CHAPITRE XIII.

**L**E grand docteur saint Paul souuent par nous allegué, réd tesmoignage au premier chapitre de son epistre aux Hebreux, qu'en plusieurs sortes & manieres Dieu a iadis parlé à noz peres par les prophetes. Et semblablement aux apostres par son fils Iesus: Lequel il a constitué heritier de toutes choses: Toutesfois ce qu'ils n'ont annoncé n'a point esté par le moyē du cours & reuolution des astres: mais, comme dict saint Pierre au premier chapitre de sa pre



miere epistre, ils ont annoncé les choses de l'euangille par le saint esprit enuoyé du ciel, esquelles les anges desirent regarder. Il dict apres au premier chapitre de la secō de epistre: Nous ne vous auons point donné à congnoistre la puissance & la venue de nostre seigneur Iesuschrist, suyuant fables composees par art: c'est a dire d'astonomie, astrologie, diuination, enchanterie ou sorcerie: mais comme ayans esté faicts contemplateurs de la maiesté d'icelluy. Et de là pcedoit que les princes du peuple & anciens d'Israel, voyans la hardiesse de parler de saint Pierre & de saint Iehan: Congneu aussi, qu'ils estoient hommes sans lettres & idiots, ils, & nō sans grāde cause, s'en esmerueilloient. Car qui ne se feust esmerueillé & esbahy, cōsideré la façon de laquelle ils prophetisoyēt & leurs grāds miracles publicquemēt faicts & escripts au quatriesme des actes & ailleurs. Voyons aussi comme au cinqiesme les Iuifs enuieux de l'heur & sainteté des apostres deuissans & consultants en leurs signagogue comme ils pourroyent faire cesser leurs propheties, prediciōs & miracles, se leua vn pharisien non

mé Gamaliel, docteur dela loy honnorable à tout le peuple, qui leur remonstra, cōme parauant Theudas & quatre cens faulx prophetes qui s'estoyent esleuez en leurs faulces propheties, auoyēt esté occis & tous ceulx qui auoyēt creu à luy esté destruiçts & redigez à rien. Et que apres Theudas estoit suruenu vn nommé Galileen es iours de la description, qui auoit aussi destourné gros peuple. Mais qu'il estoit peri & ceulx qui auoyent creu à luy esté desconfiz. Partant, dict il, deportons nous maintenant de ces hommes & les laissons : Car si ce cōseil, ou cest ceuure est des hōmes, il sera deffaict : Mais sil est de Dieu, vous ne le pourrez deffaire : à fin aussi que vous ne soiez trouuez repugnās à Dieu. Regardōs, ie vous prie, cōme ce Pharisien fut en vn moment réply d'vne prophetie, nō moins saincte, que veritable : Et laquelle toutefois il ne songea ne precogita. Mais sans regarder au cours & reuolution des corps celestes, dict promptement ce qui luy fut par le sainct esprit, soufflé en la pensee & entendement. Il est semblablement escript au vingttroisiesme chapitre des Actes : Que



sainct Paul prophetisant & preschant la resurrection, grād trouble & esmotion s'esleua entre les Saduceens, scribes & pharisiens: les aucuns desquels le vouloyent frapper, & les autres disoyent qu'ils n'auoyēt point trouué de mal en luy: Mais si l'esprit ou ange, disoyent ils, a parlé à luy, ne repugnons point à Dieu.

*Les nouueaulx prophetes ne prophetisent  
diuinement: mais leurs doctri-  
ne est abusifue.*

## CHAPITRE XV.

**O**R voyons maintenant si l'esprit ou ange a parlé à noz nouueaulx preuaricateurs ou prophetes qui se meslent d'annoncer les choses futures & ne sçauent pas & ne sçauoyent sçauoir les preterites: Car le seigneur a dict par le prophete Isaye quarētroisiesme chapitre: amene hors le peuple aucugle qui a des yeulx, & les sourds qui ont des oreilles. Toutes les gens soyēt assemblees ensemble & les nations soyent recueillies pour sçauoir, lequel d'entreulx

## Contredicts

annoncera ceste chose & le quel nous fera  
oyr les choses qui sont premieres. Pensons  
donc si leur a diuinement esté commandé  
prophetiser choses qui sont cachees en la  
diuine & eternelle pensee: Car s'il est ainsi,  
nous ne repugnerons point à ce qu'ils diēt  
auoir receu l'esprit de vaticination, ne à ce  
qu'ils asseurent en propres termes que de  
present peuuent aduenir & estre persona  
ges, ausquels Dieu le createur a voulu reue  
ler par imaginatiues impressiōs quelques  
secrets de l'aduenir accordez à l'astrolo  
gie indicielle. Mais quoy? Nous voyōs que  
leur science & doctrine est du monde, vay  
ne, inutile & abusifue: & que nous n'auons  
aucun besoing de telles propheties. Car  
diēt saint Luc au seiziesme chapitre: La  
loy & les pphetes ont duré iusques à saint  
Iehā Baptiste: Aussi celles qui nous estoient  
necessaires, ont par vn seul Iesuschrist esté  
accomplies & consommees. Et si nous a en  
ce mesme chapitre seiziesme laissé Moysē  
& les saints prophetes & euangelistes en  
uoyez pour ambassadeurs ou messaigers  
speciallement fondez de sainte doctrine,  
par lesquelles nous croyons fermemēt son



diuin aduenemēt, la remission des pechez par l'effusion de son sang : & qu'il viendra faire la fin & consommation du monde & vn iugement general & final des bons & mauuais: Mais nous soustenōs que le tēps est à tous caché & incongneu & n'est point a nous à parler des temps, ne des momens, comme beaucoup plus amplement esperons traicter en nostre quatriesme & dernier liure.

*De ne se fier aux propheties escriptes en langage estrange: & ne s'abuser en persuasion de parolle.*

## CHAP. XVI.

**N**E pensez & ne croyez donc, ô lecteurs, & n'ayez aucune assurance es nouuelles propheties: Car toutes les richesses de certaine intelligēce, gisent seulement en la cōgnoissance du secret de Dieu, ou quel sont, comme dict saint Paul au deuxiesme chapitre aux Colossiens, cachez tous les tresors de sapience & de science. Mais (dict il) ie di cela, à fin que nul ne

## Contredicts

vous abuse en persuasion de parole . O que ceste sentence est haulte, si bien interpreter la voulós. O que le recueil du fruit en est precieux, pour móstrer qu'il ne nous fault arrester & adiouster foy à telles propheties escriptes en langage tenebreux & esloigné de toute intelligence humaine. Car le mesme saint Paul au quatorziésme aux Corinthiés, dict qu'il aime mieulx parler en l'eglise cinq parolles en son intelligence, à fin qu'il instruisse les autres, que dix mil parolles en langage estrange . Et semble qu'il ait en cela suiuy l'opinion du prophete Isaye au trentetroisiésme chapitre, ou il dict: Tu ne verras ou bien tu n'escouteras point peuple d'obscure parole qu'on n'apperçoit point, & estrange de langue qu'on n'entéd point. Je suis bien d'accord, ainsi que i'ay escript ailleurs, qu'il est bien permis de prophetiser choses que lon peut vray semblablement iuger estre aduenir par les choses preterites, tout ainsi que Moise au tretevniesme du Deuteronomie, cogneut & prophetisa pour les offenses precedétes par les peuples d'Israel commises, qu'apres sa mort ils corromproyét encore



plus la voye du seigneur & qu'il leur en ad  
uiendroit mal: ce qu'il feist.

*Que les saincts prophetes ont esté inspirez du  
Seigneur, qui meēt l'esprit de mensonge en  
la bouche du faulx prophete.*

## CHAPITRE VIII.

**R** Este maintenant que si noz nouueaux  
prophetes veulent veritablemēt pro  
phetiser, ie les cōseille de lire le quarā  
tiesme chapitre de Genesc: & que à l'exem  
ple du bō Ioseph, fils de Iacob, ils descēdēt  
en q̄lques profondes prisons, esquelles on  
ne voit soleil, lune n'estoilles & que là estās  
solitaires ils rendent leurs estudes noctur  
nes de souefue odeur, iugent, interpretent,  
prophetisent, deuinent, chiēt & petent tāt  
qu'il leur plaira, sans prendre tant de peine  
à leuer le nez comme lāterniers, pour cui  
der aussi tost nombrer les estoilles que les  
lanterniers leurs voilles & lāternes. Qu'ils  
iugent aussi de la vision de Pharaο escripte  
au chapitre ensuyuant: Ou bien sans voir &  
contempler les astres qui à ce ne leur ser-

## Contredicts

uent de riē. Qu'ils nous prophetisent choses qui aduiennent ausi veritablemēt que ils les assurent. Car quant à nous, sçachans que le seigneur par Ieremie vingt troisieme chapitre a dict : Ne vueillez escouter les paroles des prophetes qui vous prophetisent, vous enseignās choses vaines, doubts, & à bon droit, de ce qu'ils annōcent: Parce qu'il est escript au tiers liure des rois vingt deuxiesme chapitre: Et en saint Paul deuxiesme chapitre aux Thessal. que Dieu met l'esprit de mensonge en la bouche du faulx prophete. Il est ausi traicté es huit & treiziesme chapitres des Actes, qu'il y auoit lors des enchanteurs ou faulx prophetes, plains de toute fraude & fallace, enfans du diable, & ennemis de toute iustice: lesquels sous vmbre qu'ils se disoyent grans personnages, seduisoient le peuple qui de coustume est assez attentif à telles nouuelletez. Et au iourd'huy nous pouuons dire qu'il y en a ausquels, comme dict Isaye, sixiesme chapitre: Dieu a donné vn esprit poignant qu'ils exercent & appliquent à choses trop haultaines & inutiles, ou biē, comme dict saint Paul au troisieme de la deux



iesme à Thimothee, sont corrumpez d'entendement & reprouuez, quant à la foy: parce qu'ils resistent à la verité: Car ce qui est haultain aux hommes, dict saint Luc, seiziesme chapitre, est abomination deuant Dieu: Et ne regardent pas saint Paul qui dict au douziesme chapitre aux Romains: Ne soyez pas outrecuidez en vousmesmes: & n'affectez point les hautes choses, mais vous accommodez aux petites. Par ce dict il deuant à l'vnziesme: que les iugemens de Dieu sont incōprehensibles & ses voyes impossibles à trouuer. Isaye aussi au quarātiesme chapitre, demande: qui est celuy qui a mesuré les eaues & a compassé les cieux?

*Que les mauuais hommes & deceueurs ne profitent à eulx mesmes: & de la conclusion de ce tiers liure.*

#### CHAPITRE XVIII.

**O**R dōc, lecteurs beneuoles, ne soyōs point seduits: Car saint Paul au quinzieme aux Corinthiens, dict, que les mauuais propoz corōpent les bon

## Contredicts

nes mœurs. Et au troisieme chapitre de la  
deuxiesme epistre à Timothee : que les  
maulvais hommes & deceueurs proffite-  
rôt en pis, abusans & estās abusez. Certai-  
nement aussi sont ils fols & abusez quād  
ils ne proffictēt à eulx ne à ceulx qui croyēt  
en leurs fables & si ie voulois ramener tous  
les sacrez passages qui feroyēt bien au pro-  
pos de cōfuter leurs erreurs en ce qu'ils an-  
noncent choses incertaines & vaynes & si  
friuelles qu'elles viennent à abroger parce-  
qu'elles sont cōtre l'hōneur de Dieu. Mes  
œuvres seroyent plus ennuyeuses que plai-  
santes pource que la prolixité n'est iamais  
louee. Demourons donc comme nous en-  
seigne le mesme saint Paul au chapitre der-  
nier allegué es choses qu'auons apprises &  
qui nous sont commises en congnoissant  
de qui auons appris les saintes lettres qui  
nous peuuent rendre sages à salut : car tou-  
te escripture diuinement inspiree est vtil-  
le pour doctrine. Faisons dōc fin à cetiers  
liure en alleguant encore trois sentences  
seulemēt : La premiere escripte au dixneuf-  
iesme chapitre du Leuitiḡ : Ou le seigneur  
diēt : Vous ne vous retournerez point aux  
forciers



forciers & n'enquesterez rien des deuins pour vous soier par eulx: Car ie suis le seigneur vostre Dieu: La seconde escripte au dixhuietieme chapitre du Deuteronomie ou le seigneur dict: En toy ne sera trouué le Magicien vsant d'art Magicque, en hōme ayant regard au temps & aux oiseaux, ne forciers ne enchanteur qui enchâte, ne hōme demandant cōseil aux esprits familiers ne deuins ne demandans aduis aux morts: Car tous ceulx qui font telles choses sont abomination au seigneur. Et à cause de telles abominations le seigneur ton Dieu les exterminera. Et la tierce est encore escripte à la fin de ce mesme chapitre dixhuietieme: Ou le seigneur dict: Le prophete qui presumera de parler paroles en mō nō lesquelles ie ne luy auray point commādē de dire: ou qui parlera au nom des autres dieux, icelluy pphete moura. Et situ dis en tō cueur: cōment cognoistrōs nous la parole laquelle le seigneur ne luy aura point dictē? c'est quād le prophete parlera au nom du seigneur & que la parole n'aduiendra point: Car c'est la parole que le seigneur

## Contredicts

ne luy a point dicte : Mais a parlé par presumption . Et pourtant n'auras crainte de luy. Voila donc comme les nouueaulx prophetes n'auront cause de nous arguer, de temerité , puis que nous n'escriurons rien qui soit du nostre: mais seulement ce qui est par textes formels escript, receu & approuué en sainte eglise.



✿ On i'a cy rendu loyal.

✿ Fin du tiers  
liure.



LE

# Quatriefme li-

VRE DES CONTREDICTIONS

du Seigneur du Pavillon, aux faulſes propheties de Noſtradamus.



Un prophete n'eſt point honoré en ſon pais.

Iehan 4.



Cerchez & vous trouuerrez.

Luc II.

De la genealogie de noſtre Seigneur,  
iuſques à Iacob.



CHAPITRE PREMIER.



Origine d'Aſtronomie & Aſtrologie, a en noſtre premier liure de la reſpoſe aux nouuelles propheties, par nous amplement eſté declaré: Et auôs

K ij

## Contredicts

aussi monstre comme l'intelligence en a de predecesseur en successeur esté retenue insques aux enfans de Noé, naiz auant le deluge. Reste donc satisfaire à ce qu'auons tousiours promis (ie dy sans aucune verecunde, ne craincte des calūniateurs, pour ce que ie ne me soucie que ce discours & autres labours precedens tumbent au peril de diuerses reprehensions) nommer en descendant la ligne directe du fils eternal & celeste, ceulx qui ont depuis le deluge, non seulement esté instruits au seruice & adoration de ce grād & eternal seigneur: mais aussi en la speculation de ses tant grandes & admirables ceuures celestes. Ayant dōc fini à Sem, Cam & Iaphet naiz au premier aage, commencerons pour contenter & fauoriser les amateurs des meilleures lettres à Arphaxat, nay deux ans apres le deluge, engendré par Sem, autrement appellé le grand sacrificeur Melchisedech, qui luy donna la vraye intelligence de toutes sciences naturelles & philosophales. Cestuy Arphaxat en l'an de son aage trentecinquesme, engendra Salé qui fut aussi inspiré de grand sçauoir: & en l'an de son aage tren-



reiesme , soixantesept apres le deluge & du monde, mil sept cens vingttrois, engendra Heber: Au temps duquel florissoit Cā, qui tenoit escolle de toutes sciences speculatifues, s'addonnant toutesfois par trop à l'art magicque . Mais Iaphet son frere qui auoit iatrouué ces colōnes de Septh, Enos, & autres peres anciens, (lesquels parauant le deluge auoyent pris plaisir en l'estude de toutes sciences engrauees esdictes colonnes, cōme auons clairemēt monsté en nostre premier liure des antiquitez & singularitez du monde abhorroit, & à bon droict contemnoit l'estude de la magie, estant au surplus fort curieux de la contemplation des choses naturelles, diuines, secretes & admirables. Heber engendra Phaleg, en l'an du monde mil sept cens cinquātesept, auquel temps fut la diuision de la terre & le genre Nembroth fils de Cus & petis fils de Cam, enuoyé legat ou gouuerneur au pais d'Afsirie, Babillonne ou Caldee. Phaleg aagé de trentevn an en l'an du mōde mil sept cens quatrevingts & huiet, engendra Ren ou Ragan, qui en l'an de son aage trente-deuxiesme, & du mōde mil huiet cens dix-

## Contrédits

neuf, engendra Sarug: Qui aussi en l'antren  
tiesme de son aage, & du monde mil huit  
cens quaranteneuf, engendra Nachor, qui  
en l'an de son aage vingtneufiesme, & du  
monde mil huit cens quatrevingts huit,  
engendra Tharé: lequel en l'an de son aa  
ge soixante & dix, & du monde mil neuf  
cens quaranteneuf, engendra Abraham,  
qui en l'an centiesme de son aage, & du  
monde deux mil quaranteneuf, engendra  
Isaac, qui en l'an soixantiesme de son aage,  
& du monde mil deux cens neuf, engen  
dra Iacob, qui fut pere de Iudas, auquel cō  
bien qu'il ne feust aîné, se poursuit la ligne  
directe du fils celeste: parce que Iudas fut  
vertueux aimé de Dieu grand personnage  
& fort sçauant en toutes sciences.

*Des enfans descenduz de Iacob:*

*& de la naissance de*

*Moyse.*

### CHAPITRE II.

**L**A necessité nous contrainct, pour par  
uenir au lieu ou nous tendons conti-



nuer le discours de la genealogie & descē-  
te des premiers peres de Iacob, donc descē-  
dit Ioseph, lequel en l'aage de dixsept  
ans fut vendu par ses freres aux Ismaeli-  
tes: Et fut comme portent les trentesept-  
iesme chapitres de Genese, & septiesme  
des Actes des apostres emmené en Egipte  
& donné au Roy Pharaon, deuant lequel e-  
stāt aagé de trente ans, il interpreta & pro-  
phetisa choses merueilleuses, escriptes es  
quarāte & quarantevniesme chapitres de  
Genese & dont auons au tiers & precedēt  
liure, assez fait de mētion. Il fut puis après  
dominateur & gouuerneur en la maison  
de Pharaon, & attira vers luy par mysteres  
declairez es quarantecinquesme, quarante-  
sixiesme & quarāteseptiesme chapitres du  
liure preallegué: Iacob son pere qui mena  
avec luy vn sien parent, nommé Caaht de  
la lignée de Leui descendue de Sē: Lequel  
Caaht engendra Amram: Et quelque tēps  
après qui fut en l'an deux mil trois cēs dix-  
neuf, Iosph deceda en l'aage de cent dix  
ans delaisant en pais estranger les Hebrē-  
eux ou Israelites fort despourueuz de cappi-  
taine pasteur ou du mois, qui feust fauorisé

## Contredicts

du Roy Pharaon: lequel bien tost apres dece-  
da: Et luy succeda vn autre & nouueau Roy  
Pharaon son fils qui se mescongneut & ou-  
blia tant de biens & honneurs que son pe-  
re auoit faicts & voulu obseruer en faueur  
des grans seruices faicts au Roy & republi-  
que d'Egipte par Ioseph, & autres enfans  
d'Israel lors grandement multipliez & puis-  
sans en biens & possessions: cause motifue  
de la haine que ce Roy conceut cōtre eulx  
& les chargea non seulement de grans sub-  
sides, mais aussi d'innombrables & importa-  
bles trauaux, seruices & tirānies & tant aug-  
menta sa persecution, qu'il osa bien com-  
mander (ainsi qu'il est escript au premier  
chapitre du secōd liure de Moyse, dict Exo-  
de) que tous les masles qui n'aistroyent de  
la lignee d'Israel feussent sans pitié & des  
leur naissance cruellement occis. A quoy  
par vouloir diuin, les sages fēmes ne voulu-  
rent obeir, dont le Roy plus que deuāt con-  
tre elles animé reitera & feit de rechef pu-  
blier le cōmandement tresexpres de noyer  
les masles & de seulement reseruer & saul-  
uer la vie aux femelles. Or en l'an soixante  
cinqiesme de la seruitude des enfans d'I-



rael, & du monde deux mil trois cens quatrevingt quatre, vne fille de la lignee de Leui nommee Iechabed conceut & enfanta vn fils: en elle, engendré par Amram fils de Caath, mais elle fut merueilleusement troublee pour la grande craincte du cruel edi& du Roy. Car voyât d'vn couste son enfant beau à merueilles & d'autre part le peril de sa vie si elle le nourrissoit & laissoit viure estoit en grande douleur de perplexité: Toutesfois diuinemēt inspiree, & nature à ce l'inclinant, conclud de tascher à luy sauuer la vie & secretement le nourrit, & cacha par trois moys: Et iusques à ce que se voyant descouuerte & craincte de forcer vraye naturelle amour piteusement l'exposa & geta dans vn fleue nō pas que elle le noyast, mais le mit en vne nasselle faicte de loncs, laissant toutesfois vne sienne seur en lieu distraict & assez loingtain, & duquel elle pouuoit à son grand regret, veoir ce qui aduiédroit au poauvre enfant exposé, lequel fut tant & si miraculeusement de Dieu fauorisé, que Therinich fille de ce cruel Roy: Laquelle se promenant sur le Rhin du fleue pour avec ses damoi-

## Contredicts

selles se rafraeschir & esbatre apperceut le  
arche ou nasscelle : & enuoya ceste part  
vne sienne chambriere qui ouurit le vais-  
seau & trouua l'enfant quasi gelé, fondu en  
larmes & à demy mort . Mais apres que p  
telle exposition la damoiselle eust cogneu  
que l'ëfant estoit Hebreu, elle en eut telle  
côpassion que secretemēt le feit nourrir, &  
le nomma Moise, pource, ainsi qu'il est es-  
cript au deuxiesme chapitre d'Exode, que  
elle l'auoit tiré des caues. Nous lisons aussi  
que depuis il fut exaucé du Seigneur : Et si  
bien instruiēt tant es loix diuines que hu-  
maines & politiques, qu'il fut esleu & com-  
mis gouuerneur sur les enfans d'Israel si af-  
fligez en Egipte, qu'il est escript es trois &  
quatriesme chapitres d'Exode : de laquel  
le afflictiõ & seruitute il les deliura en l'an  
quatrevingts de son aage, & du mōde deux  
mil quatre cens soixante quatre.

*Du grand scauoir de Moyse: Et de la promes-  
se du seigneur Dieu, que le monde du-  
rera par anneés admirables.*



## CHAP. III.

**N**OV S auons certes , fait ce discours de la lignee & descente des premiers peres: pource qu'à bon droict, voulons soutenir le moindre d'entre eulx auoir esté grand & sçauant personnage en toutes sciences naturelles . Mais pource que leurs œuures nous eussent à tousiours esté incongneues & cachees, si elles n'eussent esté recueillies, assemblees & escriptes par le grād & copieux legislateur & prophete Moise: C'est bien raison de luy faire distribution, à tout le moins de quelque partie de l'honneur qui luy doibt, non sans grande cause, estre attribué, comme à celuy qui par diuine ordonnance fust esleu & choisy digne pasteur & conducteur du troupeau & peuple d'israel & d'estre nōmé , non seulement philosophe : mais le philosophe des philosophes & prophete des prophetes de l'ancien testamēt. Qu'il soit ainsi, oultre ce qui est de luy cogneu en ses œuures, nous lisōs au septiesme chapitre des Actes des Apostres que Moise fut tresexpert & sçauāt en toutes les escriptures des Egiptiens anciennement & par l'instruction de Cam fils de

## Contredicts

Noé, trop addonnez à l'art de magic: Non pas qu'entendions Moise auoir esté magicien, n'aussi qu'il ait, par la speculation des astres, cogneu les choses futures: mais bien par inspiration & reuelation diuine. Car si autrement le receuions, seriõs veu de nouuel ceder aux astrologues & prophetes. I'entends les apochriphe & tant anciens que modernes, qui ne cesseront iamais s'ils ne sont mis à mort, ainsi que le seigneur cõmande au treiziesme du Deuteronomie de prophetiser (dict Ieremie quatorziesme chapitre) faulces visions, diuinations, resueries & tromperies, & de tascher à faire croire aux ignorans, voire, & s'ils pouuoient, aux plus sçauans qu'ils peuuent deuiner & predire les choses futures. Mais tels prophetes sont, dict le mesme Ieremie es dixhuietsme & vingttroisiesme chapitres, chopper & foruoyer les droicts & anciens sentiers. Je croy, quant à moy, que ce sont ceulx desquels en ce mesme chapitre le seigneur dict, Par les prophetes mon cueur est desolé: car par eulx est issue l'ipochrisie par toute la terre. Retournons à Moise qui promit & prophetisa au peuple d'Israel, ainsi qu'il



est escript au dixhuitiesme du Deuteronomie, & au septiesme des Actes, que le seigneur leur susciteroit vn prophete tel que luy, qui seroit le Melsias, & aux parolles duquel, il faudroit adiouster foy. C'est Moise certes, qui s'esleua en la vie & lumiere de diuine contemplation, & qui subtilement conclud la creation du temps auoir esté en mesme momēt que le mōde fut faict, pour monstrier, comme dist le seigneur le Caron, le temps n'estre eternal: Et que ce que nous comprenons sous le nom de l'uniuers a eu cōmencement du souverain createur qui n'a œuvre que de sa seule parole & toute puissante volonté. Nous entendons toutesfois monstrier, selon les sacrees escriptures, que tout ainsi que l'exercite du ciel ne se peult, dist Jeremie trentetroisiesme, nombrer, ny le sablon de la mer mesurer, les semences seront multipliees & que le monde durera par annees si longues & admirables qu'elles sembleront aux hommes infalibles & perpetuelles par le vouloir du seul & vnique createur, qui faict misericorde à milliers & à tousiours, non seulement fauorisé noz anciens, mais aussi nous incite

## Contredicts

de iour à autre, d'auoir accez à sa diuine pē  
see, pour monstrier qu'il est continuellemēt  
& tousiours prest: non pas de pugnir & con  
sommer: mais au contraire de conseruer  
& entretenir ceste fabrique du monde, que  
noz deuins & philosophes, tant anciēs que  
modernes, menassent & quasi afferment e-  
stre si pres de consummation. Combiē que  
soyons asseurez par Ieremie au vingttrois-  
iesme que l'ire du seigneur ne retournera  
pas iusques à ce qu'il face & establisce la pē  
see de son cueur, dont nous aurons l'intelli  
gēce es derniers iours. Et par l'Ecclesiastic  
au dixhuiētiesme, que le nombre des iours  
des hommes, comme le plus de cent ans,  
sont reputez comme la goutte d'eau de  
la mer.

*L'auteur veult encore prouuer l'amour  
inuiolable de Dieu enuers les hom-  
mes pour les conseruer lon-  
guement en ce  
monde.*



## CHAPITRE III.

**S**I nous debuons librement affermer que l'eternel n'auoit pour augmenter sa gloire, aucun besoing de fabricquer le môde, cōsistant es choses merueilleuses, par nous au premier liure tellemēt quellemēt exposees, nous pouuons encore plus fidellement croire & congnoistre que des le cōmencemēt il estoit amateur & zelateur de l'homme non encore créé, pour, par aucuns indices, luy donner apres sa creation, quelque notice & lueur de la grandeur de ses œuures celestes qu'il feit tāt supernaturelles & admirables, q̄ luy mesme les trouua bōnes, cōme recite Moyse es premier & deuziesme chap. de Genese, & puis crea le hōme & le rendit superintédant en tout ce qui estoit soubs le ciel: & luy cōmanda & a sa femelle, de fructifier, multiplier la generation humaine & réplir la terre: mais pour ce qu'Adam & ses enfans (comme nous auons assez dict ailleurs) transgresserent le premier commādement, l'indignation de Dieu tumba sur eulx: Non pas si rigoreusement que le bon patriarche Noé, ne trouuaist, ainsi qu'il est escript au sixiesme chapi-

## Contredicts

tre de Genese, grant deuant luy : Et que Noé, sa femme & ses fils & les femmes deses fils ne feussent preseruez du deluge: Apres lequel Noé feit à Dieu sacrifice si agreable qu'il est escript au chapitre huietiesme ou il dist: Je ne maudiray plus d'oresenauant la terre pour l'occasiō de l'homme: car l'imagination de son cueur est mauuaise des sa ieunesse: & si ne destruiray plus toute chose viuante, comme i'ay fait. Cy apres tous les iours de la terre, semailles & moissons, le froid & le chault, l'Esté & l'Yuer, le iour & la nuit ne cesseront point. Il leur dict de rechef au neufiesme chapitre: Fructifiez, multipliez & remplissez la terre. Il establit aussi son alliance avec eulx, leur semence & avec toute autre creature viuante: & cōstitua vn pact à fin que toute chair ne feust plus exterminée par deluge: & mit son arc au ciel pour auoir memoire de l'alliāce perpetuelle entre Dieu & toute ame viuante. Nous trouuons aussi au douziesme chapitre de Genese qu'il dist à Abraham qu'en luy seroyent beneistes toutes les familles de la terre: Et luy donna & à sa semēce (voire à iamais) comme le porte le treiziesme  
chapi-



chapitre. Toute la terre vers Aquilon, Midy, Orient & Occident, & luy promet que sa posterité seroit comme la pouldre de la terre. Et le voulant d'auantage consoler & fauoriser luy dict comme il est escript au quinziésme chapitre: Contemple maintenant le ciel, & compte les estoilles: car si tu les peulx nombrer, ainsi sera ta seméce. Et peu apres en ce mesme chapitre le Seigneur fait encore alliance avec Abraham & luy donna en possession la terre. Et de rechef au dixseptiesme fut l'alliance perpetuelle confirmée entre Dieu, Abraham & sa semence apres luy en leurs generations. D'auantage, qui fait bien à noter, leur dict: Mon alliance sera en vostre chair pour cōfederatiō perpetuelle. Et encore parlant à Abraham luy promet que Sarra sa femme enfanteroit vn fils, qu'il nōmeroit Isaac & establirait son pact avec luy. Mais cōment? En l'alliance perpetuelle tant de luy que de sa semence apres luy. Regardōs au dixhuiétiésme comme le Seigneur par sa clemence eust à la priere d'Abraham differé la subuersion des citez Sodome, Gomorre, A Dama, Seb & Segor. Si en icelles se

## Contredicts

feussent seulement trouuez dix hommes iu-  
stes. Et au vingtdeuxiesme: Il reitera l'alliã-  
ce avec Abraham & promet de rechef be-  
neir & multiplier les siens: voire comme  
les estoilles du ciel & d'abondant cōme le  
sablon qui est sur le riuage de la mer: ce  
qu'il confirma avec Isaac au vingtsixiesme  
chapitre: Et encore au vingthuitiesme luy  
dict: Ta semence sera comme la poudre de  
la terre & sera respandue en Orient & Oc-  
cident, Septentrion & Midy, & toutes les  
lignes de la terre seront beneistes en toy,  
& en ta semēce. Il est escript au trentecin-  
iesme que Dieu s'apparut à Iacob, reuenãt  
de Mesopotamie, le beneist & luy dict: Je  
suis le Dieu tout puissant, fructifie & multi-  
plie: car gens & assemblees de gens proce-  
deront de toy. Le trentedeuxiesme chapi-  
tre de Moise du secōd liure de Moise, dict  
Exode, nous faict certains que le Seigneur  
pardōna aux enfans d'Israel, lesquels com-  
me idolatres auoyent fabriquē vn veau de  
fonte pour l'adorer. Voila doncq' comme  
pour vn aduancemēt auons voulu tirer les  
sacrez passages ou il est traitē de l'amour  
inuiolable & grans benefices de Dieu en-



uers les hommes, pour en leur posterité les conseruer perpetuellement, ou bien si longuement en ce monde que ce sera chose miraculeuse & admirable. Car il promet au liure d'Isaie son salut es generations des generations. Mais qu'est il escript au tretevniesme de Ieremie: Apres ces iours icy dict il, ie leur donneray ma loy & l'escriray en leur cueur, & seray leur Dieu & eulx seront mon peuple. Ils me cognoistront tous & pardonneray à leur iniquité & n'auray plus memoire de leur peché & leur feray vne alliance eternelle, dict il au trentedeuxiesme. Mais pourquoy, pourra dire quelqu'un, le faiz tu tant misericordieux? Pour autant, respōd sainct Iacques en son epistre, que misericorde se glorifie à l'encontre de iugement.

*Que Moyse & Trismegeste ont composé les liures originaulx de toutes sciences.*

CHAPITRE V.

**S**I nous allegons Moyse seul, noz astrologues le trouueront fort mauuais, ou

## Contredicts

1 bien par trop cōmun, pource q̃ ses œuures  
sont si à bon droit à tous en vſaige . Car ils  
n'estiment non plus qu'un rien ce qu'il a si  
brieffuement & ſuccinctement eſcript en  
ſon premier chapitre de Genefè & autres  
enſuyuās ou il traiçte (qui nottera bien ſes  
dictions) de la vraye & parfaicte aſtologie  
& aſtronomie, pource, à mon aduis, qu'ils  
conſiderent qu'il n'a eu aſpect & egard au  
cours, mouuement & ſignes des corps ce-  
leſtes: Parquoy & pour les contenter, par-  
lerons d'un aſtologue (le di aſtologue  
tout oultre) qui du tēps de Moyſe regnoit,  
en Egipte. C'eſtoit le grand Mercure Triſ-  
megiſte hermes, deux liures duquel ont  
par le venerable du Preau, natif de Mar-  
couſſis pres Paris, plus diuinemēt que hu-  
mainement en noſtre langue eſtē traduits  
& auōs trouuē bon d'aucū de ſes dicts ele-  
guans, cōme faiſans en ceſt endroiçt fort  
à propos. Mais auāt paſſer outre repeterōs  
que le translateur & autres ſont d'accord,  
que ces trois noms Mercure, Triſmegiſte,  
Hermes luy furent dōnez, pource qu'il fut  
trois fois trefgrant & ſouuerain, aſſauoir  
trefexcellent philoſophe, trefouuerain ſa-



crificateur, & tresuertueux & magnanime  
Roy d'une prouince d'Egipte qu'un Ap-  
pian en sa cosmographie dict estre nom-  
mee Libie Marmarique, en laquelle Mer-  
cure Hermes edifia deux citez qui retien-  
nent encore son nom: l'une appellee La  
grande ville de Mercure, autrement, la cité  
Hermopolis selon le mesme Appian qui  
dict que là est l'arbre, appelé Persidis, le-  
quel s'enclina deuant la vierge Marie fuyant  
en Egipte avec son enfant Iesus. L'autre ci-  
té est Hermis la moindre, non pas situce  
loing de l'autre ville de ce grand Trismege-  
ste, qui premier disputa elegamment des  
choses diuines & celestes, & autres grands  
& difficiles disputations theologicques.  
Et à ceste cause fut appellé & réputé, Dieu  
d'eloquēce, parce qu'il composa plusieurs  
liures: deux entre autres speciaux & pleins  
de tressaincts mysteres & oracles: l'un trai-  
ctant de la puissance & sapience de Dieu: &  
l'autre de la volonte diuine. C'est luy cer-  
tes que ie veulx soustenir auoir, apres le sa-  
créprophete Moyse, esclarcy & mis en lu-  
miere les grandes œuuers des vraz astro-  
logues, philosophes & prophetes anciens,

## Contredicts

qui n'auoyent pour prophetiser vne seule attente ne regard aux astres: mais bien certaine confidence & credence au createur: par l'esprit duquel ils prophetisoyent & predisoient ce qui estoit aduenir. Et neant moins tous ces messieurs les anciens mathematiciës, barbares & non catholicques qui peruertissent, dict Ieremie vingt troisieme chapitre, les paroles du Dieu viuant, ne semblablement les modernes, qui ont tout pillé & derobbé les œuures de Moyse & Trismegeste, ne les alleguent & approuuent non plus, que si avec eulx les hures & caractaires de leurs sacrez labeurs eussent esté ensepueliz. Si estoit ce là qu'il falloit commencer, puis qu'ils ne se vouloyent aider des premiers & diuins philosophes par nous nommez depuis la creation d'Adam iusqu'à Moise: Mais ceulx là estoyēt à leur regard trop gens de bien. Car s'ils eussent idolatré, noz mathematiciës les eussent, comme ie croy, par trop mieulx alleguez & estimez. Combien que si Moyse & Trismegeste estoient encore viuans, eulx mesmes cōfesseroyent que tout ce qu'ils ont (outre les reuelations diuines) laissé à la posterité



auoit p eulx esté pris & cueuilly sur les premiers fondemēs & memoires des anciēs.

*De la grandissime philosophie de Trismege-  
ste, qui prouue le monde infalible.*

## CHAP. VI.

**I**E ne veulx pas ignorer q̄ Mercure, Trismegeste n'ait en aucuns poincts grande mēt erré, comme recite Lactance & semblablement saint Augustin au vingttroisiesme chapitre du huitiesme liure De la cité de Dieu à plain costez par le Seigneur Du preau tant en chascū argumēt, que es annotations escriptes en la marge du liure trāslaté. Mais en prenāt le vray & laissant le douteux, diray hardimēt que quād noz astrologues ont voulu deuiner & predire, mesmement de la consummatiō & dernier periode des choses, il n'ont riē diēt de nouueau: mais coppié ses diēts eleguās & en le voulāt imiter taché de quelque chose amplifier en desguisant & muant les termes de ses escripts. Ce que bien considerant le seigneur Caron Parisien en sa philosophie. Philoso-

· phie(di ie)qui doibt estre redicte nō moins  
trefelegante & copieuse, que pleine de pre  
cieuses & louables disputatiōs, confutatiōs  
& sentences sages & veritables) a soustenn  
que les Grecs luy doibuent rapporter tout  
ce qu'ils ont d'excellent. Mais Mercure  
auoit (dict il) pris de Moyse le meilleur de  
sa philosophie. Il nous fault donc ensuyuir  
ce grād philosophe inspiré de Dieu es cho  
ses par luy saintement escriptes, puis que  
ayant de predecesseur en succeſſeur, oy &  
recueilly les doctrines des plus anciēſ pe  
res, il a le premier apres Moyse escript cho  
ses diuines & admirables. Et mesmement  
en l'vnziesme dialogue du premier liure in  
titulé De la puissance & sapience de Dieu,  
a laisse tesmoignage comme il festoit fort  
loing retiré des choses basses & terrestres,  
& diligēment persuadé es contemplations  
des choses diuines & celestes, quand il dict  
la pensee diuine par luy treshumblement  
suppliee de luy donner quelque indice de  
intelligence des choses supernaturelles &  
cōgnoissance des naturelles, luy auoir fait  
telle response: Escoute mon fils, tu doibs en  
premier lieu ſçauoir que Dieu, le temps &



l'univers se comportēt en telle sorte & maniere, q̄ Dieu est eternité: Et le tēps, generatiō. Dieu faiēt eternité: eternité le mōde: le monde le tēps: le tēps generatiō. L'essence de Dieu n'est quasi autre chose que bonté, beaulté, beatitude & eternité: Son essence & cela, n'est qu'un. L'ordre du temps est changement du temps. Celuy de generation est la vie & la mort: l'acte de Dieu est l'entendement: & l'ame eternité, perseuerance & immortalité: l'institution & reduction du mōde, est l'acroiſſement de diminution du temps, avec la qualité de generation. Eternité donc gist en Dieu: en eternité le mōde: dedans le monde gist le tēps: dedans le temps generation. Eternité est à l'entour de Dieu: le monde se meut en ceſte eternité, le temps prent fin au monde, generation se faiēt & accompliſt dedans le temps. Dieu donc est la source & fontaine de toutes choses, l'essence duquel est eternité. La matiere d'eternité est le monde. La puissance de Dieu est eternité: l'œuvre d'eternité est le mōde, lequel fut qu'il n'estoit point: Estant tousiours toutesfois en Dieu, comme fil eust esté faiēt auant tout aage.

Et attendu que l'aage ne peult oncques cesser, aussi pareillement le monde iamais ne cessera: lequel pource qu'il est compris d'*Erreur.* ternité iamais aucune ptie de luy ne pourra perir. Or que noz philosophes & astrologues disputent là dessus tant qu'ils voudront, il ya de la matiere assez où ie ne congnois ne fons ne riue: & aussi ne mē veulx empescher.

*Comme Trismegeste a prophetisé l'aduenement de Iesuschrist: & que l'ordre & le temps font le renouvellement de toutes choses.*

CHAPITRE VII.

**T**Rismegeste, la memoire duquel sera perpetuelle, a prophetisé & mōstré au dialogue treziesme, ainsi qu'il est interpreté par le translateur, comme se debuoit faire la regeneration par le fils de Dieu prenant vn corps humain, sous lequel (cōme dict sainct Paul chapitre cinqiesme aux Romains, au deuxiesme de la seconde aux Corinthiens, Ephesiés deuxiesme, Collossiés



premier, Philippé. premier & Tite troisieme) seroit sa diuinité cachée. Et ce pour nous rachapter de la seruitute de satā, comme l'ont predict Isaye cinquātetroisieme, Baruch troisieme, saint Iehan premier, & saint Paul chapitre quatrieme aux Galathiens. C'estoit donc ô nouueaux prophetes, fort bien prophetisé de predire l'aduenement du fils celeste: à sçauoir par Trismegeste qui regnoit l'an du monde deux mil quatre cens soixāte quatre au parauāt & depuis, & auant l'incarnation de Iesuschrist trois mil cent trētessept ans par Isaye qui fut martirisé & mourut sous Manasses Roy de Iuda, l'an quarāte deuxieme de son regne: & du monde l'an trois mil deux cēs quatrevingts seize. Baruch qui regnoit du temps de Ioachim Roy de Iuda qui comença à regner l'an du monde trois mil quatre cens soixāte deux. Repetons ce que ce grād Trismegeste au chapitre dixieme de son liure intitullé, De la volonté diuine a escript. Si ainsi est (dict il) que c'est animal, que nous appellons le monde, a esté au passé est de present, & sera à l'aduenir viuant à tousiours & à iamais, il fault aussi par celle-

ment dire & conclurre n'estre rien en ce mode qui soit mortel: car il ne se peut faire que mortalité ait lieu en ce qui tousiours vit en ce monde ou en quelque partie d'ice luy, pour autant qu'il procede d'un & mesme animau tousiours viuant, & par ainsi doit il estre consommé, parfaict & accomplissant en vie comme en eternité: si ainsi est que necessairement il viue a perpetuité. Que s'ensuit il en ce mesme chapitre: Le mouuement du monde (dict il) consiste de double effect: car premierement il est exterieurement viuifié par eternité & si viuifie toutes choses qui sont en luy les diuersifiant toutes de nombres & de temps limitez & prefix: vniuersellemēt, par la vertu & effect du soleil & discours des estoilles: temporellement, par la prescription de raison & loy diuine. Quant au terrien, il est cogneu par la qualité de l'air & diuersité du chaut & du froid: mais le celeste s'apperçoit par le tour & reuolution des astres retournās & recourans en leurs mesmes & acoustumez lieux, par vn changement temporel. Au regard du monde, il est receptacle du temps: par le cours & agitatiō duquel il obtient sa force



& vigueur : Mais le temps est conserué & maintenu par son ordre . L'ordre donc & le temps font le renouvellement de toutes choses de ce monde par leur alternation & varieté.

*Comme il ne fault adiouster foy aux diuinations: ne attribuer aux corps celestes aucune gloire, mais à Dieu.*

## CHAPITRE VIII.

**O**R ça , messieurs les astrologues, vous me cōfesserez Trismegeste auoir esté homme plain de sçauoir , & apres lequel vous portez les liures composez & tirez de la substance de ses sacrez labeurs: vous semble il que soyiez ou que debuez estre , dictz plus grās que luy ou bien mieulx inspirez? I'entends si vous n'avez & ne prenez autre fondemēt que des p̄fesseurs de vostre sciēce & autres que alléguez: croyez en ce que il vous plaira: Car quāt à nous qui sommes comme dict le translateur, enseignez de la verité de Iesuschrist. Par ceste mesme verité n'adiouſtons aucune foy aux diuinatiōs

## Contredicts

tant faictes par la cõtemplation des soleil,  
 lune, estoilles que du mōde: & ne leur attri-  
 buons aucune chose au dessus de l'incom-  
 municable nom de Dieu. Nous croyõs tou-  
 tesfois de ferme & inuiolable foy le mon-  
 de, quand il sera plain d'ans, debuoir quel-  
 que fois, quant a sa figure, passer. Mais cher-  
 chez qui croira & confessera que vous puil-  
 siez iuger & deuiner que telle ruine & der-  
 nier periode, sera dēs deux cens trētecinq  
 ans. Je vous supplie, ô astrologues, de pēser  
 combien doit valloir & estre prisee ceste  
 forme de pphetie. O Dieu immortel, quel-  
 le grande & inutile presumptiõ. Car nous  
 trouuons toutes choses contraires par les  
 sacrez textes prealleguez, & mesmement  
 que Dieu a tousiours promis rēplir le mōde  
 de temps & duree, voire & de conseruer les  
 lignees & posteritez des hommes sans dō-  
 ner certaine prefixion & limitatiõ des tēps  
 ausquels Trismegeste, Aristote, & plusieurs  
 autres qui errent, ne donnent aucune fin:  
 Toutesfois ils ont en cela failly, si est ce  
 que nous pouuons euidēment congnoistre  
 que le cōmencement de la primitiue theo-  
 logie, philosophie & astrologie & tout ce



que lon a par diligente inquisition recherché, hapris son fondement sur les oracles des sainctes lettres, traualx & œuures diuinement compillees, recueillies & amassees par ces deux grâs prophetes Moise & Trifemeste, à la gloire desquels toutes autres sciences theologiques, astronomiques, loix ciuiles & politiques doyuent estre r'apportees cōme tirees & ayans en eulx pris leurs vraies sources & deriuatiōs: & mesmemēt nous a esté par eulx monstté, comme pour le forfait d'Adā, le peché entra & demoura au monde iusqu'à la loy. Et de là vient que saint Paul chapitre cinqiesme aux Romains, dict, que la mort a regné depuis Adam iusqu'à Moise: Auquel les tables de la loy diuine furent, par le grand & celeste seigneur, rapportees: Ainsi qu'il est escript au vingtiesme chapitre d'Exode.

*Comme il reprent ceulx qui croient aux  
faulx prophetes.*

CHAPITRE IX.

**M**AIS passons outre, & suyons noz premieres brisees des sacrees let-

## Contredic̃ts

tres, prenans à nul aduantage l'auctorité du sage qui dict au premier de ses Prouerbes: La sapience crie dehors, elle rend sa voix es rues, elle crie es carrefours esquels les multitudes sont assemblees & profere ses dicts à l'entree des portes & en la cité. Iusques à quād (dict elle) ô sots, aimerez vous sottie? & les mocqueurs appeteront mocquerie? & les fols auront en haine science? Et iusques à quād, ô Chrestîés, de memoire eternelle, adiousterōs nous foy aux faulses propheties, diuinations, auguratiōs ou pronostications & telles autres sciences abusifues, deprauees & cōdamnees? Dieu certes se rira de nostre perdition: Pour autant dict il au mesme chapitre, que nous auons hay science. Et plustost (que ie l'adapte) adiousté foy aux escriptures prophanes & plaines de tout erreur, que d'auoir suiuy le cōseil du Seigneur. Que dict il apres? Ils mangeront le conseil de leurs voyes & seront saoulez de leurs conseil. Car le repoz des sots les occira: & la prosperité des fols les perdra: Mais celuy qui entendra la parole de Dieu, habitera seurement & reposera sans craincte de mal. Il dict encore parlant des



des faulx prophetes par la bouche de Ieremie, chapitre vingttroisiesme qu'il visitera tels faulx prophetes(cōment) en la malice certes de leurs inuētions. Mais ie vous supplie, ô lecteurs, quelles plus grandes & malheureuses pourroyent estre inuentees & plus iniquemēt recerchees que celles que ils ont nagueres esté publiees, & desquelles nostre peuple est si attenué & fasché qu'il ne demande qu'à mourir ou bien se desesperer de salut? Que dirons nous de cela? sy non que le Seigneur en ce mesme chapitre menasse tels apochriphes prophetes d'opprobres & vergoignes perpetuelles, & eternelles: lesquelles (dict il) ne seront point mises en oubli.

*Que tous philosophes & astrologues sont ignorans de la fin du dernier periode.*

CHAPITRE X.

**N**E croyons donc plus, ie vous prie, ô beneuoles lecteurs, que tels hōmes qui sont (dict Isaye vingtneufiesme chapitre) aucuglez & aucuglissent les autres puissent par quelque inuētion soit de

magic ou quelque autre art que ce soit, faire la moindre particule de l'office du seigneur, lequel est, ainsi que le sage, dict l'Ecclesiaste huietiemesme chapitre, & sçet l'interpretation, non pas seulement de la chose mais de toutes: car luy seul peult iuger des futures, & sçet, & non autre, quand la ruine dernier periode ou cōsommation du monde sera faicte. Mauldict est celluy, dict l'Jeremie quarantehuietiemesme chapitre, qui faict (oubiē qui cuide faire) l'œuvre du seigneur par fraude. Et malediction, dict Isaye au chapitre preallegué, sus ceulx qui sont de cueur profond pour cacher le conseil arriere du seigneur & dont les œuvres sont faictes en tenebres. Or nous auons assez touché es liures precedens des propheties tant sainctes & louables, que de celles qui sont vaines, tenebreuses & scabreuses: reste dōc satisfaire à ce qu'auons promis monstrier selō les saincts escripts. Que tout ainsi que les œuvres de Dieu ont tousiours esté, sont & seront admirables, le monde aussi, auant la cōsommation, sera par l'vniuerse & eternelle misericorde diuine plain d'ans admirables. Ce que ne croyent noz astrologues



modernes qui ont craincte de quelques  
mousches ferrees qu'ils doubtent venir au  
temps de la fin du septiesme milliaire, dont +  
& de si longue main ils nous menasse : Et  
ont si bien sur ce faiët leurs calculations &  
iecté leurs sorts, qu'ils dient qu'il est impos-  
sible que les spheres erratiques ( oultre ce  
temps la) puissent faire leurs cours & circu-  
laires mouuemens : Pource, à mon aduis,  
qu'il leur semble que le puiot soit de fer ou  
acier, sur lequel ils tournent, s'est, par la suc-  
cession du temps, si fort vsé qu'il fault que  
quelque autre plus grand fabricant que  
Dieu, le reforge de nouuel: ou bié si cela ne  
se faiët, les courtines des cieulx (en ce tēps  
là qu'ils dient) tumberont & lors toutes les  
allouettes seront prises. Mais laissons là ces  
astrologues, diët Lactance au chapitre dix-  
huiëtiesme de son liure intitulé De la vraye  
adoration, lesquels ou totalement ne con-  
gnoissent rien (diët il) & cōfessent cela mes-  
me ou le faignent par vne souueraine sciē-  
ce: Ou bien ne cognoissent parfaictement  
ce qu'ils sçauent, parce qu'ils s'estiment sça-  
uoir ce qu'ils ignorent, & en tel estime er-  
rent sottement & arrogāment. Mais auant

## Contredicts

que d'entrer en matiere si difficile, il nous fault sil est possible, (& croy que non) accorder les anciens historiographes theologiens, les soixantedix interpretateurs & autres qui se sont voulu mesler de compter, & les aucuns abuser par cuider donner l'intelligence du nombre des ans du monde. Car il fault sçauoir si nous sommes pres ou loing, ou bien dens le septiesme milliare, qui sera nostre but & fin, dient aucuns: Mais ne nous tormentons pas tant l'esprit: Car si nous pouuons à tout le moins gagner le temps de l'erreur du calcul, encore se faudra il resiouir, pource que nous aurons beau viure.

*Preuue, que des auparauant le deluge, l'an  
estoit de douze mois, comme au  
temps present.*

### CHAP. XI.

**M**AIS comme pourrons nous venir au recueil des opiniōs sans premier nous accorder que les iours & mois les anciens comptoyent pour l'accomplissement d'un



an. Car beaucoup de sçauans hommes, tant historiographes que theologiës, qu'il n'est ia besoing nommer, se sont (dont ie m'esba hi) persuadez & voulu persuader les autres de faire entēdre le cours de l'an n'auoir esté si loing, qu'il est de present: & esté d'auis qu'il ne sy falloit arrester à ce qu'il estoit escript, les hommes auoir au premier aage & auant le deluge si long temps vescu. Parce, disoyēt ils, que les ans ne duroyēt que le cours d'une lune qui est de vingtsept iours sept heures. Les autres passoyent oultre & disoyent qu'il y auoit neuf ou dix mois en l'an: & que les autres mois y auoyēt depuis esté adioustez & autres grandes folies par eulx laissees es resueries des posteritez qui n'ōt en cela voulu rechecher la verité, faulte d'auoir leu & diligemment compris & entendu le ppre texte des premier, septiesme & huitiesme chapitres du liure de Genese, escript & à nous laissé par Moyse nostre premier scribe, legistateur & historiographe. Car que tous noz philosophes trouuent vn autheur plus ancien ie le quitteray. Et à fin que ne soyons veu en cest endroit l'alleguer sans cause, dirons que

ce glorieux Moÿse au premier chapitre de  
 Genese dict: Dieu feit deux grands lumi-  
 naires au firmament du ciel pour separer la  
 nuit en iour & pour estre en signes, en sai-  
 sons, en iours & en ans. Et voila donc com-  
 me les temps & saisons furent des le com-  
 mēcement creez & diuersifiez. Il dict au se-  
 cond chapitre: Dieu au septiesme iour ac-  
 complit son œuvre, si reposa, le beneit &  
 sctiffia. Et au sixiesme chapitre le seigneur  
 dist: Mō indignatiō ne demourera pas tous  
 iours contre l'homme pour autāt qu'il est  
 charnel, mais seront les iours d'icelluy cēt  
 & vingt ans. Or fault il maintenāt prouuer  
 que ce n'est chose nouuelle que chacun an  
 ait duré douze mois cōplets & mesme des  
 auparauant le deluge. Qu'il soit ainsi, nous  
 auons ia parfaict vne sepmaine au septies-  
 me iour du repoz du seigneur: & est à not-  
 ter qu'il est dict au septiesme chapitre qu'e  
 l'an six cens de la vie de Noé au dixsepties-  
 me iour du second mois (qui estoit le mois  
 de May) les fontaines du grand abysme fu-  
 rent rompues, & les ventailles du ciel ou-  
 uertes, & la pluye fut sur la terre quarante  
 iours & quarante nuits escheues le vingt-



septiesme de Iuing: Et a la fin de ce mesme chapitre que les eaues couuroyent la terre par cent cinquante iours, puis deffaillirent & au dixseptiesme iour du septiesme mois qui estoit Octobre, l'arche s'aresta sur les montaignes d'Armenie, di& Moysé au huitiesme chapitre: & s'abaissèrent les eaues iusques au dixiesme mois: & au premier du di& dixiesme, qui estoit le premier iour de Ianuier les sommets des montaignes apparurent: Et le dixiesme iour de Feburier, qui fut la fin de quarante iour qui parfont vnze mois dix iours, Noé ourit la fenestre de l'arche & enuoya le corbeau, puis la columbe: lesquels ne trouuans lieu sec ou de repoz retournerent: & quand ils eurent attendu iusques au dixseptiesme qui parfont vnze mois dixsept iours, laissa de rechef voller la coulûbe qui reuint & en son bec vne feuille: parquoy Noé congneut que les eaues estoÿét allegees de dessus la terre: Et attendit encore sept autres iours, qui fut le vingt quatriesme, parfaissant vnze mois vingt quatre iours: & renuoya la coulumbé qui ne retourna plus vers luy: Puis attédit encore sept iours qui parfont l'ã escheu au pre-

mier d'Auril, ainsi que necessairemēt fault  
 confesser par le texte suyuāt ou il dict: Que  
 en l'an six cens & vn de l'aage de Noé, au  
 premier iour du premier mois, furent se-  
 chees les eaues de dessus la terre: Ce que  
 Noé congneut amplement au vingtsepties-  
 me iour du secōd mois, ainsi qu'il est notté  
 au mesme chapitre huiētiesme. Par ainsi ap-  
 pert q̄ les mois ne furēt oncques moindres  
 de trente iours & les ans de douze mois:  
 Ioinct ce q̄ Ieremie dernier chapitre dict,  
 que au vingtcinquesme iour du douziesme  
 mois du premier an du regne de Enilmero-  
 dach Roy de Babilōne il tira de prison Ioa-  
 chin Roy de Iuda. Or cela est certain que l'ā  
 de la lune estoit de douze lunaïsons: chacu-  
 ne lunaïson de vingtseptiours, sept heures,  
 q̄ sont trois cens cinquāte quatre iours, cō-  
 me dict Isidore: mais l'an du soleil surmon-  
 te l'an de la lune de vnze iours qui parfont  
 les trois cens soixāte cinq iours, dōt nostre  
 calendrier est cōplet. Il n'en fault donc au-  
 tre chose croire, puis que cela est escript  
 par si anciens & diuins historiographes, aus-  
 quels debuōs tout ce qui a esté, est, sera par  
 tous autres escripts. Vray est que aupara-



uant & long temps depuis le deluge, noz  
anciens commençoient l'année au pre-  
mier iour d'auril: Car Dieu le commanda  
à Moyse au douziesme chapitre d'Exode  
quand il dist: Ce mois icy vous sera le com-  
mencement des mois: Il vous sera le pre-  
mier des mois de l'année: & la raison en est  
bonne: Car le mois d'Auril est le commen-  
cement du ioyeux printēps: & ainsi le gar-  
dons nous en France: mais les Romains cō-  
mencent à nombrer les ans des le premier  
iour de Ianuier & nous attendons pasques.

*De l'ethimologie & deriuation des noms  
des mois de l'an.*

CHAP. XII.

**N**OVS ne serions en nostre endroit sa-  
tisfaits, & nous sembleroit aussi que  
les curieux lecteurs seroiēt deceuz, si auant  
que de paruenir au but de nostre esperance  
ne rendions raison certaine du temps es-  
cheu, depuis la creation du monde. Nous  
auons ia, ce me semble, assez monsté les  
ans auoir tousiours esté de douze mois:

## Contredicts

Reste donc declarer qui leur a donné & imposé leurs noms. Vray est qu'en nostre second liure Des antiquitez & singularitez du monde, auons exposé comme Noé fait la partition de l'an en douze mois: Mais il se doibt entendre qu'en cela il ne fait rien de nouveau. Car il monstra seulement ce qu'il en auoit appris de Lamech, son pere, qui l'auoit appris de Mathusalé & autres doctes hommes, qui auoyent en l'astrologie & autres grandes sciéces esté instruits par le saint & premier pere Adam, qui fut, comme nous auons assez montré ailleurs, créé parfaitement sçauant en toutes sciéces naturelles: mais depuis nous trouuons selonc Isidore que les Egiptiens ont donné & imposé à chacun mois de l'an nom propre & peculier. Et dict, ainsi qu'il est repeté par le compilateur du propriétaire, que ce mot, mois, est vn nom tiré du nom de la lune en Grec appellee mone: Et que le mois de Ianuier que nous disons auourd'huy & selonc l'usage Romain, le premier de l'an, a pris son nom de Ianus lequel en nosdicts liures des antiquitez auons apres, plusieurs autres auteurs entēdu le patriarche Noé,



auquel ce mois (selon les poëtes, & Isidore, que ledict compilateur du propriétaire a ensuiuy) fut anciennement consacré, & maintenant est nommé, Ianuier: pource dict Isidore, qu'il est la porte par laquelle on entre en l'an aduenir. Feburier est ainsi appelé, pour Febru, qui autrement & poëtiquement est appelé, le Dieu d'enfer, auquel anciennement ce mois fut aussi, par l'erreur des payens, consacré. Car ils disoyent Ianus estre Dieu de la hault: & Febru le Dieu d'ēbas. Le mois de Mars fut ainsi nommé par vn prince Romain que les poëtes ont fainct & nommé le dieu Mars. Auril en Hebrieu appelé yar & en Grec sandicos a esté mué en ce nom Auril, pource qu'en ce tēps toutes choses se œuurēt, & toutes herbes & arbres de la terre cōmencēt à poulsier & fleurir. May est ainsi nommé d'une princesse nommée Maye, qui fut mere de Mercure. Iuig fut ainsi nommé des ieunes soldats ou infanterie des Romains, qui auoyent en certain camp ou exercite d'une guerre, esmeue en l'Asie, dressé leurs tentes & paillions d'une part, & les vieux capitaines & gens d'armes d'autre. Iuillet qui en Hebrieu estoit nom-

## Contredicts

mé Chamul, & en Grec Pauermos, fut depuis ainsi nommé Iuillet de Iulius Cesar qui fut né en ce mois : ou bien, selon aucuns, pource qu'il y fut sacré empereur. Aoust en Hebrieu appellé ebal & en Grec yor a pris ce nom d'Auguste Cesar, qui ainsi le voulut nommer. Septēbre en Grec appellé trasi & en Grec correos & depuis nommé Septembre, pource qu'il est le septisme apres la pluye tēporelle qui vient, diēt Isidore, au mois de Mars. Octobre est ainsi appelé pource qu'il est, diēt le mesme Isidore, le huitiesme apres la pluye de Mars. Il est en Hebrieu appellé marison & en Grec liperbeos. Nouembre en Hebrieu appellé caler & en Grec dios, est ainsi appelé pource qu'il est le neufiesme apres les pluies de Mars. Decembre est en Hebrieu nommé Rubeth & en Grec epulers & à present Decembre, pource qu'il est le dixiesme apres la pluye de Mars. Les chapitres precedens seruiront donc pour monstrier que les ans du monde n'ont iamais esté moindres que ils sont de present. Vray est que le commencement & entree de l'an differe en plusieurs regions, comme nous auons tantost diēt,



que les Iuifs cōmençoÿēt leur an le premier iour d'Auril: & les Egiptiēs, selon Pline, le commençoÿent au iour que nous comptons maintenāt le dixhuiētiesme Iuillet. Les Romains & Italiens le commēcent le premier iour de Ianuier: & noz François & autres nations, le commencent, i'entends quant à nombrer les ans au iour & feste de Pasques, lesquelles contrarietez ont, à mon aduis, beaucoup troublé, ainsi que nous dirons cy apres, les historiographes.

*Des contrarietez qui sont en Iosephus: Les soixante dix interpretateurs & docteurs de l'eglise sur les ans de l'aage du monde.*

## CHAPITRE XIII.

**N**OVS auons assez monstré tant es liures precedēs qu'en nostre premier liure Des antiquitez & singularitez du monde, que selon la verité Hebraique, depuis la creation du monde iusqu'au deluge exclusiuelement, qui est l'accōplissement du premier aage, sont escheuz mil six cens

## Contredicts

cinquantefix ans seulement. Et voila l'opinion que sommes obligez tenir, puis que l'eglise, à bon droict, comande d'adiouster foy aux sacrez liures de Moise. Nous trouuons par apres, que depuis le deluge iusques à la natiuité nostre seigneur Iesuschrist sont aussi escheuz trois mil cinq cens quarante-trois ans: Auec lesquels fault adiouster mil cinq cens cinquante-cinq ans escheuz depuis la natiuité de Iesuschrist. Et par ainsi en la presente année, mil cinq cens cinquante-cinq fault compter depuis la creation du monde, & selon la plus commune opinion tenue en l'eglise, six mil sept cés cinquante quatre ans. Mais Iosephus qui a sibi euy la trace des liures de Moise & autres de l'ancien testament, qu'il semble mieulx les auoir coppiez qu'auoir quelque chose composé & adiousté du sien, dict au quatriesme chapitre de son premier liure Des antiquitez des Iuifs, que la première aage qui est iusqu'au deluge dura deux mil six cens cinquante-six ans: Et depuis le deluge iusque à la Natiuité de Iesuschrist, trois mil neuf cens soixante-vn, auec lesquels ioinurons mil cinq cens cinquante-cinq, escheuz depuis la Na-



tiuité de Iesuschrist & trouuerons depuis la creation du monde iusques à l'annee presente mil cinq cens cinquante cinq huit mil huit vingts deux ans. Ainsi appert selon son opinion erronnee qu'auons ia passé le septiesme milliaire de mil cens soixante deux ans.

Les soixantedix interpretateurs soustiennent l'aage premier auoir duré deux mil deux cens quarantedeux ans, que depuis le deluge iusques à la Natiuité de nostre seigneur Iesuschrist, y a trois mil deux cens ans qui sont cinq mil quatre cens quarante deux ans: ausquels fault adiouster mil cinq cens cinquante cinq, escheuz depuis la Natiuité & trouuerons six mil neuf cens quatre vingts dixsept ans. Appert donc que du septiesme milliaire ne reste plus que trois ans & tost apres, ou bien cependant, si Dieu n'y met remede tout perira, se dient noz faulseux astrologues ausquels ne faut adiouster foy. Sainct Augustin au vingtiesme chapitre du liure quinziesme De la cité de Dieu dict que depuis la creation d'Adā iusqu'au deluge sont deux mil six cens soixantedeux ans. Et depuis le deluge iusqu'à la Natiuité

de Iesuschrist, il compte trois mil cinq cēs  
 quarantetrois ans, qui font six mil deux cēs  
 cinq ans, avecques lesquels fault adiouster,  
 mil cinq cens cinquante cinq & trouuerrez  
 sept mil sept cens soixante ans. Par ainsi se-  
 lon l'opinion de saint Augustin le septies-  
 me milliaire est passé de sept cens soixante  
 ans. Eusebe, & le venerable Bede en son  
 petit liure des temps, & avec eulx vn do-  
 cteur qui a composé le Facicule, liure autre-  
 mēt intitulé Les fleurs & manieres des tēps  
 passez, sont vnanimement d'accord, que de  
 puis la creation du monde, iusques à la Na-  
 tiuité de Iesuschrist, sont escheuz cinq mil  
 cent quatrevingts dixneuf ans: Avecq' les-  
 quels soyēt ioincts mil cinq cens cinquante  
 cinq depuis la Natiuité: & seront trouuez  
 six mil sept cens cinquante quatre ans: c'est  
 certes à mon aduis, l'opinion plus veritable  
 & approuee en l'eglise. Et partant reste  
 encore du septiesme milliaire, deux cens  
 quarantefix ans.

Comestor nombre, depuis la creation  
 d'Adam iusqu'à Iesuschrist, cinq mil cent  
 quatrevingts seize ans. Lesquels ioincts a-  
 uec mil cinq cens cinquante cinq depuis la  
 Natiuité



Natiuité font ensemble six mil sept cens cinquante ans: enquoy il est seulement differēt de la verité Hebraique de quatre ans & selon son opinion reste encore du septiesme milliaire deux cens cinquante ans.

Hugues de saint Victor, cardinal, facorde aucunesfois à la verité Hebraique, mais ailleurs il dict que la premiere aage dura seulement mil deux cens cinquante-six ans, enquoy il erre de quatre cens ans & en suyuant son opinion derniere, resteroit du septiesme milliaire six cens quarantefix ans.

Le docteur Brochard homme de singuliere memoire & duquel auōs parlé au premier chapitre du secōd liure dict, en la mer des histoires, que la Natiuité de Iesuschrist fut l'an du monde trois mil neuf cens soixantetrois, enquoy il erre grandement ou bien les imprimeurs ont failly: car en y adioustant mil cinq cens cinquante cinq ans, depuis escheuz, trouuerōs seulement cinq mil cinq cens dixhuiēt ans: resteroit donc du septiesme milliaire mil quatre cens

quatre vingts deux

ans.

Contredicts

*Il descript les contrarietez des historio-  
graphes modernes sur les ans  
du monde.*

CHAPITRE XIII.

**A**PRES auoir colligé les opinions de Iosephus & docteurs de l'eglise qui ont escript, glosé & interpreté sur les liures desvieil & nouueau testaments, viendrons aussi à prendre & cueillir celles des historiographes modernes.

Henry Glaream qui a composé en Latin vn petit liure de singulier labeur intitulé Chronologia, dict que Iesuschrist fut né l'an sept cens cinquante vn, apres la fondation de Rome: mais il ya grande contrarieté es opinions des Historiés mesmement au Faciculle qui suit l'aduis de saint Augustin, est escript que Rome fut fondee l'an de la creation d'Adam quatre mil quatre cens quatre vingts quatre ans & en y adioustant les sept cens cinquâte vn iusques à la natiuité se trouueront cinq mil deux cens trentecinq ans. Dauâtage y fault adiouster mil cinq cens cinquâtecinq



escheuz depuis la natiuité & se trouuer-  
rôt six mil sept cēs quatrevingts dix. Ainsi  
resteroit du septiesme milliaire, deux cens  
dix ans seulement.

Frere Robert Gaguin, historiographe  
excellent es cronicques de nostre France,  
au premier chapitre compte de la creatiō  
d'Adam iusques à l'incarnation de Iesuf-  
christ, cinq mil cent soixante deux ans: les-  
quels ioincts avec mil cinq cens cinquante  
cinq, font ensemble six mil sept cens dix-  
sept ans.

Maistre Nicole Gille historiē de memo-  
re louable qui a suiuy Gaguin & beaucoup  
plus que luy ramenē distoires en lumiere a  
au prologue de son liure intitulé Les An-  
nales, escript: Que la Natiuité de Iesuf-  
christ fut cinq mil deux cens ans apres la  
creation d'Adam: Lesquels ioincts, avec  
mil cinq cens cinquante cinq depuis es-  
cheuz, se trouuerront cinq mil sept cens  
cinquāte cinq ans, enquoy il a seulēmēt pas-  
sé d'un an le nōbre de la verité Hebraicq.

Le Seigneur Iehan de Carion Lequel cer-  
tes a succinctement & copieusement trai-  
cté de la cronicque du monde, afferme Ie-

suschrist auoir esté né l'an de la creation de  
 Adā, trois mil neufcens quarantequatre:  
 Et en y adioustant mil cinq cens cinquante-  
 cinq eschuz depuis la natiuité se trou-  
 ueroit seulement cinq mil quatre cens qua-  
 trevingts dixneuf ans: & selon son aduis re-  
 steroient du septiesme milliaire mil deux  
 cens cinquante quatre ans: mais il a en ce-  
 la grandement erré ou bien est procedé tel  
 le faulte des imprimeurs qui ont mis ses  
 œuures en lumiere. Il dict encore que Ro-  
 me fut fondé l'an trois mil deux cens vingt  
 vn apres la creation d'Adam qui fut (dict  
 il) sept cens vingtnuef auant l'incarnati-  
 on: Lesquels ioincts avecq' mil cinq cens  
 cinquãtecinq depuis escheuz, se treuve seu-  
 lement cinq mil cinq cens cinq ans: Dont  
 selon le dernier calcul resteroit encore  
 de ce septiesme milliaire mil deux cens soi-  
 xante ans.

Maistre Iehan Bouchet de Poitiers le-  
 quel de nostre temps a de ses escripts illu-  
 stré la France a suiuy tant la verité Hebraic-  
 que que Eusebe en sa cronicque des tēps,  
 quand en son liure intitulé Les anciennes  
 & modernes genealogies, il a compté de-



puis la creation d'Adam, iusques à la Natiuité Iesuschrist cinq mil cens quatrevingts dixneuf ans, lesquels ioincts avec mil cinq cens cinquante cinq, font ensemble six mil sept cens cinquante quatre.

L'abbreuiateur des croniques des Rois de France, homme certes qui en cela & autres ses œuvres a aussi de nostre temps bien montré comme il a esté & est fauorisé des meilleures lettres au commencement du regne de Pharamond compte l'an du monde quatre mil trois cēs quatrevingts & vn. Or il dict & est vray que Pharamōd commença à regner quatre cens quatre vingts ans apres la Natiuité & depuis Pharamond font escheuz vnze cens trente ans iusques à la presente annee, mil cinq cens cinquante cinq: Par ainsi, selon l'opinion dudit abbreuiateur, qui est, non, selon mon iugement, par sa faulte, errōnee, ya depuis la creation du monde iusques à l'annee presente mil cinq cens cinquante cinq, cinq mil cinq cens vnze ans seulement: & resteroit du septiesme milliaire mil quatre cens quatre vingts neuf ans.

## Contredits

*De la repetition & collection des contrarietez des historiographes sur les ans du monde.*

### CHAP. XV.

**V**OUS auez veu, debõnaires lecteurs, la grandissime & desplaisante contrariet   qui est non seulement entre les historiographes, mais aussi es docteurs de leglise: Et semblablement entre culx & les soixante dix interpretateurs. Considerons donc ie vous prie, comme il seroit possible    noz astrologues iuger par leur folastre opini   du temps de la consommation & dernier periode, puis qu'ils ignorent ou bien sont grandem  t differens au nombre & calcul des ans escheuz depuis la creation, composition & aornem  t des cieulx Et du iour & heure qu'ils commencerent leurs circulaires mouuemens: Car la plupart de ceulx mesme qu'ils alleguent escripuent que le septiesme milliaire de la fin duquel ils nous menassent, est ia pass  : mesmement ainsi que dict Iosephus de mil c  t soixante & deux ans & selon saint Augu-



fin de sept cens soixante . Et au contraire  
Hugues de saint Victor dict qu'il reste du  
septiesme milliaire six cens quarante six ans.  
Le docteur Brochard afferme qu'il en reste  
mil quatre cens quatrevingtsdeux . Le sei-  
gneur de Carion soustiét qu'il en reste mil  
deux cens soixante. Et si nous voulons ad-  
iouster foy à L'abreuiateur des cronicques  
Françoises, il en reste mil quatre cēs quatre  
vingts neuf. Suffice dōc, ó lecteurs, q̃ pour  
meilleure intelligēce de ce dernier liure, a-  
uōs & à la verité, déclaré le cours des iours,  
sepmaines, mois & ans du premier aage: Et  
puis apres allegué les contrarietez des hi-  
storiographes. Mais à fin que ie ne te laisse  
incertain ou en doubte des ans du monde  
ie te veulx de rechef asseurer qu'en ceste  
presente annee mil cinq cens cinquante  
cinq apres la Natiuité nostre Seigneur, sont  
escheuz, depuis la creation d'Adam six mil  
sept cens cinquante quatre ans. Retour-  
nons donc à nostre matiere princi-  
palle, les fleurs de laquel-  
le sont encore a  
cueillir.

## Contredicts

*Que Daniel & autres saincts prophetes, n'ont rien prophetisé par la contemplation des astres.*

### CHAPITRE XVI.

**C**ombien que tous les astrologues & autres qui se sont meslez de prophetiser, mesmement de la consommation & dernier periode, se soyent principalement fondez sur la prophetie de Daniel, si est ce que voulõs par luy mesme en son dixiesme prouuer que le temps sera grand, & qu'il ne faut adiouster foy aux astrologues, deuins ne magiciens. Car cela est vray que il a escript en son premier chapitre, que Nabuchodonosor Roy de Babillonne, autrement Caldee ou Assirie, trouua dix fois plus de toute parole, sapience, & entendement en Daniel (mesme) & en Hananias, Misael & Azarias (paouures prisonniers & si captifs qu'ils eussent biẽ eu enuie de regarder, si eust esté possible, les estoilles & signes du ciel) qu'en tous les magiciens & astrologues qui estoient lors au royaume d'Assirie, lesquels pour le deffault d'interpreter



les sôges de Nabuchodonosor il feit occir & desmembrer: Enquoy faisant Daniel suruint, ainsi qu'il a escript au deuxiesme chapitre, qui luy dict: Le secret que le Roy demande, les sages, les magiciëns ne les deuins ne le peuuent declarer, mais il y a vn Dieu au ciel (dict il) qui reuëlle les secrets. Il appert donc euidentement par la seule lecture du liure de Daniel, qu'il ne fest aidé de la contemplation des estoilles & signes du ciel, pour prendre les choses futures. Il dict aussi au cinqiesme: Que tous les sages astrologues Caldeens & deuins du Roy Balazar, qui fut fils & regna apres Nabuchodonosor, ne peurent lire n'interpreter certaine escripture à luy diuinemēt enuoyee: Mais Daniel par grace infuse en donna la cartaine & vraye interpretatiō. Que ferōs nous donc? adiousterons nous foy aux deuins ou bien nouueaux prophetes? Puis que Isaye au dixneuuesme chapitre s'enquiert que sont deuenuz les sages, qu'ils annoncēt (dict il) & notiffiēt quelle chose le seigneur des armées a decreté ou bien qu'il ha à decreter. Certainement les prophetes (dict Ieremie au cinqiesme) serōt en vent & la pa-

rolle n'a point esté en eulx: c'est à dire qu'il ne leur appartient pas d'en parler, pource que ce seroit vsé de l'office du Dieu viuât, lequel au quarantequatriesme chapitre de Isaye demande: qui est semblable à moy? Qu'il appelle, qu'il annonce, & qu'il m'ordonne l'ordre depuis que i'ay ordonné le peuple ancien qui leur annonce les choses futures & qui sont à aduenir. Les prophetes, dict il, au deuxiesme de Ieremie, ont prophetisé en Baal & cheminé apres les choses qui rien ne profitent. Ton habitation, ô prophete, dict il au neufiesme, est au milieu des trompeurs. O qu'il nous de montre bien qui & quels nous sommes quand il dict au dixiesme que tout homme est abesti par sa science. Car cuide tu, dict le seigneur au vingttroisiesme, & qui faiët bié fort à noter, que ie soye Dieu de prochain temps? Iusques à quand sera telle chose au cueur des prophetes qui prophetisent mensonge & tromperie? Que dirons nous plus? Le seigneur au lieu preallegué dict: Voicy i'en veulx à ceulx qui prophetisent & recitent faulx songes & font errer mō peuple par leurs erreurs & barbouilleries. Mais voyés



Ezechiel au treiziſme, auquel Dieu com-  
manda prophetiſer contre les prophetes.  
O Iſrael, diſt il, tes prophetes ont eſté com-  
me les regnards: mais ma main ſera ſur les  
prophetes qui voyent la choſe vaine & deu-  
inent menſonge: Ils ne feront plus au con-  
ſeil de mon peuple, pour autant qu'ils l'ôt  
deceu. Et quand le prophete aura eſté ſe-  
duiſt, diſt il apres au quatorziſme, & qu'il  
aura diſt la parolle: C'eſt à dire quand en  
alleguant quelque ſigne du ciel, il aura  
ſongé, publié & mis au vent vne menſon-  
ge, comme font noz nouueaux prophe-  
tes, moy qui ſuis le ſeigneur, diſt il, ie l'ay  
deceu. Car i'eſtendray ma main ſur ce-  
ſtuy la, & le deffray du milieu de mon peu-  
ple. Je vous prie, ô leſteurs, conſiderer  
ſi tous les prophetes, i'entends approuuez  
es vieil & nouueau teſtamens, ou bien vn  
ſeul d'entre eulx a aucune choſe propheti-  
ſé par quelque ſcience & cognoiſſance des  
choſes futures. Car qui pourra iuger des ſi-  
gnes des temps, diſt ſainct Matthieu ſeizief-  
me chapitre, puis que le glorieux Iehan Ba-  
ptiſte, vray precurſeur du Meſſias & ap-  
prouué & nommé en l'vnziſme de ſainct

Matthieu non seulement prophete : mais plus excellent que prophete , n'a iamais rien iugé ne prophetisé des choses aduenir par contemplation des astres, ne signes du ciel: Car ce seroit prendre la voye des gentils & idolatres qui les craignent, dict le seigneur par Ieremie dixiesme chapitre.

*De ce que les astrologues eulx mesmes se contrarient en predisant la fin du dernier periode.*

CHAPITRE XVII.

**V**ENONS maintenât à deliberer sur la variation de noz astrologues qui soustiennent la moiectié du zodiacque qui est (dient ils) depuis le commencement d'Aries iusqu'au premier poinct de libra, estre semblable à l'autre moiectié, qui est depuis le commencement de Libra iusqu'au premier poinct d'Aries : Et que par ainsi, l'espace du temps depuis Adam (nay sous Aries) iusqu'à Iesuschrist (nay sous Libra) est egalle à l'espace du temps qui sera depuis la Natiuité de Iesuschrist, iusqu'à



la fin & dernière mette & période du monde. Car s'il estoit ainsi, ils seroyent eulx mesmes trouuez menteurs, pource qu'il nous promettēt la duree du mode estre seulement iusqu'au septiesme milliaire, qui faiēt (dient ils) la dernière statiō de l'altitudinaire firmament. Et encore ils doubterēt fort que Dieu auancera plustost son iugement : Et neant moins selon la verité Hebraïque, & eulx mesmes le confessent, Iesuschrist a esté nay comme nous auons assez cy dessus prouue, l'an du mode cinq mil cēt quatre vingts dixneuf. Par ainsi nous ne serions que biē, & de ma part ie ne differerois point de bastir, comme plusieurs ont voulu differer si tost qu'ils ont veu ces nouuelles propheties tāt espouuentables. Laissons les là & faisons noz bastimēs. Car, comme diēt saint Mathieu quinziēme chapitre : Ils sont aueugles & conducteurs des aueugles : pource que si nous auons autant à viure apres l'incarnation de Iesuschrist comme le monde auoit parauāt duré, il nous faut resiouir de trois mil six cens quarante quatre ans qui restent. D'auantage si la lune qui de present gouerne, comme diēt Roussat en la secon

de partie fait son cours, iusqu'à l'an sept mil octantesix & huiet mois: Et le soleil apres elle iusqu'a l'an sept mil quatre cens quarantevn: Ce n'est pas à dire que le monde doye encore perir. Et combien qu'il ait amplement deduit que la reuolutiō du firmament denote & nous monstre en la premiere partie l'vniuerselle reuolution du monde,oubien qu'il se renouellera ou du tout se terminera dens deux cens quarante trois ans, à compter de l'an mil cinq cens quarantehuit qu'il composa son liure & desquels ce present an mil cinq cens cinquante cinq, restent deux cens trentesix: Il me resiouit par apres bien fort à la fin de sa seconde partie, quand il dict que si tost que iupiter & la lune seront meslez & ioinctz avec mutation de triplicité sera la derniere secte & mauldicte qu'on attribuera à l'Antechrist laquelle sera de petite duree & tres fort instable & variable. Toutesfois i'opine (dict il de bonne grace) que toutes ces choses sont plus dictes par cōiecture, fixation & simples imaginations que par bonnes solidés & militaires raisons. Et voila doncq' la fiète seureté qu'il y a en noz astrologues



& nouveaulx prophetes.

*Il repete les propheties d'Esdras & Daniel:  
& se prepare d'aleguer celles  
de Iesuschrist.*

CHAPITRE XVIII.

**M**Ais quoy? dirôt les autres qui se vou-  
drôt mesler de prophetiser, nous a-  
uons ia passé les six aages du mon-  
de & sommes au temps de vieillesse & le  
temps de la consommation est prochain.  
Le prophete Edras es huitiesme, neufies-  
me, quatorziesme & quinziemes chapitres  
de son quatriemes liure l'a ainsi en ses son-  
ges nocturnes prophetisé. Daniel aussi en  
ses estranges visions escriptes es septiesme  
huitiesme & dixiesme chapitres demon-  
stre comme nous sommes en la derniere  
monarchie. Certainement puis qu'il l'a fi-  
guré de fer elle durera encore long temps.  
Et luy mesme le confesse audiect chapitre  
dixiesme quand il dict, que la vision est en-  
core pour plusieurs iours. Ce qui viét à pro-  
pos: car la foy s'augmente encore. Et neant

## Contredicts

moins saint Luc dixhuietieme chapitre, & saint Paul quatriesme à Timothee, diēt que quand le fils de l'homme viendra, il ne trouuera foy en la terre. Or tout ce qui a par lesdiēt saints prophetes Esdras & Daniel esté escript, regardoit, ce me semble, le temps qui estoit lors si troublé de guerres, seditions & scandalles, que l'on pouuoit facilement iuger que tout en iroit mal. Et pource que leurs propheties nous sont si obscures les laisserons determiner aux saints docteurs & viendrons à parler tout par ordre du grand & celeste prophete Iesuschrist vray Dieu & homme, qui a de viue voix prononcé les choses qui ont, diēt saint Matthieu treziesme chapitre, des la fondation du monde esté cachees. Et mesmemēt prophetisé de la fin & consommation d'icelluy. Car ie doubterois fort que plusieurs feissent mal leur profit de m'auoir tāt veu parler de la duree du monde pour penser q̄le voulsisse estimer & iuger eternal. Mais i'ay bien opinion contraire. Car ce que i'en ay diēt, ne rend pas à telle intention, comme vous pourrez oir, & prenant l'affirmation du glorieux saint Paul aux Galatiens  
premier



premier chapitre: Je proteste de ne vous auoir annoncé choses humaines ne diuines pour plaire aux hommes: & soyé maudit si ce que ie vous ay annoncé, est de l'homme: pource que ie n'ay iamais estudié langue, autre que la maternelle: Par ainsi nel'ay pas receu, n'apprius de l'homme: mais par la reuelation & inspiration diuine, qui m'a incité & par hardiesse inuincible poullé & asseuré de ne differer quelques grans & sçauans hommes qui me veulent calumnier. Car ie sçay bien, selon saint Iacques chapitre troisiésime, que la langue est vn feu, voire vn monde d'iniquité: & que d'vne mesme bouche procede benediction & malediction. Ainsi donc, si les aucuns louent mes labours & que les autres les depriment, ie trouueray tout bon. Car ceulx par lesquels mes œuvres seront louées (ce que ie ne desire) ne ferôt, ce me semble, aucun mal: pour ce que le seigneur y est loué, & que le labeur a esté grand. Et quant à ceulx de ma cognoissance: ou autres ausquels elles desplairont, & qu'ils les delestimeront, ils ne me ferôt certes, aucun tort: car le tort mesme, vient de moy: pource que le sage au

douziésme & dernier chapitre de l'Ecclesiaste, nous admonnestans, dict, que de faire plusieurs liures, n'y a fin aucune: & beaucoup d'estude n'est qu'affliction de chair.

*Qu'il ne fault doubter du dernier periode:  
mais Dieu seul scet le temps.*

#### CHAPITRE XIX.

**S**Herois ie par trop ingrat ou pusilanimé, d'estre si auant entré en matiere si ie ne venois à paracheuer l'œuvre entrepris. Je diray donc, que nul de ceulx qui ont catholiquemēt esté instruits en la tres salutaire loy diuine & chrestienne a iamaïs doubté du iugement final: Car nous perirons au siecle, dict Baruch troisiésme chapitre. Et tout ainsy que tout ce qui y a esté fait, a eu commencement, aussi est il subiect à consommation, dict Esdras au neuviésme chapitre de son quatriésme liure. Ce qui est iournellement & euidentement congneu par les changemens, corruptions & generations de leur espece. Celuy donc qui ne le voudroit croire, seroit heretique, & deniroit ce qui a esté predict par Iesuschrist &



fidelement enregistré tant es seize & vingt  
quatriesme chapitres de saint Matthieu:  
au treiziesme de saint Marc: en la premie  
re epistre saint Pierre, & deuxiesme saint  
Paul aux Thessa. en la quatriesme à Timo-  
thee, qu'en plusieurs autres diuins & sacrez  
passages qu'esperons alleguer par ordre.  
Mais ie soustiens tousiours, que le temps  
du dernier periode & consommation est à  
tous incogneu. Car Iesuschrist au chapitre  
treziesme de saint Marc preallegué, a dict  
que le ciel & la terre passeront: & que ses  
paroles ne fauldrôt point. Mais de ce iour  
là & de l'heure, dict il, nul ne le sçet, nō pas  
les anges qui sont au ciel, ne le fils sinon le  
pere: comme doncq' en osent prophetiser  
les hommes, puis que Dieu seul a reserué ce  
si profond secret en sa diuine pensee: Pour  
quoy aussi nos nouueaux prophetes s'auan-  
cēt ils de predire de l'Antechrist autre cho-  
se que ce qui en a par nostre Iesuschrist mes-  
me & ses euangelistes & apostres & saints  
docteurs esté annoncé. Or nous lisons que  
ce nom Antechrist n'est interpreté pour vn  
propre nom, mais d'office seulement. Car  
plusieurs sont Antechrists, selon la deuxies

## Contredicts

me epistre de saint Iehā Apostre, qui dict: Enfans, il est le dernier temps & ainsi que vous auez ouy que l'Antechrist doit venir, aussi maintenāt ont commencé à estre plusieurs Antechrists, pourquoy nous sçauons que c'est le dernier temps: Ce que certes deuons fidelement croire, puis que n'atendons plus d'autre messias ne redempteur & que par vn seul Iesuschrist toute redemption & aussi toutes propheties ont esté & sont cōsommees & accōplies ainsi qu'il est escript en l'euāgile S. Iehan dixneufiesme chapitre. Il se fault dōc biē garder des nouueaux prophetes, ou autremēt Antechrists: car le mesme saint Iehā en sa premiere epistre, chapitre ij. dict, celui estre Antechrist qui nie Iesuschrist: & nous admoneste biē fort en son quatriesme de ne croire poīt à tout esprit: mais que nous esprouions les esprits qui sont de Dieu: pource que moult de faulx prophetes sont (dict il) sortiz au mōde. Et pour nous donner mieulx à cognoistre l'esprit de Dieu, il dict: Tout esprit qui confesse Iesuschrist estre venu en chair, est de Dieu & celui qui ne le cōfesse, n'est pas de Dieu: mais cestuy est l'esprit d'Ante-



christ, dequoy vous auez, dict il, oy parler qu'il vient & est maintenant desia au monde, dont tous infideles sont Antechrists.

*Contre vn docteur scandaleux qui prescha  
à Paris, l'an mil cinq cens cin-  
quante trois.*

## CHAPITRE XX.

**I**E ne puis passer outre sans demander, si depuis la passion de Iesuschrist il s'est trouué vne plus faulse prophetie ou biē vne chose plus absurde, scandaleuse, pernicieuse & dangereuse que celle qui en l'an mil cinq cens cinquante trois, aduint en la ville de Paris, par la temerité d'un qui auoit tousiours esté reputé l'un des sçauans hommes de ce royaume : mais s'estāt forbeu ou biē enyuré de la sciēce du mōde, du moins comme dict sainct Paul premier chapitre aux Romains, esuanouy en ses cogitations se seroit tāt esloigné de la verité en approuuant plus la philosophie apochriphe, que la diuine, que par audacieuse presumption il auroit non seulement publicquement pres

## Contredicts

ché, mais ausi escript & faiât imprimer vn  
œuure, qui à bon droict fut incontinent cē  
suré, comme le plus depraué & scādaleux,  
qu'onque ait esté veu en toutes le Gaul-  
les. Car il, entre autres choses, escripuit que  
le Redempteur Iesuschrift auoit seulemēt  
vaincu satā pour le sexe masculin. Et pour  
le vaincre au regard du sexe feminin & cō  
sumer (dict il par grād erreur) la prefection  
du mōde il introduiât vne Iehenne pucel-  
le, nouvelle Eue ou espouze de Iesuschrift:  
en laq̃lle, disoit il, lesp̃rit de Iesus estoit en-  
tré & parloit en elle. Disoit dauātaige que  
elle luy auoit predict plusieurs innumera-  
bles secrets qui debuoient aduenir, tant sur  
la destruction du regne de ce malheureux  
satā, que de la restitutiō de celuy de christ.  
Et entre autres secrets que ce venerable  
predicant debuoit estre son fils aisné. Ce  
qu'il n'auoit, disoit il, iamais entendu ne  
creu, iusques à ce que sensiblement la sub-  
stāce & corps spirituel de ceste Iehēne par  
luy introduiēte, estoit deux ans depuis son  
ascension au ciel descendu en luy & se seoit  
par tout son corps sensiblement estēdu. Il  
introduiēt ausi vn sainct Iehan l'euange-



liste qui se promenoit par les rues de Paris pour prescher: & lequel i'ay veu prescher à vn chacun coing ou le peuple ignorant s'assembloit, auquel il faisoit croire estre descé du & venu du paradis terrestre sous les vertuz d'Henoch. Certainement il ya en son œuure tant de folies, erreurs, blasphemés execrables & crimes de lese maiesté diuine, que ie n'en ose d'auantaige toucher & encore moins inuiter le lecteur d'auoir recours au liure, pource qu'il ne se doibt lire, sinõ par ceulx qui le veulēt à bon droit calumnier. O Dieu eternal, quelle grande & malheureuse presumptiõ d'auoir en vne telle ville que Paris en laquelle toutes les sciences du monde sont parfaictement ouuertes, a osé si legeremēt embrasser & publier telles inuentions songees sans aucune apparence de verité. Je confesse bien qu'il ya entremeslé vn nombre de sentences bonnes, louables & escriptes en termes si eloquens & plains de philosophie qu'ils sentiroient vne memoire & louenge immortelle, si ce n'estoit qu'il y en a d'autres si malheureuses qu'ils condamnent, non seulement l'œuure, mais aussi l'ouurier &

tous ceulx qui y voudroyent croire & adherer à estre bruslez . Mais qu'est deuenu ce pphete là & ou s'est il fourré, ou s'est au si faulué son sainct Iehan ? En quel lieu auoyent ils pesché ceste science tant hereticque & prophane ? Veritablement, pour les grâdes & louables choses qu'il escriuoit, ie le iugeois & beaucoup d'autres, auoir es choses mauuaises esté surpris de quelque grosse maladie, folie ou demêce, n'eust esté qu'en son œuvre mesme, escripuât à vn notable prelat, il se recongnoissoit & disoit auoir esté sage . Confessoit aussi & soustenoit qu'il estoit lors de sa composition en sens rassis . Et en cela iugeray que luy, qui vouloit, comme fils aîné de sa mere interposée, vaincre satan . Satan mesme l'auoit non seulement vaincu, mais rendu ebeté & plain de toute œuvre diabolicque. Et s'esloignât encore plus de son mesme, adressa cē malheureux opusculē à l'vne des plus grâdes sage & vertueuse princesse du monde : laquelle contre luy grandement indignee le feit, comme i'ay entendu, incontinant censurer . Or ça il debuoit, ainsi qu'il disoit, publicquement mourir pour le peu-



ple en soustenant ses hereticques & malheureuses propositions: Et luy & son saint Iehan ne s'en debuoyent iamais fuir: mais persister & patiëment porter & endurer les tormens. C'estoyent certes, paroles vaines & telles que les recite Ieremie en son vingt troisieme chapitre: Saint Iehan apostre, en sa deuxiesme & quatrieme: & saint Paul au deuxiesme chapitre aux Theff. Car si nous auons veu q̄ tels prophetes se soyent absconsez & perduz: leur science, aussi qui estoit du diable, (estant neantmoins fardee & colloreë d'escripture sainte) a esté conuertie en fumee: A tout le moins, eulx ne leur science ne s'apparoissent auioird'huy en France, ne ailleurs, fils ne sont en lieux secrets ou il reposent & se cachent & n'osent sortir de paour des gēsd'armes. Si leur science est donc secreete & en craincte d'estre preschee, certainemēt aussi est elle malheureuse abusifue & deprauée. Car la verité reluit & se manifeste tousiours de soy mesme: & n'a craincte aucune, de quelque chose que ce soit, à l'exemple des apostres ausq̄ls Iesuschrist es derniers chapitres de saint Matthieu, & saint Marc dist: allez

## Contredicts

par tout le monde & preschez l'euangille à toute creature: Ce qu'ils feirent sans aucune craincte de la mort.

*Il ramene & allegue tous les saincts textes  
& passages, faisans mention de la con-  
sommation du monde & iu-  
gement final.*

### CHAPITRE XXI.

**N**OVS auions tantost promis d'obseruer les propheties du grand & celeste propheté Iesuschrist, sur le faict de la consommation du monde & iugement final: Mais en nous courroçant, sommes esloignez du propos auquel il fault retourner: Car il me semble que ie veoy desia noz astrologues atteneuez de fascherie, & tous prests de me rembarrer & conuaincre parla seule & simple lecture de plusieurs saincts & sacrez textes escripts, tât es liures des vieil que nouueau testamens: Mais à fin qu'ils n'ayent ceste peine deux desesperer à feuilletter & esplucher apres moy tous les passages qui leur pourroyent seruir, ie



feray pour eulx ce qu'ils, à mon aduis, ne vouldroyent faire pour moy: Car ie reciteray tous les argumens & obiects qu'ils me pourroyent ramener, à fin que s'ils me tiennent pour vaincu, la victoire ne prouienne de leurs forces: pource que i'entends que toutesfois & quantes qu'ils me vouldront alleguer aulcun saint escript ou texte de droit diuin, receu & approuué de l'eglise: c'est adire par la congregation des fidesmes, ie me conformeray & arresteray tousiours là, à fin que ie ne sois veu contrair: mais tousiours approuuer tout ce que l'eglise militante croit & veult tenir: biẽ scai chāt que la sacree escripture ne peult, dist saint Iehan dixiesme chapitre, estre faulsee: M'asseurāt aussi selon saint Matthieu vnzieme chapitre, que la sapience a tousiours esté estimee iuste de ses enfans, & non pas des meschās qui l'ont en horreur: ou pour autant qu'ils n'entendent ou ne veulent sçauoir & entendre la substance de si sacree estude: ou bien s'ils sont sçauās cōtemnent & la sapience & la science ensemble les amateurs d'icelles. Or venons donc à confesser que le fils de l'hōme qui est Ie-

## Contredicts

Iesuschrist nostre saulueur, viēdra dict saint Matthieu, seiziesme chapitre, en la gloire de son pere avec ses anges: & lors il rendra à vn chacun selon ses œuures. Et serōs, dict saint Iehan sixiesme chapitre, tirez du pere & resuscitez du fils au dernier iour. Et lors sera, dict il au dixiesme, faicte vne bergerie & vn pasteur. Venons aussi à deduire & prendre cumulatiuement ce qui a esté escript, tant par les philosophes ou astrologues que es propheties des vieil & nouueau testamens. Et commençons à Trismegeste, lequel des quatre mil six cens quarante ans ha & plus, au chapitre neufiesme de son liure intitulé De la volūté diuine, a de painct & figuré le dernier periode, cōsommation & iugement final. Ioel prophete, au commencement du deuxiesme chapitre de son liure, le donne assez à entendre. Malachie en son quatriesme & dernier chapitres nous en menasse. Le glorieux & fidele secretaire saint Matthieu au vingt-quatriesme chapitre de son euangile, donne tesmoignage des signes que le fils celeste Iesuschrist a prophetisé estre aduenir, auant la consommation du monde. Et mes-



mement que nation s'esleuera contre nation: & royaume contre royaume: & que pestillences, famines & tremblemens de terre precederōt: & plusieurs autres à plain escripts & declarez audiēt vingtquatriesme de saint Matthieu: treziesme de saint Marc dixseptiesme & vīgtvnielme de saint Luc. Et encōre es deuxielme & vingtiesme chapitres des Actes des benoists apostres. Voyez aussi comme nous sommes, au sixiesme de l'Apocalipse, menassez que la grā de iournee du seigneur est venue, & qui sera celuy qui pourra subsister? Et au dixiesme ou il diēt que le temps ne sera plus: Et que quand la voix du septiesme ange commencera à sonner de la trompette que le secret de Dieu sera consommé comme il a denoncē à ses seruiteurs prophetes. Et note par apres les vnze, treize & vingtiesme chapitres du mesme liure de l'Apocalipse saint Pierre aussi en sa premiere epistre admoneste de nous preparer au dernier tēps: nous diēt d'auātage au troisieme chapitre de sa secōde epistre, que les cieulx & la terre sont reseruez, & par la parolle de Dieu gardez, pour le feu au iour du iugement &

## Contredicts

de la perdition des hōmes meschans: mais il nous instruit en ce mesme chapitre de reputer à salut la longue attente. Sainct Paul es premiers chapitres de ses premiere & seconde epistres aux Theſſaloniens, nous aſſeure de l'incomprehenſible repoꝝ, que Dieu donnera aux iuſtes en ceſte iournee la que le ſeigneur ſe manifeftera du ciel avecq' les anges de ſa puiſſance: & qu'il fera par flamme de feu vengeance de ceulx qui ne le cognoiſſent & ne luy obeiſſent point. Or regardez, meſſieurs les aſtologues, ſi i'ay quelque choſe laiſſé derriere qui vous puiſſe ſeruir: car il me ſemble que i'ay, à tout le moins, extraict les plus precieus & coppieus paſſages qui facent argument contre moy: & les euſſe plus au long deduiſts ſans vous y renuoyer, n'eult eſté que ie commence à me faſcher de ſi grand labour. Ayez donc recours aux originaux des ſaincts & ſacrez paſſages & chapitres correz & alleguez: & vous dōnez garde de y entrer ſi auant que n'en puiſſiez ſortir: Car ſainct Pierre au tiers chapitre de ſa ſeconde epistre, nous admonneſte que ſainct Paul a eſcript aucunes choſes difficiles à en



tendre que les non sçauans & inconstans tirent, comme aussi font plusieurs autres, les escriptures à la perdition d'eulx mesmes. L'étêds toutesfois que vous, qui estes vn million de fois plus sçauans que moy pour en tirer la verité, le pourrez faire aisement, si l'affection trop grâde de resister pour vous cuider sauuer, ne vous offusque le iugement.

*Du nombre septenaire sur lequel les astrologues se fondent.*

CHAP. XXII.

**I**'A Y leu & considéré que noz astrologues se fondent bien fort sur le nombre septenaire & à leur aduantage, alleguent ce qui faict pour eulx es liures approuuez de l'eglise, comme le vingtcinqiesme du Leuitique ou le seigneur commanda à Moïse nombrer sept sepmaines d'ans, à sçauoir sept fois sept ans, reuenans à quaranteneuf: A fin que l'an d'apres qui seroit le cinquantesme, liberté fust annonçee & publiée à tous les habitans de la terre. S'aidêc

## Contredicts

aussi de Ieremie chapitre vingtecinquiesme qui prophetisa les septante ans de la ruine, desolation, transmigration & captiuité du peuple de Ierusalem en Babillonne & par mesme moyen il predict que apres les soixante ans passez seroit la ruine & deserts eternels des Babilloniens & Caldeens : Apres lequel temps Daniel au chapitre neufiesme, vient aussi à prophetiser la purgatiō de l'iniquité par l'aduenement & passion du Christ: Qui sera, dict il, decoppé apres sept & soixantedeux semaines : chacune desquelles est par noz saincts docteurs prise & interpretee pour sept ans . Or nous lisons au huietiesme chapitre du tiers liure d'Esdras, qu'il impetra d'Artaxerxes, dict Longuemain Roy de Perse en l'an septiesme de son regne, cōgé d'emmener le reste des captifs en Ierusalem ou ils arriuerent le premier iour d'Aoust, qui estoit lors le cinqiesme mois de l'an: Ce fut en l'an du monde quatre mil sept cens soixantequatre: Et avant l'incarnation de Iesuschrist quatre cens cinquantesept avec lesquels fault adiouster les trentetrois ans de la vie nostre seigneur & sauueur Iesuschrist : & se trouueront



uerōt iiij.cēs quatrevingts dix ans escheuz  
depuis la deliurāce de la captiuité Babilōni  
q̄,iusques à la mort & passio de Iesuschrist,  
prophetisee par Daniel. Quoy? vous diriez  
propremēt qu'ils veulēt accorder ce nōbre  
septenaire avec ce petit,& à leur dire tant  
dāgereux, cercle qui finira son tour à la fin  
de sept mil ans: mais ie leur demāderois vo  
luntiers si ce petit cercle a sens, esprit ou en  
tendemēt pour faire quelque chose perdre  
ou cōsommer. I'espere certes que le grand  
Seigneur, qui en ala cōduicte & qui entēd  
le son de son orloge ne fera faute (les mou  
uemēs circulaires ayāts faiēt leurs cours) de  
remōter & dōner si bō ordre à sa mōstre, q̄ il  
ne face retourner toutes les spheres & cer  
cles en leurs mesmes & acoustumez lieux,  
pour sans intermissio recōmencer tant de  
tours & reuolutions qu'il luy plaira. Voicy  
merueilles: qui sçait, diēt le pphete Ionas, si  
Dieu se cōuertira & repētira & s'il se retour  
nera de la fureur de son ire, à fin que no' ne  
perissions point? Cerres noz astrologues se  
desesperent de la puissance & sapience de  
Dieu: Qui a, selō S. Paul au iij. chapitre aux  
Ephesiens, faiēt la determination des tēps

## Contredicts

en Iesuschrist, auquel auōs cōfiāce & acces, quand ils dient: Que si à la fin des sept mil ans, ou plustost, le mōde ne perit, qu'il y aura de terribles mutatiōs: Veritablemēt no<sup>e</sup> auōs es liures pcedēs assez mōstré q l'ordre du mōde n'est autre chose que mutatiō & changemēt des tēps. Mais quel besoing est il, diēt S. Paul aux Theff. qu'on nous escriue des temps & momens, puis que sommes instruits que le iour du seigneur viēdra cōme le larrō en la nuit: & que serōs tous, diēt il au xv. de la j. aux Corin. trāsmuez en vn mōt & en vn iect d'œil à la derniere trōpe, que les morts resusciteront incorruptibles & nous qui viuōs & restōs iusqu'à la venue du seigneur, diēt il au iiii. de la i. aux Theff. ne preuiēdrōs poīt ceux qui dormēt. Mais ce n'est point à nous, diēt S. Luc au i. chapitre des Actes, à cognoistre les tēps ne les faisons que le pere a mis en sa propre puissance. Or retournōs en nostre nōbre septenaire. S. Pierre au xviii. de S. Matt. demānant à Iesuschrist, Cōbiē de fois sō frere pecheroit cōtre luy & luy pardōneroit: & si ce seroit iusques à sept fois. Iesus luy dist: Le ne te dy pas iusq's à sept fois: mais iusques à sept fois



septâte. Que voudriôs nous entendre par cela? Sinô que le seigneur, diët le prophete Ioel ii. chapitre, est clement & misericordieux, tardif à ire & de sa grâde grace, qu'il pourroit sil luy plaist, differer son iugemēt par sept fois septâte mil ans, qui font en nôbre iiii.c.iiii.xx. dix mil ans. Mais quoy? Diras tu, cela sera impossible. Hatu t'abuse, hōme de petite foy. Car il est escript en S. Luc xviii. que les choses qui sont & semblēt impossibles aux hōmes, sont possibles à Dieu. Qu'il soit ainsi: l'Ange Gabriel annonçant à la sacree vierge Marie l'incarnation & aduenemēt du fils celeste, cōclud il pas en S. Luc premier chapitre, que nulle parole ou chose ne sera impossible à Dieu? Mais pēse tu aussi que ce tēps de iiii.cēs quatrevingts dix mil ans soit quelque grâde ou difficile chose deuāt Dieu? Nô certes. Car S. Pierre diuinemēt inspiré admōneste nous garder biē d'ignorer qu'un iour ēuers le seigneur, est cōme mil ans: & mil ans sont cōme vn iour. Que veux tu respōdre? Est il quelque chose impossible à Dieu? As tu doubte que sil differe iusques en ce tēps là sō iugemēt, qu'il ne puisse loger en la cōcauité du ciel

## Contredicts

& empire tant d'ames, que ce pédant il ra-  
uira & attirera là sus: Prens courage, hōme  
pusilanime: car lors sera cogneu de tous, la  
grande perfection des benefices diuins qui  
serōt, cōme ils ont tousiours esté, cogneuz,  
plus que trefadmirables.

### *Conclusion du quatriesme liure.*

#### CHAPITRE XXIII.

**R**ESTE dōc, ô fidelles lecteurs, à vous fai-  
re iuges, si par les sacrees auctoritez des  
sus alleguees noz nouveaulx & fantastiqs  
prophetes sont virillemēt debellez & vain-  
cuz: & à leur faire confesser que la pretēdue  
science de diuination est suffisammēt prou-  
uee si inutile & dānable qu'elle ne sert seu-  
lement qu'à cōtinuellement troubler la re-  
publicque & donner craincte aux ignorans  
de perir en respōdant à leurs pēsees. Mais,  
ô hōme, dict sainct Paul aux Romains cha-  
pitre neuuesime, qui es tu qui plaidoye con-  
tre Dieu? Que veulent aussi dire telles me-  
nasses? Ne sçauōs nous pas que tout est siē,  
& qu'il peult tout? Sōmes nous, di malheu-  
reux, pis ou mieulx de tes diuinatiōs? Veux  
tu faire les astres qui sont simples creatures  
dominateurs de leur ppre & supreme crea-



teur? Nous ſçauōs bien que le ciel & la terre paſſeront, & non ſes paroles: Mais nous ſçauōs auſſi que ce n'eſt à nous à enquerir & iuger du tēps ne des momens. Pourquoy donc nous veulx tu faire paour? Dieu eſt il pas le faſteur & le potier, du q̃l parle Iſaie au xlv. cha. Ier. au xxviii. & S. Paul aux Ro. ix. Car certes nous ay ās faiſts, nous ſommes ſon œuvre: Et ſ'il nous deſſaiſt ſelō ſon bon plaisir, q̃l tort no<sup>9</sup> faiſt il de faire ce q̃ il doit? Que pourrōs nous luy imputer quād ores il nous auroit ordōnez & pparez à eternels tormens? Que dirōs nous donc apres toute diligente & curieuſe recherche? Trouuerons nous que pour toutes les diſputatiōs d'aſtologie le monde en ait iamais pis ne mieulx profficté? O inſatiable curioſité humaine! O gens par trop temeraires & audacieux! O diuinateurs pleins de toute fallace, enfans du diable & ennemis de toute re publicq̃! O gens, di ie, qui eſtes en ce mōde notoiremēt ſuſpects! Ceffez, ceffez, O indignes des cōpaignies Chreſtiēnes, voz audacieuſes preſumptiōs. Car celuy ſeroit malheureux qui ſeulement voudroit approuuer qu'il y ait vn ſeul homme au mōde qui

puisse dire ce qui se fera demain. Arrestons nous donc là: Et ne iugeons d'autre chose, sinõ que vous mesmes estes dignes du feu. Mais quant à vous, O freres catholicques vrais ennemis de tels aduersaires, ie n'ay plus qu'à vous prier & de rechef treshumblement supplier, pource q̃ c'est chose trefiuste de conclure avec moy: Que si Dieu veult presentement ruiner & consommer les hõmes & le mōde ensemble, ce n'est au cune perte ne dõmaige à nous q̃ sommes à luy pour disposer selon sa diuine volõté de nous & du mōde. Il nous fault dõc biẽ garder d'ẽ murmurer & encore plus de iuger avec les nouueaux prophetes quãd cela se fera: Car chascun scet, & S. Paul l'escrit aux Rom. cha. xi. que nul n'a cogneul' intentiõ du seigneur: Lequel ne retarde point, dict S. Pierre au iiii. de lai. epistre, sa p̃messe, cõme aucuns estiment, pource qu'il est patiẽt èuers no<sup>9</sup>, & ne veult qu'aucũ perisse: mais q̃ tous soyent receuz à penitẽce. Sera il dõc difficile à sa diuine clemẽce de permettre que le monde durera par sept fois septante mil ans: Vray est, dict saint Pierre audiẽt chapitre iii. que le seigneur viẽdra vn iour



cōme le larrō en la nuit, auquel les cieulx  
passerōt en maniere de tempeste: & les ele-  
mens estans bruslez se dessouleront: & la  
terre & toutes les œuures qui sōt en elle ar-  
derōt. Et lors on verra, dict saint Luc xxi.  
chapitre, le fils de l'hōme venir en vne nue  
auec puissance & grande gloire pour estre,  
dict saint Paul chapitre premier en la secō  
de epistre aux Theff. glorifié en ses saints  
& estre fait admirable en tous les croyās.  
Et à donc, dict saint Matthieu xxiiii. chapi-  
tre: & S. Marc xiii. enuoyera ses anges &  
reassemblera ses esleuz de tous les costez  
des quatre vents, depuis vn bout dela terre  
iusques à l'autre bout du ciel. Et quād il viē-  
dra en sa gloire & to<sup>r</sup> les saints anges auec  
luy, dict le mesme saint Matthieu au xxv.  
il sera assis sur le trosne de sa maiesté & pas-  
semblerōt deuant luy toutes nations & les  
separera les vns des autres, cōme le pasteur  
separe les brebis des boucs: & mettra les  
brebis à la dextre: Et les boucs à la sene-  
stre. Et alors dira le Roy à ceulx qui serōt à  
sa dextre: Venez les beneis de mō pere, pos-  
sede le Royaume qui vous est apresté des  
la fondation du mōde. Et à ceulx qui serōt

## Contredicts à Nostradamus.

à la fenestre dira: Mauldicts, departez vous d'auec moy & allez au feu eternel, qui est p paré au diable & à ses anges. Nous touche- riõs en cest endroiẽt du loyer des ames biẽ- heureuses qui serõt immortelles & de la pu gnitiõ des malheureuses. Mais pource que nous en auons cõposé vn liure particulier, nous y réuoyõs le lecteur. Or dõc, ô astrolo- gues, cõfessez ceste derniere, estre la vraye & pfaicte pphetie qui n'a esté faicte par la cõgnoissance du cours des astres: mais de l'eternelle parole du seigneur, qui a caché le secret des choses aduenir: & mesmemẽt de la fin & consommation du monde: non pas seulement à nous: mais aussi preschant au mont des Oliues: & estant surce interro- gé & enquis par ses disciples, cõme recite S. Marc au xiii. chap. leur dist: que du iour & heure nul ne le sçauoit, nõ pas les anges estãts au ciel, n'aussi le fils, sinõ le pere seul.

Louenges à Dieu.



☞ On t'a cy rendu loyal.

☞ Fin des contredicts à No-  
stradamus.



AV SEIGNEVR DV PA-  
uillon M. Marot, Salut.



*A mon retour du pais de Ferrare,  
Par Chambery, le chemin s'adressant  
J'ay trouué certes vne chose bien rare,  
Au cabinet de mon pere Clement:  
Car reuoluant ses escripts pour les lire  
Trop me nuisoyent & n'appaisoyent mon ire,  
Si n'eusse veu epistre de sa veine,  
Qui s'adressoit à son amy Antoine:  
Dont mieulx que moy, entendras le dessein,  
Telle est la lettre escripte de sa main.*

LETTRES DE CLEM.

Marot & par luy enuoyees de Fer-  
rare, à son amy Couillard, Sei-  
gneur du Pauillon, les  
Lorriz.



*O mon amy, Antoine,  
N'est iour que me souuienne  
Du souuerain recueil*

Que tu feis à Clement:  
Mais se reioissant  
Tost commenca son dueil.

Car lors que ie te vei  
Repassant à Lorri,  
Venant de Vauluisant  
M'en retournay à Blois,  
Ou ie fuz des iours trois  
Aux dames deuissant.

Là vint vn postillon,  
Qui m'apportoit guignon,  
Me suiuant à la trace,  
A la seule parole  
D'une femme trop fole,  
Mauldicte soit sa race.

De cela aduerti,  
Soubdain de là parti:  
Car i'auois faict serment



Ne retourner en court,  
Ce n'estoit mon plus court  
De le faire autrement.

Ie passay donc Tharare,  
Pour venir à Ferrare,  
Trouuer la sœur du Roy:  
La diuine princesse,  
M'a faict bonne caresse,  
O que feusse avec moy.

Si tu vas à la court,  
Escrile moy tout court,  
Ensemble des nouuelles:  
Iy fei peu de seiour,  
Mais en sceu pour vn iour,  
Qui n'estoyent gueres belles.

La Royne de Nauarre,  
Me donna le bon aerre,  
Qu'en passant tu me vei,

Pour me faire monter,  
Et soubdain deualler  
Les monts iusques icy.

La benigne princesse,  
Excellente deesse,  
De toutes le mirouer,  
Print mon fils pour son page:  
C'estoit le meilleur gage,  
Qu'eusse peu luy trouuer.

O, que sa fille vnique,  
Donne à la republique  
Vn merueilleux espoir  
Plain de diuinité  
En sa virginité,  
Que desire reuoir.

Ce fils, pour sa ieunesse,  
A sa grande haultesse,  
L'ay bien recommandé:



S'il faiët ce qu'il propose,  
Et que Dieu le dispose,  
Il en sera aidé.

Or puis que le cognois,  
Ie te pry, si le veois,  
Luy donner ce motet,  
De poursuiure la veine  
Du pere à toute peine,  
Et qu'il ne soit muet.

Fay de moy mention,  
Recommandation  
A ce bon gros Tartas:  
De paour de se blesser  
Ou bien de s'offenser  
Qu'il marche petit pas.

Si i'auois du papier  
De rames vn millier,  
Et qu'il ne feust trop tard,

Comme à mon amy seur,  
T'escrirois de bon cueur:  
A Dieu donc mon Couillard.  
❧ La mort, n'y mord.

❧ LE SEIGNEUR DV  
Pauillon, à son amy Maistre Mi-  
chel Marot, fils vnique du  
prince des poetes Fran-  
çois, ressusçité.



Si le tien pere, comme son fils, m'aimoit,  
Ie te doy donc aymer comme mon frere:  
Puis que tu suis la veine qu'il auoit,  
Verras le temps en toy vn iour prospere:  
Lors tu n'auras d'or ne d'argent affaire.  
Les princes sont assez memoratifs  
Qu'il faisoit seul, que nul ne pouuoit faire,  
Tant ses escripts estoyent vifs & actifs.

❧ On t'a cy rendu loyal.



RESPONSE DE MA-  
rot au Seigneur du  
Pauillon.



O frere mien, que ie me tiens heureux,  
D'auoir trouué amy tant affecté,  
Qu'apres la mort du pere genereux  
Il continue en la posterité.  
O, seigneur Dieu, cela est arresté,  
Que, par ta grace, l'amour d'entre nous deux,  
Ne sera moindre, qu'elle a tousiours esté  
Avec mon pere, d'amy tant precieux.

Triste & pensif.



Ode

A LA FLEVR DES PRIN  
cesses, Roïne de Nauarre, Mi-  
chel Marot, S.



Ma princesse,  
Ma maïstresse,  
Ie suis le fils de Clement,  
Qui sans ruse,  
Par ma muse,  
Salue la Roïne humblement.

Ie n'ay grace,  
Ne l'audace,  
Telle que mon pere auoit:  
Ny la veine  
Souueraine  
Dont si bien chanter souloit:

Qui me garde,  
Et retarde  
De m'offrir deuant tes yeulx:

La



La paour forte,  
Que ie porte,  
Est que ne puis faire mieulx.

Ton clair lustre,  
Tant illustre,  
Suivant l'esprit maternel  
Rend obscure  
La nature  
De moy loing du paternel.

Il me semble,  
Que ie tremble  
Quand ie viens à demarcher:  
Car la honte  
Me surmonte  
Si de toy veulx approcher.

Ma pensee,  
Offensee,  
Sans fin tourmente mon cueur,

Dont i endure  
Peine dure,  
Et n'en puis estre vainqueur.

Si la crainte  
A extaincte  
La vigueur de mes esprits,  
Inutile  
Est mon stille,  
Et le fruiet de mes escripts.

Quel affaire  
Puis ie faire  
Pour complaire à ta vertu:  
Si la charge,  
Qui me charge,  
De tous biens m'a deuestu?

La fortune  
M'importune,  
Par plus de cent mille maux,



Si toy Dame,  
Que ie clame,  
Ne mets fin à mes trauaulx.

Tant ie souffre  
Dans le gouffre  
D'vne extreme extremité,  
Que puis dire  
Mon martire  
La mer de calamité.

Mais i'espere  
L'heur prospere  
De ta grand' benignité:  
Dont la force  
Me renforce  
Contre mon indignité.

Mon merite  
Ne merite  
De toy ne faueur ne bien:

Ta puissance,  
Sans distance,  
Peult faire beaucoup de rien.

A la voye,  
Qu'on m'enuoye,  
Sans toy ne puis paruenir:  
Ie me fache,  
Ie me cache,  
Incogneu pour l'aduenir.

Mes estudes  
Seront rudes,  
Mal frequentes desormais:  
Et l'emprise  
Que i'ay prise  
Ne sacheuera iamais.

La personne  
Sainte & bonne,  
Qui à toy m'auoit donné,



Par loy grande  
Te commande,  
Que ne soye abandonné.

Ce fut celle,  
Qui sous l'alle  
De ton ferme apuy m'a mis,  
Quand la perte  
Feis apperte  
Du plus grand de mes amis.

S'il fut oncque  
Lieu quelconque  
En filliale amitié,  
Prends couraige  
D'auantaige,  
Et me regarde en pitié.

Grosses rentes  
Bien venantes  
Je ne pourchasse d'auoir:

Car l'enue  
De ma vie  
Requier plus science auoir.

Si sans vice  
Mon seruice  
Te peult plaire & contenter,  
Des ceste heure  
Sans demeure  
Suis hardy me presenter.

✿ Triste & pensif.

✿ AV SEIGNEVR DV PA-  
uillon, M. Marot, Salut.



Esprit diuin, de bonne race issu,  
Ou sont assis des deesses les dons,  
Excuse vn peu mon escrit mal tissu,  
Que presenter à tes clairs yeulx ofons,  
Socrates veult qu'vn chascun cognoissons,  
Ainsi, pour vray n'estant seur de moy mesme,



N'osois chanter à ta lire supreme:  
Mais puis que i'ay ta volonté cogneue,  
Ne craindray plus de t'en donner de mesme,  
Puis qu'enuers toy ma muse est bien venue.

❧ Triste & pensif.

❧ A LA FLEVR DES MAR  
guerites, Royne de Nauarre, le fils  
de feu C. Marot, Salut.



Mon Ieune esprit orendroit ie presente  
A ta haulteur, tresillustre princesse,  
Rememorer ta grand haulteur presente:  
Gueres soupirs en mon œil n'ont prin cesse,  
Voyant finir mon chemin & adresse,  
En perdant cil, que pour humble seruant  
Retins iadis d'un couraige feruent:  
Ie ne scay pas maintenant que doibs faire:  
Tout mon espoir sera d'oresenauant  
En celle en qui de moy ne se peult taire.

❧ Triste & pensif.



EXTRAICT DV PRIVILEGE  
du Roy.


**I**L'est permis & octroyé à Charles l'Angelier, marchand, libraire iuré en l'Vniuersité de Paris, faire imprimer & vëdre le liure intitulé Les contredicts du Seigneur du Pavillon, aux faulses propheties de Nostradamus: & sont faictes defenses par ledict Seigneur, à tous marchans, libraires, & imprimeurs, & autres quelconques, sur grandes peines, amende arbitraire, dommages & interests dudit l'Angelier, prinse & saisie des liures imprimez & venduz sur sa copie, d'imprimer, faire imprimer, ny vendre ledict liure durant le temps & terme de six ans: cōme plus à plain est contenu au priuilege.

Donné à Paris, le quinziesme iour de Fevrier, l'an mil cinq cens cinquantenueuf.


Par le Conseil.


Ainsi signé,

BVYER.




















PAUL MANSUY









27

6  
RÉS





